

WAN . OK

NIUSPEPA BILONG YUMI OL PAPUA NIUGINI STRET - 26 YIA NAU

36 pes

Namba 1,155

Wik i stat long Fonde, Ogas 15, 1996

50 toea

WELKAM HOM SAJEN!

□ Planti pipel i bin bung long Boram ples balus long Wewak na welkamim Sajen Petueli na brata bilong em James Mautu long Ogas 1, taim tupela i go kamap long hap bihain long tupela i ranawe long han bilong ol BRA paitman long Bogenvil.

Ripota Godfried Yassafar i go long Wewak tu na stori wantaim Sajen Petueli na brata bilong em, James.

**LUKIM OL STORI BILONG
SAJEN PETUELI INSAIT
LONG PES 3, 4 na 5.**



Timba kampani putim 12 papagraun long plis sel

...tasol ol i winim kot na redi long salens

OL PAPAGRAUN bilong ples Karkum long not kos insait long Madang provins i no amamas long wok wanpela timba kampani, Madang Timbers, mekim long katim diwai na bagarapim bus insait long eria bilong ol.

Ol papagraun i tok ol i no bin kisim gutpela toksave long kampani na PNG Nesenel Fores Atoriti long dispela wok i kirap.

Dispela eria i stap long Fa-Not Kos TRP, na i stap insait long Blok 1 long eria ol i kolim Babgi.

Ripot i kam long Madang i tok olsem long mun Jun long dispela yia, polis i bin kisim 12-pela papagraun i go na kalabusim long sel long Madang taun. Dispela em bihain long ol i protes long operesen bilong Madang Timbers long Babgi eria.

Ol papagraun i tok olsem dispela timba kampani i bin go katim diwai na bagarapim tru bus

JAMES KILA i raitim

bilong ol we ol i save go painim abus, wokim gaden na katim ol diwai bilong wokim haus, kanu na ol narapela samting.

Ol i tok sapos kampani na tu ol lain long gavman i bihainim Mama Lo bilong kantri long rispektim kastom na kalsa bilong ol pipel, ol i mas go stret na bihainim stret Melanesia pasin long go sindaun gut wantaim ol pipel na toktok pastaim bipo long statim wok.

Wanpela mausman bilong ol papagraun, Larry Yapen, i tokim Wantok niuspepa olsem long mun Jun, ol man bilong ples Karkum i wokabaut i go protes long eria we kampani i wokim rot.

Em i tok ol i bin protes bikos olsem ol papagraun, ol i mas kisim olgeta toksave pastaim bipo long dispela timba operesen i kamap.

Em i tok olsem long pasin bilong ples ol yangpela na tu ol lapun i save karim naip o tamiok taim ol i laik raun i go long bus.

Tasol taim ol lain wokman bilong Madang Timbers bilong Malaysia i lukim ol papagraun, ol i pret nating na ol i ringim ol polis i go na kisim 12-pela papagraun na kisim i go na lokim ol long sel long Madang taun. Ol lain ya i bin stap 3-pela de olgeta long sel.

Bihain 12-pela papagraun ya i bin sanap long kot na ol i win. Bikos i nogat witnes bilong ol lain Malaysia wokman bilong Madang Timbers i bin stap.

Wantok niuspepa i bin toktok wantaim Pesenel Menesa bilong Madang Timbers, Francis Kalip, husat i tok olsem wanpela wokman bilong em i bin kisim bikpela bagarap tru long han bilong ol pipel bilong Karkum.

Em i tok sampela lain bilong Karkum i bin putim naip long nek bilong em na tu ol i paitim em long ston. Em i bin stap 3-pela de long haus sik bikos ol i kisim bun long baksait bilong em.

Mista Yapen i tok olsem dispela tok i no tru.

Ol pipel bilong Karkum i no bin pretim ol lain wokman ya. Ol i wokabaut i go tasol na laik stretim toktok wantaim ol lain bilong kampani.

Sampela de bihain long ol 12-pela papagraun i kam aut long

sel, ol polis i go bek long ples Karkum na kisim Mista Yapen na arapela man, nem bilong em Willie Mayal i go long Lokol Kot long Madang.

Mista Yapen i tok insait long dispela kot, majistret i bin givim sampela toktok i go tasol bihain em i tok olsem em painim olsem tupela i mekim rong.

Tasol bikos ol i papagraun, kot i givim ol 3-pela samting ol i laikim kot long mekim. Dispela em probesen, baim penalti na i go kalabus tupela mun wantaim hat leba.

Tupela man ya i bin tok olsem ol i laikim probeesen olsem na kot i putim tupela long stap long probesen inap 8-pela mun olgeta. Kot i tok tu olsem tupela i mas i noken bikhet gen.

Sapos tupela i mekim dispela tupela bai i go kalabus.

I go moa long pes 2.

YUK KISIM W...

Steamships **HARDWARE**

Polis ripot

WEWAK: Polis long Wewak i holim wanpela man Kerema long kilim meri bilong em long Wewak. Meri bilong man ya i bin gat bel long dispela taim. Eking Polis Komanda Sief Inspekta Raphael Haaofolo i tok olsem Fuzo Paul Amet 28 krismas bilong Lese ples long Kerema i bin kilim meri bilong em i dai long kros tupela i gat long haus. Polis i tok dispela kros i kamap long Kreer nambis kompaun long 10 kilok nait long Sande. Meri bilong Paul husat i dai em polis i luksave olsem em Apolonia Aepak 19 krismas bilong ples Palimbe Pagwi long Is Sepik provins. Polis i holim Paul i stap long wetim kot bilong em. Bos bilong Wewak polis Mista Huafole i tok tu olsem em i no amamas long lukim olsem i save gat planti kros pait i kamap namel long ol marit na pasin ol man i save mekim long ol meri bilong ol i no gut-pela tru. Em i askim ol pipel bilong Sepik long no ken pait long ol meri bilong ol taim ol i gat kros.

KOKOPO: Polis i ripot long wanpela bikpela stil we i kamap las wik Fraide long Takubar nambis we ol raskel i stilim K6,000. Polis i tok wanpela man Filipino i bin i go long haus wantaim dispela mani bilong stoa ol i pulim long dispela de. Taim olsem 6 kilok apinun we ol raskel laik i kam holim em na pulim dispela mani long em. Mak olsem 7-pela man olgeta i bin kamap wantaim ol sotgan na naip na holim em long dua bilong haus bilong em taim em i laik go ausait long ka. Ol raskel lain i kisim mani ya na yusim ka bilong man ya long ronawe gen. Polis i ripot olsem ol i painim pinis dispela ka tasol ol i no holim wanpela man yet. Long Tokua ples balus tu, wanpela sen so we kos bilong em i olsem K2,000 i lus. Ripot i tok dispela sen so bai i go long opis bilong TNT kastoms long sekim tasol samting ya i lus long hap. Nogat luksave yet long wanpela man tasol polis i wok long sekim tupela hevi ya wantaim.

HAGEN: Polis long Hagen i tok bikhet na draivim ka i kamapim dai bilong wanpela yangpela manki bilong Sauten hailans long Dobel, namel long Kagamuga na siti senta long Mande. Polis i luksave olsem dispela birua i no inap kamap sapos wanpela bikpela ka i no tingting long abrusim ol arapela ka long haiwe ya. Ol ka i wokim longpela lain long rot ya tasol dispela ka i go het na abrusim ol na kamapim dispela buria long laip bilong yangpela man ya. Dispela ka i wok long abrusim arapela i bin go insait long narapela bikpela ka husat i bin karim ol kago i kam long Lae. Bos bilong polis long Hagen, John Wakon i tok dispela ka we i laik abrusim narapela i no ron stret. Bikos rot long abrusim narapela i no bikpela long abrus. Mista Wakon i tok yangpela Maes Angeal 17 krismas bilong Nipa i save wok olsem kesual leba wantaim wanpela bikpela stua we ka bilong ol i stap long dispela birua. Mista Wakon i tok draiva bilong tupela ka wantaim i stap long Hagen haus sik long kisim marasin. Em i tok mak olsem tripela man i save bungim birua long haiwe olgeta wik bikos long draivim ka na i no yusim gut het. Narapela tu em long ol manmeri i no save lukluk gut long ka pastaim long ol i brukim rot.

Ol BRA lukautim gut Manetai kea senta

GAVMAN sevis na helim i no moa go long ol pipel bilong Manetai eria na ol kea senta pipel long dispela taim nau insait long Sentrel Bogenvil. Ol dispela kea senta i lukautim olsem 950 manmeri i stap.

Ol skul tisa na helt woka i lusim Manetai eria pinis na ol pipel i kisim taim long skul na haus sik. Dispela em long Fraide 2 Ogas, we ol sekyuriti fos i bin lusim Manetai bihain long ol Bogenvil Revoluseneri Ami paitman i bin kilim dai wanpela mobail skwat plisman long hap.

Ol ripot i kam long Bogenvil i tok bihain tasol long ol ami i lusim Manetai ol BRA i bin go insait long kea senta na nau ol i lukautim gut ol pipel insait long senta.

Tasol long sait bilong kisim sevis olsem helt na edukesen ol pipel i painim hevi.

Ol ripot *Wantok* i kisim long Bogenvil long dispela wik i tok ol BRA i no wokim nabaut long

VERONICA HATUTASI i raitim

ol kea senta lain tasol ol i lukautim ol na ol i sindaun gut.

Ripot i tok as long ol pablik sevan i bin lusim Manetai bihain long ol sekyuriti fos i lusim eria em bikos ol i pret long laip bilong ol na bilong ol famili bilong ol tu. Dispela em bikos ol i karim pinis planti hevi na bagarap long laip na sindaun bilong ol long han bilong ol BRA. Long wanem ol paitman i save sutim tok long ol pablik sevan olsem ol i save sapatim PNG gavman na i no BRA. Nau ol dispela pablik sevan husat i lusim Manetai i stap nau long Arawa na Mabiri bikos dispela em ol hap we ol sekyuriti fos i stap aninit long lukaut bilong ol sekyuriti fos.

Not Solomons administresen long Buka las wik i bin wari long ol pablik sevan bilong em long Manetai bihain long ol i harim olsem ol sekyu-

riti fos i lusim dispela eria long Ogas 2. Ol helt na edukesen woka i lusim wok bilong ol na i stap nau long Arawa na Mabiri.

Distrik manesa long Arawa, Peter Siunai i tok ol pipel long Manetai i askim long gavman sevis i go bek tasol ol i laikim strongpela tok promis i kam long ol BRA olsem ol bai i no ken mekim nabaut long ol wok manmeri. Bikos ol pablik sevan i pret long laip bilong ol.

Tasol i gat ol toktok gen i kamap olsem long Siwai, sip MV Huris i anka na kirap lusim Mamagota nambis long las wiken bikos ol lain BRA na resiten i mekim nois long sotgan long nambis. Sip i no pinis long lusim ol kago bilong Siwai tasol taim tupela birua grup i statim pait namel long ol, em i tekov i go bek long Buka na kamap long hap hap aste. I gat sampela ripot tu long ol BRA i bagarapim bris long Wakunai.

Long wankain taim tu, helikopta bilong Hevi-Lift kam-

pani bai i karim ol helpim saplai i go long ol kea senta insait long Saut Bogenvil long dispela wik.

Bogenvil administresen opis i tok bikpela helikopta bilong Hevi-Lift bai karim ol kaikai, kolos na saplai i go long Buin, Siwai na Nagovis.

Opis i tok ripot we hevi-Lift kampani i no laik helpim wantaim wok long Bogenvil bikos Bogenvil trensisenel gavman i gat bikpela dinau we em i no bekim yet i no tru. Dispela ol ripot i bin kamap long niuspepa long dispela wik.

"Maski BTG i gat bikpela dinau long Hevi-Lift helikopta kampani, kampani bai i go het yet long givim sevis bilong em long Bogenvil bikos em i luksave olsem ol pipel long ailan i laikim tru helpim. Na tu, kampani ya wantaim BTG i gat gutpela wok pren na luksave namel long ol long dispela samting," opisa long Bogenvil administresen opis i tok.

Gavman oraitim lo bilong haus sik

JOE KANEKANE i raitim

NESENEL Eksekutiv Kansol (NEC) i oraitim pinis lo bilong ol 10-pela bikpela haus sik long kauntri. Dispela lo i bihainim tasol wanpela pepa nupela minista bilong helt Philemon Embel i kamapim.

Dispela lo bai putim was'olsem olgeta haus sik bai bihainim wanem tingting dipatment bilong helt i laikim. Na tu long mekim gutpela sevis bilong ol haus-sik long kauntri.

Praim Minista Sir Julius Chan i tok olsem dispela ol lo i bihainim tingting bilong Nesenel Helt Plen bilong 1996 i go long 2000 long miekim olgeta haus sik i kamap gut long kauntri bai ol manmeri i ken kisim gutpela sevis. Ol dispela lo i bilong banisim ol bagarap inap kamap long ol samting bilong haus sik olsem, ol wokman, ol propeti, ol marasin, na lo bilong ol wokman long bihainim.

Sir Julius i tok olsem dispela lo i karamapim olgeta liklik hap we ol haus sik i mas i gat lo long banisim ol yet, na tu bilong kamapim sampela rot long lukluk long ol hevi na laikim na wok bilong ol haus sik.

Olgeta haus sik bai bihainim lo bilong Modilon Jenerel haus sik long Madang, we i gat ol lo long glasim wok bilong ol bod, wei bilong ronim ol haus sik, makim ol wanwan komiti na wok bilong ol.

Bai i gat 6-pela komiti i kamap long mekim ol wok aninit long dispela lo. Dispela ol komiti bai givim toktok long ol askim na laikim



• Nupela Minista bilong Helt Philemon Embel.

bilong helt we ol haus sik i gat laikim long en, advais long wanem samting bai kamap bihain, na olgeta wok i stap aninit long lukaut bilong ol haus sik.

Dipatmen bilong helt bai go pas long lukautim ol dispela bod na komiti na putim was'olsem wanem samting dispela ol lain i wokim i mas bungim laikim bilong ol pablik na tu long mekim haus sik i kamap bikpela long kauntri.

Dispela 10-pela haus sik em; Mosbi; Alotau, Popondeta, Mt Hagen, Angau, Modilon (Madang); Wewak, Kavieng, Nonga na Kimbe.

Koprol David Ban stap gut wantaim ol Buka pren

I GAT BIKPELA bilip olsem Koprol David Ban bilong 1PIR bai i go bek long ol wanwok bilong em long Arawa long dispela wiken. Koprol Ban em i hap Sepik na Madang tasol famili bilong em i stap long Wes Nu Briten. Dispela soldia tasol em ripot i kamap long las wik Mande olsem ol BRA i holim em olsem kalabusman long Sentrel Bogenvil.

Ripot i kam long Bogenvil long dispela wik i tok ol BRA i no holim Koprol Ban olsem wanpela BRA kalabus, nogat. Koprol Ban em i gutpela pren long brata bilong wanpela strongpela Sentrel Bogenvil BRA komanda, Steven Topesi, ripot i tok. Na em i go wantaim ol BRA long hap bilong Kongara bihain long ol i stretim toktok. Ripot i tok tu olsem Koprol ya em wanskul bilong brata bilong Topesi long Arawa bipo long ol trabel i kamap long Bogenvil na long 1994 taim em i go wok long hap, em bin bungim ol poro bilong em na ol i stat long poroman gen. Bihain em i go bek long Mosbi wantaim ami grup bilong em na long las mun taim 2PIR bilong Moem Bareks i go bek long Wewak na ol nupela lain soldia bilong 1PIR long Taurama Bareks long Mosbi i tekova, Koprol Ban i bin go bek. Na statim bek wok poroman wantaim ol lain BRA poroman bilong em.

Ripot i kam long Arawa i tok ol tok-tok we ol ples lain i kam long Arawa long maket, soping o long haus sik i tok Koprol ya i stap gut wantaim ol poroman bilong em. Em i wok long karimaut ol bung na ol lain na pipel bilong ol poroman bilong em i lukautim em gut antap long Kongara eria.

Wanpela gavman opisa tu long Arawa i tok ol sekyuriti fos long hap na Loloho, i no wari long em. Ol i tok em i mekim wok bilong em na em bai go bek long ol long wanem taim em i laik. Nius bilong Koprol Ban i bin kamap bihain tasol long wanpela wik Sajen Samuel Petueli bilong 2PIR i bin ranawe long han bilong ol BRA long tupela wik i go pinis. Sajen Petueli bilong Misima insait long Milen Be provins i bin stap long han bilong ol Bogisago BRA long Buin inap long 10-pela wik.

Na em wantaim wanpela man Buin husat i bin lukautim em na kamap gutpela pren wantaim i bin ranawe long ol BRA na wokabaut i go long Arawa. Bihain tupela i bin kam long Mosbi we Sajen i bin bung wantaim famili bilong em. Nau em wantaim famili bilong em i go bek pinis long Moem Bareks long Wewak we em i save stap.

Timba kampani putim 12 papagraun long sel

i kam long pes 1

Mista Yapen i tok olsem planti pipel na tu ol papagraun i paul taim ol i harim olsem ol masin i wokim rot na katim diwai long Babgi. Bikos ol papagraun i no bin sindaun na toktok wantaim ol lain bikman bilong PNGFA na Madang Timbers long dispela wok long Babgi.

Mista Yapen tok ol, papagraun i bin askim ol bikman bilong Madang Timbers na Madang fores opis long sindaun na toktok wantaim ol. Tasol tupela taim dispela ol miting i no bin kamap bikos ol opisa bilong kampani i no bin go.

Tasol Mista Kalip i tok bipo long ol i statim dispela wok long Babgi, ol i bin askim olgeta kaunsela bilong ol ples i stap arere long dispela eria long kam long wanpela miting i bin kamap long ples Sarang. Dispela lo i bihainim nupela rifom we ol kaunsela i mas bringim toktok i go

long ol pipel. Em i tok olsem em i bin tokim kaunsela bilong Sarang long salim tok i go long Karkum long tokim kaunsela bilong ol i kam long dispela miting.

Mista Kalip i tok olsem ol kaunsela bilong Sarang, Basken na Garup i bin kam tasol kaunsela bilong Karkum i no kam. Em i tok ol dispela ples i gat ol man husat i papa bilong sampela graun insait long dispela TRP long Babgi.

Em i tok tu olsem olgeta ples i amamas long dispela wok long Babgi i go het tasol Karkum i no laikim. Mista Kalip i tok olsem bihain long sampela wok sekap, i luk olsem i gat tupela man tasol long Karkum i gat hap graun insait long dispela TRP long Babgi.

Mista Kalip i stori tu olsem dispela pemit bilong Fa-Not Kos i bin go long Jant Timba Kampani long 1972. Dispela taim Jant i bin wirim tu

Gogol-Naru TRP.

Mista Kalip i tok long dispela taim i bin gat wanpela kampani, Wewak Timbers, i bin wok long Fa Not-Kos. Dispela kampani i save katim ol somil timba na ol palp timba em i save givim long Jant.

Long 1983 Madang Timba i bin aplai long dispela TRP long Babgi na i bin winim. Ol i bin wok long dispela hap sampela taim na bihain long ol diwai i sot liklik, ol i stopim wok long 1986. Planti bilong ol dispela bus em ol i katim pinis tasol i gat sampela liklik eria i stap yet long katim.

Long 1988 Madang Timbers i bin go insait long wanpela 10-ya agrimen bilong dispela TRP long Fa Not Kos. Tasol long las ya long mun Novemba, bihain long WTK i tekova long Madang Timbers ol i bin tingting long go bek gen long Babgi long wokim rot na katim diwai.

WANTOK

All departments. Phone: 325 2500 - Fax: 325 2579. P.O. Box 1982, Boroko, NCD, Papua New Guinea

Published Weekly, Thursday, for Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty Ltd.

Acting General Manager and Group Editor in Chief: Anna Solomon

Advertising Manager: James DeLisle

Editor of Wantok: Leo Waliva

Advertising Deadlines: Display Bookings and Camera ready copy: Tuesday midday. Classified Advertising: Wednesday 2pm.

Papers distributed by air throughout PNG.

Available by airmail subscription within Papua New Guinea and overseas.

Australia and New Zealand Representatives: Tonkin Media Pty. Ltd. P.O. Box 101, Avoca Beach, NSW, 2251 Australia Sydney, James Tonkin, (043) 851746, Melbourne, Glen Smith, (03) 8072311

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.

Lukluk bilong Sgt Petueli long Bogenvil

Sekyuriti fos mas senisim pasin nogut

WANTOK

NIUSPEPA BILONG OL PAPUA NIUGINI STRET

Midia mas autim hevi ol Bogenvil pipel i gat

SAJEN Petueli i tokaut long las wiken olsem em i no amamas long ol midim i lukluk na toktok tasol long ranawe bilong em long han bilong ol BRA paitman.

Long tingting bilong em, dispela i no bikpela stori. Bikos olsem wanpela soldia, em i kisim trening long mekim ol samting long gutpela taim na taim nogut. Dispela i min olsem ranawe bilong em i hap bilong wok bilong em olsem wanpela soldia.

Em i tok stori we i bikpela na midia i sapos long givim luksave em laip na sindaun bilong ol pipel long Bogenvil.

Em i tok dispela i karamapim laip long ol kea senta, saplai bilong kaikai, klos na ol arapela samting, gavman sevis na tu planti arapela samting.

Sajen Petueli i tok midia i mas lukluk long ol dispela kain samting na autim na pipel long publik i ken luksave long wanem kain laip na sindaun ol pipel long Bogenvil i gat long nau yet.

Toktok bilong Sajen i trupela. Mobeta mipela ol midia lain i mas lukluk nau long autim ol hevi we ol pipel long Bogenvil i bungim long nau yet-eksampel-hevi bilong kaikai, nogat klos na laplap, sekyuriti fos i mekim nogut long ol pipel, nogat gutpela helt na edukesen sevis na tu ol arapela sevis. Sapos mipela ol midia oganaisesen i no autim ol dispela hevi, long wanem rot bai gavman i givim helpim.

Mipela i mas traim long autim sin na krangi pasin bilong gavman. Laip bilong ol pipel long Bogenvil i moa impoten-wankain olsem laip na sindaun bilong mipela olgeta. Mipela i mas traim long yusim wok bilong mipela helpim ol wantok bilong mipela long Bogenvil.

SAJEN Samuel Petueli, husat i stap kalabusman wantaim ol BRA paitman tasol i ranawe long han bilong ol long namba 28 de bilong mun i go pinis (Julai), i askim na tu laikim olsem ol memba bilong ol sekyuriti fos husat i lukautim na kontrolim ol kea senta insait long Bogenvil i mas senisim ol pasin nogut bilong ol.

I no ol sekyuriti fos memba husat i lukautim na kontrolim ol kea senta tasol i mas senisim ol pasin nogut bilong ol. Nogat. Olgeta memba bilong sekyuriti fos em ol i mekim wok long Bogenvil i mas senisim ol pasin nogut bilong ol we ol i gat long ol gutpela pipel long Bogenvil husat i stap long ol kea senta, ples na tu ol lain husat i pret na stap insait long bus.

Sajen Petueli i putim kamap dispela askim i go long ol memba bilong sekyuriti fos bikos long nau yet, planti taim

GODFRIED YASSAFAR i raitim

ol sekyuriti fos memba i no save mekim gutpela pasin long ol pipel.

Em i tok sekyuriti fos i save mekim kainkain pasin na samting long ol pipel we i daunim tingting na laik bilong ol pipel long givim gutpela wokbung i go long sekyuriti fos.

Em i tok ol sekyuriti fos i mas lusim pasin bilong kros long ol pipel, lusim pasin bilong givim panisimen o mekimsave long ol pipel husat i brukim o egensim ol lo bilong kea senta, stopim pasin bilong mekim nabaut long ol pipel husat ol i ting o i gat bilip i sapota bilong BRA na tu stopim ol pasin na samting we ol i save mekim long ol pipel we i tambuim ol pipel long kisim amamas na sindaun long ol kea senta na ples.

"Long winim laik na tingting bilong ol pipel long sapatim sekyuriti fos na tu long wok-

bung wantaim mipela, mipela ol sekyuriti fos i mas senisim ol pasin nogut bilong mipela. Bikos long ol gutpela pasin bilong mipela, ol pipel bai givim ol gutpela pasin long givim sapat na wokbung long wok bilong mipela. Sapos mipela i mekim nogut long ol, ol bai no inap helpim mipela," Sajen Petueli i tokim Wantok las wiken.

Em i tok ol pipel bilong Bogenvil i wankain olsem ol arapela pipel na ol sekyuriti fos. Dispela i min olsem ol i gat filing, i gat laik na tingting. Em i tok sapos pasin bilong sekyuriti fos long ol pipel i no gutpela, ol pipel bai no inap wokbung wantaim sekyuriti fos.

Em i tok ol pipel bai no inap kisim gutpela laip na sindaun sapos sekyuriti fos i no sapatim na helpim ol aninit long gutpela pasin. Em i tok ol sekyuriti fos memba i mas i gat tingting na laik bilong helpim ol pipel long kisim gutpela amamas na sindaun.

"Long nau yet, mipela ol sekyuriti fos i no kontrolim na ronim ol kea senta long gutpela pasin. Mipela i no rispektim na givim luksave long ol fridom bilong ol pipel. Planti taim mipela i egensim laik na tingting bilong ol. Mipela i egensim ol taim ol i laik yusim fridom bilong ol long stretim hevi na sindaun bilong ol," em i tok.

Mista Petueli i tok taim ol pipel i no amamas long laip long kea senta na ol i ranawe i go long bus, dispela bai hat tru long bringim ol i go bek long kea senta. Bikos ol i luksave pinis long laip long kea senta na tu pasin nogut bilong ol lain husat i lukautim, kontrolim na ronim kea senta.

Mista Petueli i tok ol sekyuriti fos memba i mas i gat belisi pasin na tu laik long helpim ol pipel. Na i no long i gat ol pasin nogut we bai kamapim hevi long laip bilong ol pipel long ol kea senta.

Beten givim baisikol

LIKLIK Yovinage Petueli, taim papa bilong em Sajen Samuel Petueli i stap olsem kalabusman long han bilong ol BRA paitman long Kugakaru long bikbus bilong Bogenvil, i save beten tu taim em wantaim ol arapela brata na susa na mama bilong ol i beten long papa bilong em. Long beten bilong em, em i save tok olsem: Jisas, blesim ol BRA na holim han bilong dedi bilong mi na em bai kam na baim baisikol (wilwil) bilong mi.



Olgeta taim ol i save beten, dispela beten i no save lusim long maus bilong liklik Yovinage. Em i save beten yet i kam inap papa bilong em i ranawe long han bilong ol BRA paitman long namba 27 de bilong mun i go pinis (Julai 27).

Papa bilong em, Sajen Petueli, i ranawe long han bilong ol BRA paitman na i kam kamap long Tabago na bihain i kam olgeta long Mosbi siti. Taim em i kam kamap long Mosbi, famili bilong em i go wetim em.

Tasol bipo long ol i lusim Mosbi na go bek long Moem Bareks long Wewak, papa bilong liklik Yovinage i baim baisikol bilong em. Hia long dispela foto, liklik Yovinage i sindaun antap long baisikol dedi bilong em i baim. Tru tumas, beten bilong Yovinage i karim kaikai.

Bogenvil pipel no kisim ol gutpela sevis

OL pipel i mas kisim ol sevis olsem edukesen, helt, sosel na ol arapela. Bikos taim ol i kisim ol sevis, ol bai luksave olsem gavman i gat bikpela tingting na laik long stretim hevi long provins na tu stretim laip na sindaun bilong ol. Dispela em tingting na luksave bilong Sajen Samuel Petueli.

Em i tok long stap bilong em long Tobago kea senta pastaim long ol BRA paitman i holim pasim na kisim em i go stap stap olsem wanpela kalabusman, em i no lukim ol pipel i kisim gutpela helt sevis, edukesen na ol arapela sevis.

Long sait bilong edukesen, em i tok dispela sevis i orait liklik. Sajen Petueli i tok gavman i traim long givim dispela sevis tasol planti pikinini long planti eria i no kisim dispela sevis. Long sevis bilong helt, em i tok planti pipel i no kisim dispela sevis-bikpela tru em ol mama na pikinini. Bikos planti mama i kisim sik na sampela i save dai long taim ol i laik karim pikinini. Na long sait bilong ol pikinini, planti i save dai taim-bikpela sik i kisim ol.

Tasol Mista Petueli i tok sarrpela sik ol pipel i kisim na i save dai, ol pipel i no sapos long kisim ol dispela sik na dai. Bikos Bogenvil Trensesenel Gavman wantaim helpim bilong nesenel gavman i sapos long putim kamap gutpela helt sevis we i sapos long banisim ol pipel long kisim ol dispela sik.

Em i tok gavman i toktok long givim ol sevis i go long pipel long Bogenvil tasol ol pipel i no kisim ol gutpela sevis we gavman i toktok long givim.

Mista Petueli i tok gavman i mas soim sampela gutpela lait long ol pipel

long mekim ol pipel i luksave olsem gavman i traim o i wokhat long stretim laip bilong ol pipel. Em i tok long soim lait, gavman i noken lukluk tasol long stretim laip na sindaun bilong ol pipel husat i stap long ol kea senta. Nogat. Gavman i mas tingting tu long ol pipel husat i stap long ol ples na tu ol eria insait long bus. Na surukim ol sevis i go kamap long ol dispela pipel na ol bai kisim na yusim na luksave olsem gavman i tingting long helpim ol.

Long sait bilong givim ol sevis, em i tok gavman i mas putim kamap ol risoses bilong ol sevis we bai mekim isi long ol sevis i ken go aut long ol pipel. Gutpela eksampel i olsem gavman i noken wokim wanpela helt senta na i no givim wokmanmeri, marasin na ol arapela medikal saplai na tok olsem nau ol pipel i ken kisim gutpela helt sevis. Dispela i no trupela. "Ol sevis i mas i go aut long olgeta pipel na i noken stop tasol long ol kea senta na ol eria we gavman i lukautim na kontrolim," em i tok.

Wanpela arapela samting long luksave bilong em we i mekim ol pipel i paul em husat tu i ronim provins-Bogenvil Interim Gavman (gavman bilong BRA) o Bogenvil Trensesenel Gavman (BTG) we nesenel gavman i kamapim.

Sajen Petueli i luk olsem BIG i kontrolim na ronim ol bus eria bilong provins na BTG i wok long kontrolim na ronim ol eria ausait long ol bus eria.

Wanpela arapela bikpela samting we Mista Petueli i tok i no kamap long provins em awenes long skulim ol pipel long luksave long program bilong gavman.

WANTOK

NIUSPEPA BILONG OL PNG STRET

P O Box 1982 BOROKO
Telepon namba: 3252500
Feks namba: 3252579

PE BILONG WANPELA VIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

TORO

WANPELA DE EMI BUN-GIM MERI YAH NA TOKIM MERI LONG KARIM MAN BILONG EM I GO LONG KOT...

KARIM MAN BILONG YU I GO LONG KOT... BAI MI WITNESIM YU, OKE?

OKE!

YU GAT WITNES LONG STRONGIM TOKTOK BILONG YU!

YES! WITNES BILONG MI EM TORO TASOL!

EM MI TASOL!

KOT HAUS

YU BIN HARIM MAN I PAITIM MERI LONG NUS...

YES, YAH! MI HARIM HANI PAITRAP LONG NUS...

YU HARIM TASOL YU LUKIM, TI?

MI NO LUKIM TASOL PAITRAP BILONG HANI I TRAI PELA...

SORI TRU! YU NO LUKIM OLSEM NA KOT I DISMIS!

TASOL MI HARIM SOSPEN I PALAI NA...

MAJISTRET I AITIM KOT LONG WANEM TORO I NO LUKIM LONG AI BILONG EM... TORO BELHAT NA EM KABUBU...

BIARI GK?? OL I TING OL I MOA, AH? EM, YAH... HARIM KABUBU BILONG MI!

WANTU MAJISTRET I HARIM NA ASKIM...

HEY? EM HUSAT I KABUBU?!

YU HARIM?

YES MI HARIM!

YU LUKIM?

NOGAT, MI NO LUKIM!

SORI TRU! YU NO LUKIM OLSEM NA KOT DISMIS!

TORO BE... KIM OLSEM NA TEK-OFF.

YUMI GO WE? 1997 Nesenel Ileksen Kempen

5. SAPOS mi nogat laok long braiberi tasol kendidet i supim het yet long givim mani, kopi pasin, umben bilong pis na ol arapela samting, bai mi mekim wanem?

Kaikai tasol na tromoi i go. Vot bilong yu givim long arapela man o meri. Yu les tasol dispela kendidet i laikim. Larim em long pilaim mani na kaikai bilong em. Em i gat planti na i sting olsem na em i laik rausim sampela i go.

6. Sapos wanpela kendidet o ol sapota bilong em i laik braibim, wokim rot blok o pretim ol man-meri wantaim gan long kisim vot, dispela kendidet i wanpela gutpela lida o nogat?

Dispela kain lida em ol pipia lain. Noken votim ol, noken na noken tru. Dispela kain kendiet i no save gut long mama lo bilong PNG olsem na em i no respektil fridom bilong yu. Dispela kain lida i save go long nesene palamen na bagarapim kantri.

7. Em i stret long wanpela kendidet long yusim ol mama grup, spot grup na yut grup long kisim vot bilong em o nogat?

Dispela kain pasin i no stret na i doti. Dispela kain kendidet i no luksave olsem ol dispela grup em grup bilong ol man na meri. Ol i ting ol dispela kain grup i olsem soka bal we ol i ken kikim i go i kam. Ol dispela kendidet, yu bai no inap lukim pes bilong ol taim ol i kisim pawa. Ol i save hait long hotel rum na raun long dak glas ka. Yupela i no nupela long dispela kain pasin.....

8. Inap mi votim ol kendidet husat i mekim kainkain promis long wokim bris, skul, haus sik na rot?

Ol kendidet i save mekim ol dispela kain promis olgeta taim long taim bilong ileksen. Em ol driman na mauswara bilong ol kendidet. Maskim long pasin ai long ol dispela lain bikos promis bilong ol i wara nating. Na tu ol i nogat mani long wokim ol dispela samting.

9. Pasin bilong votim wantok, tambu, kandre, wan lotu o wan haus i stret o nogat?

Dispela pasin "wantok sistem" em i wanpela rabis pasin. Kains pasin i wok long bagarapim dispela gutpela kantri bilong yumi. Noken tingting long yu yet. Opim ai, kirapim tingting, tingim PNG na votim ol gutpela lida bilong kantri.

• Dispela em i hap rit bilong wanpela Tok Pisin buk "YUMI GO WE? 1997 Nesenel Ileksen" em Katolik Komisn bilong Jastis Pis na Developmen (CCJPD) i bin putim aut long Trinde Julai 3, 1996. Komisn i no sapatim wanpela politisen, gavman o oposisen. Nogat. Em i laik skulim tasol ol pipel long redi na votim gutpela gavman long 1997 nesenele ileksen insait long kempen ya. Wantok niuspepa i sapatim dispela gutpela wok bilong Komisn. Na bai putim hap rit bilong dispela buk olgeta wik, we bai kam aut long olgeta wik long dispela pes bilong dispela niuspepa.

OI BRA paitman holim na kalabusim Sgt Petueli...tasol em i ranawe

OL PAITMAN bilong BRA, aninit long lidasip bilong Damien Koike, i bin holim pasim Sajen Samuel Petueli long Sarere Mei 18, 1996 long wanpela eria long Tabago ol i kolim Kaitu taim Sajen Petueli wantaim wanpela Katolik pater, Pater Peter Chanel Pinoko, i go long bung wantaim sampela BRA paitman long holim wanpela miting.

Dispela miting i bihainim tokorait i bin kamap long wanpela arapela miting we i kamap long Mei 9. Long dispela miting tokorait i kamap olsem long Mei 18 bai gat wanpela miting namel long ol BRA paitman, aninit long lidasip bilong Peter Kara na arapela BRA man nem bilong em Thomas, ol sios lida, lida bilong ol resisten paitman, ol sief bilong ples na sekyuriti fos. Astingting bilong dispela Mei 18 miting em long paitim toktok na warkurai long givim luksave i go long sistem bilong ol sief (bikman) bilong ples long lukautim na kontrolim ol pipel.

Sajen Petueli i tok long Sarere Mei 18 long samting olsem 10 klok long moning, em yet, Pater Peter, delegesen bilong Sajen Petueli na ol BRA paitman i mas putim ol samting bilong pait long tupela eria ausait long ples bilong holim miting. Sekyuriti fos tim na tu ol BRA paitman, aninit

Long Kaitu i gat wanpela wara. I bin i gat tokorait i kamap olsem delegesen bilong Sajen Petueli na ol BRA paitman i mas putim ol samting bilong pait long tupela eria ausait long ples bilong holim miting. Sekyuriti fos tim na tu ol BRA paitman, aninit



• Sajen Petueli...tawol long nek em Damien Koike i givim em.

long lidasip bilong Kara na Thomas i wanbel na mekim olsem.

Sajen Petueli i tok ol i redi long holim miting na samting olsem 20 BRA paitman, aninit long lidasip bilong Damien Koike i kam kamap long ples we sekyuriti fos tim i putim ol samting bilong ol bilong pait. Em nau ol i askim grup bilong Koike long putim ol samting bilong pait (tupela SLR raifol na sampela hom med sotgan longwe long ples bilong miting. Tasol sampela i wanbel na sampela i no wanbel.

Sajen Petueli i tok long dispela taim, em i wokabaut i go long askim Koike long tokim lain bilong em long putim ol samting bilong pait longwe long ples bilong miting. Em i tok taim em i wokabaut i go, wanpela tingting i kisim em olsem i gat birua bai kamap na em i tanim na wokabaut i go bek long sait bilong em.

im namba wan nait long hap. Long dispela nait, em i kisim bikotaim taim stret bikos trasusi bilong em i wara na em i painim hat tru long slip. Mekim nogat na em i surukim tupela skru bilong em i kam antap long bros bilong em na em i slip.

"Mekim i go nogat na mi tingting long Papa God. Na mi mekim wanpela beten na askim Papa God long helpim mi. Taim mi pinisim beten, mi pilim olsem skin bilong mi no moa kol i go inap tulait," em i tok.

Long Sande (Mei 19) moning, wanpela man nem bilong em Andrew Miriki i go toktok long em na kisim ol ripot na arapela samting. Na tokim Sajen Petueli olsem ol (BRA) bai i givim tupela wik long gavman long rausim sekyuriti fos long Bogenvil. Sapos gavman i no bihainim askim bilong ol, ol bai kilim em.

Miriki i toktok long Sajen pinis na lusim em i stap i go inap Mande Mei 20. Long dispela de, ol BRA i kilim wanpela pik na kukim kaikai na holim wanpela selebresen amamasim win bilong ol long holim pasim Sajen na kilim koporal bilong em.

Long Mande apinun, ol BRA i makim James Mautu (man husat i ranawe wantaim Sajen) na tupela arapela man, husat i kasen brata bilong James, nem bilong tupela em Bambar na Michael na arapela tripela moa man (tripela ya em ol kasen brata) long kisim Sajen Petueli i go antap long bus long wanpela eria ol i kolim Kugakaru, ples we Sajen i stap inap em wantaim James i ranawe long han bilong ol BRA.

bilong em wantaim famili bilong lapun Ambi long Kugakaru, em i save helpim ol long wok gaden, komyuniti wok na tu ol arapela wok. Em i joinim ritrit grup long mekim ol sios wok. Na i nogat bikpela tingting bilong ranawe. Wanpela taim Pater Peter i tokim Sajen long lusim tingting long ranawe na tupela bai stap kanaka wantaim ol BRA long Kugakaru.

Sajen Petueli i tok taim em i stap long Kugakaru, wantaim helpim bilong James na ol arapela pipel, em i kisim ol infomesen na ripot long wokabaut na pasin bilong ol BRA insait long bus. Em i tok em i askim na kisim tu ol arapela infomesen. Long dispela taim, Sajen i save gut long James Mautu na tupela i kamap gutpela brata na tupela i pasim tingting wantaim long ranawe.

Sajen i tok bikpela samting i olsem long stap bilong em wantaim ol BRA, ol i no kalabusim em tumas. Ol i larim em long wokabaut raun long laik bilong em aninit long lukaut bilong ol lain i was long em, kain man olsem James yet.

Em i tok bihain long tripela wik, Andrew Miriki i toktok wantaim em gen. Na i tokim em olsem gavman na sekyuriti fos i no bihainim askim bilong ol (BRA). Olsem na i nogat wanpela arapela rot tasol em i mas dai. Taim Miriki i tokim em olsem Sajen i tokim Miriki olsem em bai ranawe bihain long wanpela mun. Tasol Miriki i no kisim tingting olsem Sajen i tokim em trupela samting. Em i tok taim em i stap long Kugakaru, wantaim helpim bilong ol pipel, em i salim walis o toksave i go long ol sekyuriti fos long Tabago olsem em i stap long hap.



"Ol i pulim mi go na rausim siot bilong mi, hanwas bilong mi na liklik notbuk bilong mi. Taim ol i rausim siot bilong mi, ol i lukim wanpela korona i hangamap long nek bilong mi. Na ol i askim mi sapos mi wanpela memba bilong Katolik sios. Mi tokim ol olsem mi bilong Yunaited sios tasol korona ya i strong na bilas bilong mi, Taim mi tokim ol olsem, ol i rausim han long tupela sakana bilong mi na holim stret han bilong mi." Sajen Petueli i tok. Em i tok ol samting i kamap kwiktaim tumas na mi paul long mekim wanpela samting. Em i tok taim dispela samting i kamap kwiktaim, em i kisim tingting olsem dispela em pinis bilong laip bilong em. Bihain ol BRA i kisim em i go long wanpela eria long hap bilong Bogisago na em spen-

Ol sios ken stretim Bogenvil hevi

BIHAIN long tupela mun em i stap kalabusman bilong ol BRA paitman tasol nau em i joinim famili bilong em long Moem Bareks bihain long em i ranawe long kalabus bilong ol BRA long Julai 27. Sajen Samuel Petueli bilong 2PIR long Wewak, i gat bikpela bilip olsem pawa na strong bilong God i helpim em long ranawe long ol BRA.

"Mi gat bilip na tu mi ken tok olsem pawa na strong bilong God i helpim mi wantaim brata bilong mi James Mautu long ranawe. Sapos i no long pawa na strong bilong God, mitupela i bin i no inap long winim," Mista Petueli i tokim *Wantok*.

Sajen Petueli i tok sapos em i gat bilip olsem pawa na strong bilong God i helpim em long ranawe long kalabus bilong ol BRA, dispela i soim ples klia olsem beten bilong ol Kristen pipel insait long kantri long mi bihain long ol BRA paitman i kisim em i karim kaikai.

Bikos long beten bilong ol, nogat birua i kamap long em long stap bilong em wantaim ol BRA i go inap long ranawe bilong em wantaim James Mautu long Julai 27 inap tupela i kamap long Tabago Katolik misin long Julai 28. Mista Petueli i tok ansa o rot bilong stretim hevi long Bogenvil i stap long pawa na strong bilong God.

Em i tok gavman i mas nau long dispela taim senisim lukluk bilong en we bilong stretim hevi long Bogenvil. Bikos hevi yai stap longpela taim tumas nau na planti pipel i lusim laip bilong ol pinis. Na tu planti pipel i wok bungim kainkain hevi na laip na sindaun bilong ol i bagarap.

"Taim i kamap pinis we gavman i mas lukluk nau long yusim ol sios long stretim hevi long Bogenvil. Gavman i bin wok long yusim sotgan long klostu 9-pela yia long traim stre-

tim hevi tasol nogat wanpela gutpela samting i kamap," Mista Petueli i tok.

Bihainim bilip bilong em long pawa na strong bilong God i helpim em long ranawe, em i gat bikpela tingting olsem gavman i mas askim ol sios long go insait long Bogenvil na mekim wok. Em i tok ol sekyuriti fos i ken stap long Bogenvil na lukautim ol eria we i stap aninit long lukaut na kontrol bilong gavman. Na tu long helpim gavman long givim ol sevis i go long ol pipel na i no long pait egensim BRA.

Em i tok long luksave bilong em dispela pait namel long BRA na gavman bai no inap pinis sapos gavman i lukluk strong yet long yusim sotgan long stretim dispela hevi. Em i tok dispela hevi no inap long pinis bikos sekyuriti fos i wok long pait egensim ol sotgan bilong en yet.

Mista Petueli i tok olsem bikos sampela sotgan bilong sekyuriti fos, bikos long asua bilong sekyuriti fos yet, i stap nau long han bilong BRA. Bikos long asua bilong sekyuriti fos, ol i wok long pait egensim ol sotgan bilong ol yet.

"Mi bilip olsem ol sios i ken daunim dispela hevi. Dispela i min olsem gavman i mas helpim na sapotim wok bilong ol sios insait long Not Solomon provins," Sajen Petueli i tok. Em i tok arapela samting i olsem olgeta sios insait long kantri i mas kam bung wantaim na beten long hevi long Bogenvil.

Em i tok mipela i ken stretim dispela hevi long mipela yet. Mipela i no nidim ol ausait lain long stretim dispela hevi long mipela. "Rot bilong stretim dispela hevi mipela yet em long yusim ol sios. Ol sios i ken kamapim bikpela senis long dispela hevi sapos mipela i givim gutpela helpim na sapot long ol," em i tok.

Ol BRA paitman holim na kalabusim Sgt Petueli...tasol em i ranawe

i kam long pes 4

WANPELA bilong dispela tripela plen em Sajen i plenim olsem ol sekyuriti fos bai yusim helikopta long kisim em. Em i redim plen na wantaim helpim bilong James na ol arapela lain, dispela plen i go kamap long han bilong ol sekyuriti fos long Tabago.

Plen i olsem sapos ol sekyuriti fos i yusim helikopta na mekim wok raun long Kugakaru eria na lukim wanpela kliapela ples insait long bus na lukim wanpela liklik haus na blupela kanvas long graun, dispela em sain o mak olsem dispela em de bilong kisim Sajen. Na sapos ol sekyuriti fos memba long helikopta i lusim wanpela man i sainim klas long ol, dispela i min olsem Sajen i redi long ol i kisim em long helikopta. Plen i go kamap long ol sekyuriti fos long Tabago tasol i hat liklik long ol i karim aut.

Sajen Petueli i tok em i plenim long traim dispela ranawe plen long kamap long las wik Sarere Ogas 10.

Tasol long Fraide Julai 26, ol BRA i go karim aut wanpela reit long Buin. Long dispela reit, wanpela memba bilong ol i dai na arapela i

kisim bagarap. Long ol infomesen Sajen i kisim, ol BRA i save kisim samting olsem tripela de long sore long bodi bilong wanlain bilong ol husat i dai.

Em nau Sajen i singautim James i go na tokim em olsem tupela bai ranawe long Sarere nait. James i wanbel na tupela i pasim toktok na redim tupela yet.

Long Sarere moning (Julai 27), Sajen na brata bilong em James i stap isi tasol na wetim nait long kam kamap long tupela. Tupela stap i go na apinun i kam kamap na bihain tudak i kam kamap. Na tupela i kukim liklik kaikai na kaikai na sindaun wetim taim. Long samting olsem 30 minit i lusim 9 klok (9:30pm), tupela i beten na askim long lukaut na helpim bilong God long ranawe bilong tupela inap tupela i go kamap long Tabago long han bilong ol sekyuriti fos. Tupela i beten pinis na holim pasim tupela yet na krai.

"Mitupela beten pinis na holim pasim mitupela yet na krai. Na mi tokim brata (James) bilong mi olsem sapos mitupela i go na wanpela i kisim bagarap, arapela i mas go het inap em i fri," Sajen Petueli i tok.

Long samting olsem 10 klok, tupela holim pasim tupela yet na sekan na stat long wokabaut.

Bikbus, biknait, nogat lait long lukim rot, ol binatang bilong bus i singaut na krai nabaut na tupela i wokabaut. Wanpela tingting tasol bilong ranawe, tupela i wokabaut. Maskim tupela i angre na pilim skin i les, tupela i strongim tupela yet na wokabaut.

Tupela wokabaut i go na long wanpela eria, tupela i kamap long anpela haus bilong ol BRA. Tupela i tingting planti na tanim na bihainim rot bilong i go long en. Tasol tupela i kalap nogut long kamap gen arere long dispela haus gen. Tupela i sekap na nogat man na tupela i go het gen long wokabaut bilong tupela.

Tupela i go na long wanpela eria James i tokim Sajen olsem tupela i mas i go daun long wara na bihainim wara bikos sampela kilomita antap long rot tupela i wok long bihainim, i gat kem bilong ol BRA i stap. Tasol Sajen i tok nogat long dispela tingting bilong James. James i strong yet na Sajen i bihainim tingting bilong em na tupela i go daun na bihainim wara. Tupela

bihainim wara i go daun na tupela i lukim sampela BRA paitman i stap antap long wanpela liklik maunten. Tasol ol i no lukim tupela.

Bikpela angre i mekimsave long tupela tasol tupela i strongim bel na tingting bilong tupela na go het long wokabaut. Tupela i no stop o malo-lo long hap rot.

Tupela bihainim wara i go i go na ples i stat long tulait isi isi. Tupela wokabaut i go na kamap long bus klostu long Tabago Katolik Misin. Long dispela taim ples i tulait na i samting olsem 6 klok long moning. Em nau Sajen i lukim ol bus rot na em i tingim olsem em ol rot ol i save wokabaut i go kam na patrol.

Long dispela eria angre i kilim tupela na tupela i bruk long painim kaikai-James i go bilong em yet na Sajen i go bilong em yet.

"Long dispela taim, tingting nogut i kisim mi long lusim brata bilong mi James. Tasol wantu mi rausim dispela tingting nogut," Sajen i tok.

Sajen i tok em i go daun long wara na dring wara tasol dispela i no helpim em. Orait em i painim wanpela hap suga ken we i sting liklik i stap long wara. Em i kisim na

wasim na brukim na kaikai. Bihain em i lukim wanpela kakao diwai wantaim ol pikinini kakao i mau i sanap long antap long wanpela liklik maunten long sait bilong wara. Em i go antap na kisim wanpela mau pikinini kakao na brukim na kaikai na kisim sampela na putim insait long singlis bilong em na i go daun gen long wara. Na em i sindaun long wara na brukim na kaikai.


Em i tok long Sarere nait, ol sekyuriti fos long Tabago i wok long sindaun na toktok long em. Na ol i tok olsem em (Sajen) bai ranawe na i go kamap long ol. Ol i toktok i stap i go na slip tasol wanpela soldia i no slip. Em i stap tingting i go tulait.

Sajen i tok em i kaikai mau kakao pinis na em i kirap i go painim James na bungim em. Na tupela i bihainim wanpela rot ol sekyuriti fos i save yusim long patrol na wokabaut i go long Tabago.

Tupela i go kamap long Tabago kea senta na dispela soldia husat i stap i go tulait i lukim tupela. Na em i kisim sotgan bilong em na ron i go long tupela na holim pasim tupela na krai. Em nau ol arapela soldia i harim na kirap i go bungim tupela.

NEW AXION LEMON GREASE STRIPPER

**ISI WE LONG
KLINIM OL DIS
NA SOSPEN
BILONG YU!**



Senis basket kamapim K1,190 bilong selebresen

TONY LUKE i raitim

LONG las wik Sarere, ol mama long All Souls Katolik Sios long Bumbu kompaun insait long Lae i bin senisim basket wantaol ol lotu mama bilong liklik ples Tararan long hap bilong Makai.

Dispela senis basket i bin kamap long Bumbu All Souls Katolik Sios. Man na meri husat i bin go pas long dispela em Sista Getruth Vavine na Theo Kopindu

As tingting bilong dispela em long painim sampela mani bilong sios ya long Bumbu long amamas 10-pela yia selebresen bilong ol.

Long Novemba 5, bikpela selebresen bai kamap long makim 10 yia bilong ol bihain long haus lotu ya i kamap long 1986.

Planti ol sios memba i tok olsem ol i les long askim ol bosman olsem pater na bishop long mani na ol i painim rot bilong ol yet long kisim mani na mekim dispela bikpela selebresen bilong ol.

Long dispela senis basket, ol mama long Bumbu i senisim ol basket, spun, fok, naip, kap na planti moa stoa kaikai wantaim mani. Ol Katolik mama long Tararan i kamap wantaim planti gaden kaikai, olsem kumu, banana, kokonas buai na mani wantaim.

Dispela senis basket i bikpela tru longplanti ol sios insait long Morobe provins. Dispela wok em bilong helpim ol mama insait long sios long kamapim mani bilong ol grup bilong ol.

Ol Lutren mama bilong Tararan i bin bung wantaim ol Katolik mama bilong Tararan na ol i kam senisim basket.

Long dispela bung, ol mama long Bumbu i bin kisim mani inap long K1,190 long dispela bakset senis.

Sista Getruth long makim maus bilong olgeta mama long Bumbu i tenkim, olgeta lain husat i kamap long dispela senis basket na helpim.

Ol Lutren pasto gat sans long kisim digri

MARTIN Luther Semineri bilong Evenjelikel Lutren Sios bilong Papua Niugini i redi long kamapim nupela rekot insait long stori bilong sios.

Semineri ya long Lae i stat long setim ol namba wan kain kos long nupela greduet stadi long teoloji, dispela em namba wan taim tru bilong dispela kain kos long kamap long Papua Niugini.

Ol pastor husat i greduet pinis long Martin Luther Semineri wantaim Basela Digri bilong Teoliji i ken go bek na mekim wanpela sotpela kos na wok i go long kisim Masta digri bilong ol.

Dispela masta progrem em i save kamap long Wartburg Semineri long Dubuque, Iowa, wanpela semineri bilong Lutren long Amerika.

Ol sumatin bilong dispela kos bai mekim 9-pela kos olgeta long PNG yet na sapos ol i pinisim olgeta, orait ol i ken go long mekim Mastas bilong ol long Amerika.

Namba wan kos bai kamap em Nu Testamen Kristioloji em Dr James Bailey bilong Wartburg semineri bai tisis.

Nau yet 35 pasto olgeta i sain pinis long kisim dispela kos wantaim ol semineri tisa, hai skul tisa na ol seplein bilong ol skul.

Dr. Duane Priebe bilong Wartburg semineri yet i bin kamap dispela plen bihain long em i kam raun long PNG.

Progrem ya em Dr Marcus Felde bilogn ELCA misineri husat i dean bilong ol stadi long Martin Luther Semineri yet bai edministerim.

LEROY BATIA i raitim

TU MINIT TINGTING Planti planti lotu

LONG Matyu 17:14 wanpela papa i bringim longlong pikinini bilong em long ol disapel, tasol ol i no inap stretm sik bilong em. Nau em i go stret long Jisas. Jisas i lukim dispela na em i tok: "Yupela lain manmeri i no bilip, tingting na pasin bilong ypela i no stret tru. Hamas taim moa mi mas karim hevi bilong yupela?"

Wanpela saveman bilong Baibel, nem bilong em Barclay, em i gat dispela tingting long dispela ples long Baibel. Em i rait olsem: "Maski ol disapel i no inap stretim sik bilong pikinini bilong em, papa ya i bilip tru long pawa bilong Jisas. . . na bringim pikinini i go stret llong Jisas. Em i ting olsem; "Maski long ol disapel. Sapos mi bringim wari bilong mi stret long Jisas, em bai stretim."

Barclay i tok moa: "Mi lukim dispela tingting na mi wari. I gat planti pipel tude i gat wanpela bikpela wari. Em hia: Ol i pilim olsem, ol Sios bilong tude - em ol disapel stret bilong Kraisi - no inap stretim ol wari bilong ol pipel. Planti Kristen i pilim olsem: sapos ol inap abrusim ol manmeri i ranim ol lotu tude, na kamap stret long Jisas, bai wari bilong ol i pinis."


Na Barclay i tok gen: "Dispela Rain pasin i poinim ol Sios na i salensim ol. Long wanem, tude planti pipel i lusim pinis bilip long ol Sios, tasol ol i no bin lusim tru bilip long Jisas."

Planti pipel i les tru long lukim ol sios i pait namel long ol yet. Long olgeta hap bilong graun tude, wanpela relisen i pait wantaim narapela relisen. Na, sampela relisen i gat kankain grup i pait insait long Sios yet. Inap planti handet yia i bin gat sampela woa namel long ol relisen. Ol Kristen bilong Yurop i bin pait wantaim ol Muslim bilong Taki. Inap planti handet yia long kantri India, ol Muslim i save pait wantaim ol Hindu. Long klostu olgeta woa long Afrika tude, ol Muslim i pait wantaim ol Kristen. Long yia 1500 samting, ol Katolik na ol Luteran i brukim Jermani i go tu hap. Tude i wankain long Inglan, namel long ol Katolik na ol Englikein. Na long PNG tude i gat moa long 30 kankain Kristen sios husat i bin bringim pait insait long ol famili na ples na lain.

Kain pasin olsem em i no Kristen pasin. Jisas yet i bin beten long las kaikai olsem: "Bai ol i kamap wanpela tasol."

Long Matyu 10:21, we Jisas i tok long "brata bai egensim brata, na ol papa bai egenim ol pikinini, na ol pikinini bai egenim papamama" em i tok long trabel bai kamap sapos ol haiden i kamap Kristen. Tasol em i no tok long Kristen i pait namel long ol yet.

Long 1950 samting wanpela Katolik pris i wokabaut longpela



FRANK MIHALIC i raitim

rot na i kam bek long hap bilong Wabag. Orait, em i kamap long haus bilong wanpela Kristen misinari bilong narapela sios. Em i sanap long dua bilong banis na i askim misinari ya sapos em inap givim em sampela wara bilong dring long nem bilong Bikpela. Misinari i tok: "Yesa; tasol yu mas stap long ausait bilong banis. Yu no ken kam insait long haus."

Bihain long 30 yia, pasin bilong ol misinari long dispela hap bilong Enga i narakain. Tupela yangpela marit bilong wanpela Sios i laik go liv long kantri bilong tupela. Nau tupela i askim wanpela Katolik pater long lukautim peris bilong ol long taim tupela i stap longwe. Ol i trastim o i gat bilip long em. Na pater ya i givim Sande sevis inap planti mun long dispela peris, na em i no bin pulim wanpela man o meri i kam joinim sios bilong em.

Ating em i gutpela eksampel bilong ol lotu i bung na wok gut wantaim.



2-MINUTE NOODLES



MONSTER WHEELS GIVEAWAY

50 MONSTER WHEELS TO BE WON!



TO ENTER, SEND COMPLETED ENTRY FORM WITH 3 EMPTY MAGGI 2-MINUTE NOODLES PACKETS IN A STANDARD SIZED ENVELOPE TO:

**MAGGI 2-MINUTE NOODLES
MONSTER WHEELS GIVEAWAY
LOCKED MAIL BAG
BOROKO N.C.D**

TERMS AND CONDITIONS:

1. Information on how to participate and prizes form part of these terms and conditions
2. Entry is open to all residents of PNG except employees of Nestle and their families, its associated companies and agencies
3. No responsibility is accepted for lost, misdirected or delayed mail.
4. 10 Monster Wheels to be won weekly for 5 weeks. All entries must be received not later than 12:00 noon on Friday for the same week's draw under Police supervision.
5. Winners will be notified by registered mail and names will be published in the Post Courier and the National News Magazine.

NAME: _____

RESIDENTIAL ADDRESS: _____

SECTION: _____ LOT _____ NO _____

STREET: _____ SUBURB _____

TOWN: _____ PROVINCE _____

PHONE: _____

6. Prizes must be taken as offered and are not redeemable


7. Competition commences on 15th July 1996 and closes on 23rd August 1996

8. In the event of any dispute the decision of the promoter (Nestle) is final and no correspondence will be entered into

All entries become the property of the promoter (Nestle).

Fast to cook, Good to eat.

SUPREME GUTPELA PRAIS



YU GAT PINIS!

GLASIM LEWA
na
TINGTING
wantaim
Eddie
Saunders



Gridi na stil pasin bagarapim yut wok long ruel eria.

PLANTI yut bilong PNG i stap long ples na ol liklik taun long rural eria. Ol i no save kisim sevis na mani gavman i save givim long wok developmen bilong yut. Ol yet i save traim hat long painim mani na save bilong ranim ol yut program. Wari bilong ol i save i stap long lewa na tingting tasol. Taim ol i painim sans long serim wari na hevi bilong, ol bai tokaut. Tasol planti taim dispela wari i no kisim luksave bilong ol lida, dipatmen na ol wokman i go pas long wok developmen bilong yut.

Wanwan yia nesenel gavman i save skelim basel bilong yut developmen wantaim het tok: Yut i impoten na ol i bun bilong kantri bihain, yumi mas givim gutpela sapot na wara i gat laip na bai ol i karim gutpela kaikai bilong strongim kantri bilong yumi olgeta.

Tasol kaikai bilong dispela mauswara i no save kamap long ples. Planti yut grup na oganaisesen i no save lukim dispela mani. Na planti long ples i no lukim yet pipia bilong promis i kamap long ol. Na husat i save tasol long dispela mani i stap we i save kisim olgeta taim. Planti bilong ol dispela lain em ol lain i wok long yut dipatmen yet na ol wantok na poroman bilong ol. Ol mensesa bilong NCDC long Mosbi painimaut long dispela stil pasin i bin kamap planti yia na rausim ol wokman i mekim dispela. Dispela i no inap kamap sapos wanpela gut grup bilong Katolik Sios na ol arapela i no bin komplek. Ol i aplai long mani long program bilong ol na i kisim tokorait. Tasol sekmani i no bin kamap long ol. Ol i wet moa long 7-pela mun na stat long askim. Wanpela wokman bilong yut seksen long NCDC i bin kisim sekmani bilong ol na givim long long wantok bilong em na i tok i putim insait long opis bilong em. Dispela i bin kamap long planti yia. Tasol ol Katolik yut i askim long porgivism ol na askim ol long konpes na noken mekim gen.

Sampela bilong ol dispela stil wokmanmeri i gat ol bisnis long mani ol i bin stilim o kisim long sampela krangi pasin na rot. Yumi mas lukaut na was gut. Sampela bilong ol dispela lain i kempen long sanap long 1997 eleksen. Sapos ol i win long eleksen aninit long stil pasin, kantri bai bagarap. Dispela i bikpela samting yumi mas pret na pait wantaim dewel na stopim. Dispela long ai blong God em gridi na stil pasin na i wok bilong satan. Em i laik go insait long politikel pawa, lukaut PNG. Em i bikpela sin bikos yumi i no tingim laip bihain na husat i nidim tru dispela mani na sevis.

Yumi mas i gat lewa na tingting long ol man i nidim tru samting. Olsem ol lain long ples, sickman na hangre. Gavman i mama na papa bilong olgeta na sapos em i no skelim na tilim gut samting long olgeta pikinini bilong em, em i ken bringim bel hevi namel long sindaun bilong ol yangpela na sosaiti. Na ol lain long sili tasol i save kisim helpim olgeta taim. Na yumi mas tok tu olsem sampela lain wokman na yut lida i save glaman kisim mani long nem bilong yut na sios na paulim. Sampela sios lida tu save gridi long dispela rot mani i save kam.

Ol manki long sili i traim long tingim manki long ples. Ol manki long ples save salim tingting tasol olsem, brata yu gat ples na yu bilong ples tu na tingim, bai yu kam bek long asples bilong yu wanpela de. Traim salim sampela mani na sevis kam long ples na ples i mas amamas na wetim yu.

Yumi long ples i save harim mauswara na lukim piksa nogat mit na blut o dewel bilong gavman long olgeta 5-pela yia long taim bilong ileksen. Helpim ples. Taim olpela provinsal gavman sistem i stap i bin wankain, yut i kisim sevis. Nau nupela provinsal na lokol levof gavman sistem i kirapim tingting bilong ol lain i harim pinis. Tasol planti long ples i no harim yet. Ol i wok long tingting planti na beten i stap. Tasol beten bilong ol i gat tupela tingting yet. Wanem taim tru bai gavman na ol save manmeri bilong wanwan ples insait long kantri i go bek long ples, skruim na klaim tingting bilong ol manki long ples. Bai ol tu i ken traim long kisim mani na sevis em papamama bilong ol nesenel gavman i putim long ol na i no bilong stilman long yut dipatmen or gavman o yut lida.

Ol yut grup bilong ples na rural taun i mas save long opis na rot bilong kisim mani na sevis.

Nupela Nesenel Yut Sevis Komisina, Mista John Maru, wantaim ol wokman bilong em i stat long traim opim dispela rot i save pasim sevis bilong yut long fomim ol yut kaunsil insait long ol pronis na districk long long karim aut awenes long toksave long ol yut long sevis a we bilong kisim sevis bilong gavman.

Famili wetim yet mani bilong papa

NEM bilong meri ya i holim pikinini bilong em (Melchior) long poto em Agatha Bellas. Em i bilong Kavien long hap bilong Angoram insait long Is Sepik provins. Misis Bellas i wanpela mama husat i wok long pait hat yet long Polis dipatmen i mas baim sevis mani bilong man bilong em.

Man bilong em, Fidelis Bellas, bilong ples leata long Buka, Not Solomon provins i bin wanpela CID polisman taim ol BRA paitman i kilim em. Ol BRA paitman i kilim Mista Bellas long Mas 18, 1996 klostu long wanpela ples ol i kolim Malasang long Buka eria.

Misis Bellas i tok taim ol BRA paitman i kilim Mista Bellas long Buka, famili bilong em husat i stap long Wewak long dispela taim, i no kisim wanpela ripot long dai bilong papa bilong ol. Em i tok ol i kalap nogut long lukim stori long niuspepa na ol i askim-Is Sepik Provinsal Polis Komanda, Sief Inspekta Giossi Labi. Na Sief Inspekta Labi i tokaut em i tru olsem ol BRA paitman i kilim papa bilong ol.

Em i tok taim em i askim Polis dipatmen long salim em wantaim tripela pikinini (Melchior, 4-pela krimas, Balhazar, 9-pela krimas na Lyneth, 7-pela krimas) i go long Buka long bodi bilong papa bilong ol, Polis dipatmen i tok nogat.

Em i tok taim em i askim dipatmen long salim ol i go, dairekta bilong pesenel divisen long Polis hetkwata long Mosbi i tok nogat long em wantaim ol pikinini i go long Buka. Bikos hevi long Buka i no orait tumas long ol i ken go na lukim bodi bilong papa bilong ol.

Misis Bellas i tok taim em i kisim dispela bekim, em i no bin amamas. Bikos long tingting na luksave bilong em,



• Agatha wantaim pikinini man bilong em.

aninit long lo em wantaim tripela pikinini i gat rait long lukim na givim las rispek long bodi bilong papa bilong ol. Na pasii disisen bilong Polis dipatmen long tok nogat long ol i go long Buka i no gutpela tumas.

"Mi wantaim man bilong em i marit aninit long lo. I gat marit setifiket i stap long soim ol mitupela i marit na mi meri bilong em na em i man bilong mi. Dispela i min olsem mi na ol pikinini i mas go na lukim bodi bilong papa bilong mipela," Misis Bellas i tokim Wantok wantaim mak bilong wari i stap long pes bilong em.

Wanpela arapela bikpela samting Misis Bellas i tok i olsem bihain long man bilong em i dai inap nau, Polis dipatmen i no baim yet ol entaitelmen bilong em. Em i tok bihain long man bilong em i dai, Polis dipatmen i tokim em olsem ol bai

stretim na redim ol entaitelmen bilong man bilong em insait long tupela o tripela mun. Tasol em i tokaut olsem em i no kisim yet wanpela samting na i wok long wet yet. "Taim mi askim ol long wanem taim ol entaitelmen bilong man bilong mi bai redi, ol i givim kainkain eskus na askim mi kainkain kwesten. Ol i tok em i nogat rekot bilong sevis," Misis Bellas i tok.

Em i tok dispela samting i kamapim bikpela hevi long em long lukautim tripela pikinini bilong em, baim bilas bilong ol, baim skul fi bilong ol na tu ol arapela samting.

"I luk olsem Polis dipatmen i no luksave long hat wok bilong lukautim ol pikinini, givim ol kaikai, baim skul bilong ol, baim bilas bilong ol na tu arapela hevi kain ol mama olsem mi i wok long bungim?" em i askim. Em i tok bikos long dispela hevi, em i lukim olsem bihain taim bilong tripela pikinini bilong em i stap long tudak. Bikos hevi ya i wok long banisim em long stretim laip bilong ol long bihain taim.

Misis Bellas i tok nau yet em i gat tingting long lukim Sief Inspekta Labi na tokaut long em olsem em i no amamas. Na eri bai kisim sampela helpim long sampela saveman bilong lo long sait bilong welfea. Na bai kisim Polis dipatmeni go long kot. Em i tok polis long Buka i luksave long em wantaim tripela pikinini olsem famili bilong man bilong em. Na ol i stretim ol mani bilong em na salim i kam long hetkwata long Mosbi. Tasol ol lain Mosbi i no mekim wanpela samting.

Pasto gat bikpela tingting long ol Aborijines

EM I WANPELA isi man na i no save toktok tumas; dispela em Pasto Nawon Melombo nau wanpela tisa insait long Amron Envanjelis Trening Skul long Madang. Pasto Melombo em bin namba wan man long Envenjelikel Lutren Sios bilong Papua Niugini long go wok long Australia namel long ol Aborijinis pipel bilong Not Kwinslen.

Em i stap na wok namel wantaim ol dispela pipel inap 4-pela yia olgeta, stat long 1979 i kam inap long 1983 inap em i kam bek long PNG wantaim femeli bilong em.

Em i wanpela bisi man stret na long kain wok em i save mekim, em i bihain stret long ol pipel na wanem hap ol i stap long em. Taim em i go daun long Australia, em i amamas tru olsem ol pipel long hap i amamas wantaim em na helpim em long wok gut tru.

"Ol i welkamim mi no i no kros long mi na tu ol i laikim mi long wok namel long ol," em i tok

Em i tok olsem as tingting bilong em long go long hap em long wanem taim namba wan misineri i kamap long PNG, i gat poro pasin i kamap namel long Lutren Sios bilong Australia na PNG, olsem na i gat man bilong go kam namel.

"Ol lain Aborijinis i gat hevi bilong bia, drag na pilai laki na husat misineri i laik go wok namel long ol, i moa gutpela em i mas stadi long laipstail bilong ol dispela pipel pastaim. Dispela ol pipei i mas gat ol misineri husat i luksave long laipstail bilong ol.

"Mi gat bikpela laik long go bek na wok namel long ol dispela pipel na tu bai mi sapotim husat nupela misineri i laik go daun na wok long hap."

Nau yet, Pasto Melombo i wok long prea hat long ol dispela pipel olsem ol i mas painim gutpela sindaun.

Difens fos bai mekimsave long ol asples

LAS wik mi stap long ples. Na long dispela wan wik gavman i oraitim sampela lo long kamapim bikpela senis long dispela kantri.

Namba wan samting, ol i senisim wok bilong difens fos.

Bipo wok bilong difens fos em long lukautim Papua Niugini long ol birua bilong ausait husat i laik bagarapim sindaun bilong yumi. Olsem, sapos Indonesia o Australia i laik tekova long kantri bilong yumi, orait difens fos bilong yumi bai pasim ol.

Nau gavman i tok olsem i nogat birua long ausait. Ol birua i stap insait long kantri. Olsem na wok bilong difens fos nau em long mekimsave long ol birua insait long Papua Niugini yet.

Na husat i wanem kain birua i stap insait long kantri?

Mi ting ol birua em ol maining kampani, ol timba kampani, ol wel kampani na ol arapela ovasis lain husat i bagarapim ples na sindaun bilong mipela nau.

Tasol taim gavman i tok long ol birua insait long kantri, ol i no tok long ol dispela ovasis lain. Ol i tok long yu na mi. Mipela ol asples nau i birua bilong gavman. Ol i lukim mipela olsem ol lain husat i bagarapim dispela kantri.

Olsem nau na difens fos baj yusim ol gan na save bilong en long pait long mekimsave long ol pipel bilong Papua Niugini. Man, wanem kain gavman bai kamapim dispela kain tingting long egen-sim ol pipel bilong en.

Dispela kantri i kamap olsem wanpela kantri we wanpela lain o grup tasol i



ronim kantri. Dispela em taim wanpela man o lain tasol i bosim laip bilong olgeta manmeri bilong kantri. Olsem yumi lukim long sampela kantri long Afrika na Asia. Long ol dispela hap, ol asples i kisim taim stret long han bilong gavman. Dispela kain tingting i soim yumi wanem kain lida yumi gat long kantri nau. Ol dispela lain i no tingim asples PNG. Tingting bilong ol i pas long lukautim ol yet. Long lukautim ol yet, ol i mas lukautim ol lain husat i lukautim ol. Em ol ovasis maining na timba kampani.

Narapela samting em ol dispela lida i kamapim em ol i oraitim sampela senis long forestri ekt. Mi harim olsem ol dispela senis bai givim moa pawa long fores ministra long ronim wok forestri long kantri, putim moa mausman bilong ol timba kampani i go insait long nesenel fores bod na tu rausim graun long han bilong ol papagraun taim wok bilong katim timba i pinis long ol dispela graun.

Sapos ol dispela samting mi hatim i trupela, mipela ol asples bai kisim taim stret.

Bipo, forestri ekt i skelim pawa long han bilong nesenel fores bod. Em i hat

long paulim ol dispela lain. Nau pawa i stap long han bilong wanpela man tasol. Em bai isi long paulim dispela man olsem yumi bin lukim taim forestri ekt bilong 1991 i no kamap yet.

Taim ol i putim moa mausman bilong ol timba kampani i go insait, wok bilong nesenel fores bod bai stap long han bilong ol timba kampani. Mipela lukim pinis pasim ol timba kampani i mekim long egensim gavman bilong mipela. Ol i sakim tok bilong gavman. Na gavman i no mekim wanpela samting long ol dispela timba kampani yet.

Na long graun, planti trabel bai kamap long kantri. Yumi lukim pinis tingting bilong ol pipel taim gavman i laik kamapim wok bilong rejistaim graun long las yia. Nau ol i wokim long pasim hait. Ol pipel i no save yet. Tasol taim ol i laik kamapim long ples klia nau, ol trabel bai kamap. Bai yu lukim.

Gavman i givim pinis ol gol, kopa, wel na ol arapela minerel i go long han bilong ol ovasis kampani. Nau ol i givim diwai bilong mipela i go long ol ovasis lain na kisim graun bilong mipela.

Ol belhat bai kamap. Tasol gavman i stretim dispela pinis. Husat asples o papagraun i soim belhat bilong em long ol dispela ovasis lain i long gavman long ples klia bai kisim taim long han bilong ol difens fos.

Ol lida bilong mipela i salim pinis kantri bilong mipela long ol ovasis lain. Sapos mipela i larim ol dispela lain lida i stap moa moa yet, kantri bilong mipela bai bagarap olgeta. Senis i mas kamap nau.

WINIM WANPELA 15 SITA ISUZU BAS

I gat tupela (2)
bas long winim.
Tupela bas
wantaim i pulap
long ol
Morobeen Sneps
Bisket na Pepsi
333ml ken dring.



Namba wan prais i kam long:



**Long win yu mas baim ol samting inap long K10.00
na moa long Stop 'n' Shop o Steamships stua.**



NAMBA WAN PRAIS:
WANPELA ISUZU 15 SITA
BUS I PULAP LONG
MOROBEEN SNEPS
BISKET NA PEPSI 333ML
KEN DRING.

I gat tupela (2) 15 sita Isuzu Bas we i pulap wantaim ol Morobeen Sneps Bisket na Pepsi ken dring. Yu inap winim dispela prais sapos yu baim ol samting long Stop 'n' Shop o Steamship taun stua.

Sapos yu baim ol samting planti taim long Stop 'n' Shop o Steamships taun stua, yu bai gat planti sans long raitim nem long planti risit pepa long traime. (I nogat tambu o mak long hamas risit pepa yu ken putim i go insait long bokis).



NAMBA TU PRAIS:
DISPELA PRAIS EM YU
BAI KISIM OL KAIKAI
LONG STEAMSHIPS
STUA INAP LONG
K250.00 MAK.

Joinim ol manmeri husat bai traime lak bilong ol long dispela mun na painim sans long winim wanpela gutpela na nalspela Isuzu Bas we i pulap long ol Morobeen Sneps Bisket na Pepsi ken dring.

Bai ol i pulim dispela ol risit pepa long Stop 'n' Shop na Steamships taun stua long 12:30 apinun long Sarere, Ogas 31.

Dispela laki bai pas long 12:00pm stret long Sarere, Ogas 31, 1996.

Long winim ol dispela prais, yu mas baim ol samting inap long K10.00 o moa na ol woklain bilong stua bai givim yu risit, raitim nem bilong yu antap long dispela risit na putim risit ya i go insait long bokis klostu long sekaut.

Sapos yu stap taim ol i pulim dispela ol risit pepa na ol i kism risit bilong yu, yu bai winim namba tu prais. Dispela prais em yu bai kism ol kalkai long Steamships stua inap long K250.00 mak.

(Man o meri i win i mas i gat ID kat long kism prais)

Stop 'n' Shop

W A I G A N I

Steamships

TOWN



Bik Bro


REBO



BAL IGO INSAIT ISI TASOL... SKOA IGO ANTAP 12-6... VIPERS IGO PAS...

YAAHOOO!! VIPERS!

GO! GO!



VIPERS IGO PAS LONG SKOA... HAPTAIM...

Winfield League

VIPERS 1 2 NOT BEARS 5

NAMBATU HAP PILAI I STAT...

GO! VIPERS!

VIPERS



YUMI NOKEN GI-AP LONG PILAI! YUMI MAS WIN.




YUMI SOIM OL OLSEM VIPERS EM STRONGPELA TIM!!



OLGETA SAPOTAS I SINGAIT LONG OL VIPERS...

VIPERS! VIPERS! VIPERS!

Igo moa Neks Wik!!



SIPAK MAIK



WANTU ESTA KISIM KAGO NA GO...

HEY?! BAI YU GO WE?

YU PAINIM PLES BILONG YU... MI GO BEK LONG MAMAPAPA!



NA NOKEN KAM PAINIM MI LONG PLES! SAPOS YU WIN LONG KOT, YU KAM PAINIM MI, SAPOS YU LUS, NOKEN KAM, YUMI DINDOS!



T-TASOL BAI MI GO WE? OL GETA WANTOK I LES LONG MI... BAI OL I RONIM MI SAPOS MI GIO LONG OL...



TARANU MAIK WARI TRU...

(SOB!) BAI MI MEKIM WANEM? AIYOO PLUS MAMA!!



HOI, MINISTA! WANEM TAMBAL YU MUV AUT? MI LAIK SENISIM LOK!



P.M. SALIM MI KAM LONG "ER" SENISIM LOK NA TOKIM MI LONG YU BAI MUV AUT LONG 24 AUAS!

Igo moa Neks Wik!!

Poka masin bosim planti laip nau

i kam long pes 11

Na taim ol manmeri i win, bai ol i kam askim long wanpela K1 o K2 long ol tu laik pilai o baim buai o smok.

"Kas, Fraide em taim bilong ol stret. Ol bai kam giaman na spak long K5 o K10 na toktok nabaut insait long klab. Na tu ol i save long ol memba husat save ful taim long klab long pilai poka masin. Na taim ol lukim skoa bilong wanpela memba i go antap, ol bai kam bung long

beksait na sapot i stap. na memba i win bai givim ol wanpela K5 o K2," wantok bilong Madang i tok.

Mi stori wantaim wantok Madang ya pinis na go sanap klostu long poka masin em kasen brata i pilai long en. Kasen brata i pilai long wanpela masin em ol i kolim Stet ov Orijin.

Taim em pilai na ol piksa na namba i wok long kamap, kwiktaim bai em tok: "Lukim sapos dispela piksa i kam daun long hia,

sore em bai mi win ya," em tok olsem na wok long paitim ol baten antap long poka masin ya i stap.

I no longtaim bai em stap na tok gen: Sore sapos dispela piksa i kam daun, em bai ful haus ya," em tok olsem na lukluk antap egen long masin we i soim piksa bilong hamas mani bai yu winim na ol dispela.

Bihain mi painimaut olsem olgeta manmeri i pilai i save tok olsem taim ol i pilai. Dispela i no nupela

kain toktok.

Na wanpela bikman, John Kama bilong Hagen long Westen provins i tokim mi olsem ol man i wokim dispela masin i save na wokim ol masin ya. "I no inap tru long ol mak i kamap wankain we yu ken winim mani. Ol masin bai giaman yu tasol ya."

Sampela manmeri gen i gat narapela kain aidia o tingting. Maria Sam bilong Is Sepik, husat i marit

long man Manus i givim skul long mi olsem, sapos yu laik win, yu mas stap pas-taim na lukim ol masin em ol arapela i pilai.

Na ol masin em yu lukim klostu i laik kam (mak i laik kamap wankain bilong winim mani), yu mas redi long tekova long dispela masin, na man o meri i pilai long en i lusim. "Em bai yu gat gutpela sans long win," Maria i tok.

Samson Dongo bilong Aitape,

Sandaun provins i gat narapela kain aidia bilong poka masin long win. Em i tok toktok bilong Maria i tru. Tasol yu mas lukim tu sapos i gat man i win pinis long dispela masin o nogat. "Sapos wanpela man i winim K1,000 long masin yu laik pilai long en, maski lus tingting. Masin ya i no inap givim mani long yu. Bikos em (masin) givim pinis long narapela man, na i no inap long givim yu."

Wanwan manmeri i gat we bilong ol yet long pilai. Na yu nupela man o meri laik pilai, bai yu lukim kainkain man i sanap arere laik givim skul long yu pilai. Tasol olsem wanem na skul bilong ol yet i no laik helpim ol i winim moa mani? Bikos olgeta i tok ol i lusim moa mani, na winim liklik mani tasol. Dispela em askim we wanwan manmeri yet ken skelim na painim ansa bilong en.

Agnes em wanpela meri husat i save pilai poka masin long olgeta de. Em i givim sampela skul long mi long pilai. Em i tok gutpela taim bilong pilai we yu ken gat sans long win em taim yu dring sampela bia long mak, na go pilai.

Agnes i tok liklik bia bai putim yu long mak stret bilong pilai. Na yu ken winim sampela mani. Na mi askim sapos em i winim planti mani tu, makim wantaim hamas em lusim pinis. "Na em bekim, o mi no save?"

Dispela em i wanpela narapela kain ansa stret ya. Ating em i save long hamas mani em i winim, na i no save long hamas em i lusim pinis long taim em i stat pilai i kam inap nau.

Narapela samting mi painimaut tu long en em ol mangi i save stap na putim ai tasol long ol masin em wanpela man o meri i pilai.

Sapos yu stap longwe na lukim olsem ol i no lusim dispela masin kwik, dispela min olsem skoa bilong man o meri long masin ya i mas go antap. Na man o meri ya gat sans long win.

Tasol sapos yu lukim ol i sanap na bihain lusim dispela masin na go bung long narapela, yu ken save olsem man o meri ol i lukim i pilai em skoa bilong em i go daun.

Wanpela wanwok bilong kasen bilong mi i bin winim K500 wanpela de long Moonlight. Taim em winim dispela mani, em baim kaikai na loliwara bilong ol wanwok meri bilong em.

Bipo long dispela,

em bin winim moa long K200 long Pres Klab poka masin. Nau yet poroman bilong kasen brata bilong mi nogat lak long poka masin. Em i no moa win olsem bipo. Na tu ol wanwok meri em bin baim kaikai na loliwara taim em win long Moonlight, i no save bekim dinau moa.

Sore long dispela gutpela brata bilong mi.

Mi painimaut tu olsem ol mani em manmeri i winim long poka masin i no save go long seving's o baim gutpela samting bilong haus. Wanwan manmeri husat i winim bikpela mani i yusim gut dispela mani. Tasol planti i yusim o tromoi i go bek long wankain rot olsem dring bia, baim kaikai o bia bilong ol poroman o wanwok, tilim dispela winmani long opis long ol wanwok na poroman, na sampela moa.

I gat wanpela tambu bilong kasen brata bilong mi long Sandaun, husat i kam stap long Grainville Motel long 7 Mail, Mosbi. Long namba wan nait em krungutim Mosbi, em pilai poka masin i go inap las nait na em go bek long Sandaun.

Em i lusim moa long K600. Na taim mipela stori long poka masin i go, em i tok, "tru ya, gavman i mas stapim dispela masin. Bikos mipela painim hat long stap ya."

Ating dispela em i wanpela gutpela toktok em ol bikman i mas luksave nau. Na traim long skelim sindaun na laip bilong pipel, bipo long poka masin i kam insait long Papua Nugini wantaim bilong tude.

"Mani i kam long kain rot nogut bai go long wankain rot," dispela em bekim bilong wanpela yangpela man, husat i no laik pilai poka masin. Na tu em i les long lainim long pilai poka masin. Bikos sapos em i lainim, em bai hat long lusim.

Tru tumas, planti grup bilong ol meri na man i kempen nau long gavman i mas rausim poka masin long kantri. Bikos ol i tok masin ya i kaikai mani bilong ol manmeri. Na kamapim hevi long laip bilong famili na kain olsem.

Tasol bilong wanem na mipela i tok poka masin i no gutpela. Em i bikos long ol hevi em i kamapim nau.

"Tasol ating em i moa gutpela long mas i gat strongpela kempen long sik nogut em poka masin i ken kamapim, bai ol manmeri i save na pilai, we ol i noken westim olgeta mani," dispela em gutpela toktok bilong dispela yangpela man, husat i no laikim poka masin.

lukluk insait

long dispela Can long

WINIM wanpela

'SLAP ON' WATCH!

SAPOS YU PAINIM DISPELA TOK



YU WANPELA WINNER!

SENISIM DISPELA WIN CAN LONG WANPELA COCA-COLA AMATIL DEPO INSAIT LONG PAPAUA NIUGINI LONG KISIM FRI WATCH BILONG YU


OL WINA MAS KISIM PRAI BILONG OL TAIM OL COKE CAN YA I STAP YET NA BIPO LONG NOVEMBA 29TH, 1995.

LO BILONG GO INSAIT

- 1) Long stap insait long dispela promosen em yu yusa pinis long olgeta rui na lo
Wel bilong stap insait na ol prais em hap bilong ol dispela rui na lo
- 2) Promosen em bilong Coca-Cola Amatil (PNG) Pty Ltd, P O Box 92 Lae
- 3) Yu mas lasin olgeta prais long Coca-Cola opie klostu long yu
- 4) Ol wolman bilong Coca-Cola Amatil (PNG) Pty Ltd wantaim ol temoil bilong ol i no nap pilai long dispela reats.

ENTRY CONDITIONS

- 1) Participation is permitted to limited categories of and agreement to these rules and conditions. Details on how to participate and prize details form part of these rules and conditions.
- 2) The promoter is Coca-Cola Amatil (PNG) Pty Ltd, P O Box 92 Lae.
- 3) All prizes will be selected from your nearest Coca-Cola Agent.
- 4) Employees of Coca-Cola Amatil (PNG) Pty Ltd and their relatives are not eligible to enter this contest.






PAPUA NIUGINI

RUL BILONG WOK

LOGING LONG PNG

OL STREPELA WEI BILONG MAKIM NA KATIM SAMPELA DIWAI
INSATT LONG BUS BILONG BUS BILONG PAPUA NIUGINI

Grade Ogas 15,
886 Sapliment i
soim
24
Bikpela
Stendet



Papua New Guinea Fores Otoriti Ofesi Badana: Pot Mowbi Riginal Ofesia,
Nesinol Fores SevisFrangipani Strit, Hohola Sauten Reginol Ofesi: Tel: (675) 325 6399
P.O. Box 5055, Boroko Tel: (675) 327 7800 Momase Reginol Ofesi Tel: (675) 42 7890 Fax: (675) 42 7481
Nesinol Kapitot Distrik Fax: (675) 325 44433 Hailans Reginol Ofesi: TEI: (675) 52 2484 Fax: (675) 52 2184
NGI Reginol Ofesi: Tel: (675) 93 9103 Fax: (675) 93 9103
Wes Nu Britan Ofesi: Tel: (675) 93 5048; Fax: (675) 93 5523

Oi Lo bilong Wok Login Long PNG

Wei Namba 1:

Oi Mining Bilong Kain Kain Wara.

Ia. Oi wara i ron oltaim i gat wara i save ron long sampela taim o olgeta taim insait long wanpela yia long planti taim. Bed bilong wara i nogat gras o bus i gro long en. Oi bed i gat samting olsem waitson wara i wasim, ol graun wara i karim, ston, gravel o ol ston long bed bilong wara em stap long ples klia.

Lain Grup 1 Wara: Namel bilong bed bilong wara = moa long 5 mitas.

Lain Grup 2 Wara: Namel bilong bed bilong wara = dambolo long 5 mitas na bikpela moa long 1 mitas.

Ib. Oi wara i no ron oltaim o ol bare em i save stap strong, i no brukim i go insait long graun tasol i ken karim wara antap long en long taim bilong bikpela ren. Oi bed em long graun tasol na oltaim ol lip bilong diwai na pipia gras samting.

Ic. Oi tais i gat antap long en long 6-pela mun long wanpela yia.

Id. Stat bilong namel bus wara (i ron klostu tasol i no bung wantaim arapela wara). Mak bilong namel bus bai i stat long hap em bus i 10-pela mitas o moa.

Putim ol rot na ples bilong bungim ol diwai olsem 100 mitas longwe long autsait arere bilong ol namel bus bilong ol Grup 1 wara, na 40 mitas longwe long ol Grup 2 wara, na stap longwe tru long ol tambu hap bai ol namel bus i noken kisim bikpela bagarap tumas. Sapos dispela i hat tru long bihainim orait i mas soim klia plen bilong loging erea na bai i kisim tok orait.

Tok Klia

Oi rot na ples bilong bungim ol diwai i mas stap longwe moa long namel wara. Namel bus em bilong pasim graun i bruk nambaot na nois na arere bilong wara tu. Sapos rot i klostu

tumas long arere bilong namel bus, nois na guria em masim na ol loging traks i wokim bai ronim ol abus long bus i no stap gut.

Wei Namba 2:

Oi Mak Bilong Oi Namel Bus.

Namba: 2a

Grup: Oi tumbuna ples, tambu ples, ol konsevesin na gaden erea.

Liklik Op Bilong En: 100 mitas. Oi Toktok Klia: Oi lokal komuniti i mas gat sans long tokaut long mak bilong namel bus i inap olsem wanem. Sapos tingting bilong ol narakain long liklik mak, toksave i mas stap insait long wanpela pas i go long PNGNFA Projek Supavaisa husat, sapos i orait, i mas was gut olsem this tingting em i bilong olgeta lain insait long ples.

Namba: 2b

Grup: Oi viles erea. Liklik Op Bilong En: 500 mitas. Oi Toktok Klia: Oi lokal komuniti i mas gat sans long tokaut long mak bilong namel bus. Sapos tingting bilong ol i narakain long liklik mak, toksave i mas stap insait long wanpela pas i go long PNGNFA Projek Supavaisa husat, sapos i orait, i mas was gut olsem dispela tingting em i bilong olgeta lain insait long ples.

*Namba: 2c

Grup: Oi raunwara, ol raunsolwara, ol nambis na solwara klostu long en, ol tais (bihainim astingting insait long Loging Plen Bilong Wanwan Yia).

Liklik Op Bilong En: 100 mitas. Oi Toktok Klia: Stat long wara stret, mak bilong haiwara, o arere bilong ol mangoro.

Namba: 2d

Grup: Lain nambawan wara i ron oltaim (bihainim ol astingting insait long Wei Namba 1).

Liklik Op Bilong En: 50 mitas. Oi Toktok Klia: Long tupela sait bilong wara.

Namba: 2e

Grup: Lain nambatu (bihainim astingting insait long We Namba 2).

Liklik Op Bilong En: 10 mitas. Oi Toktok Klia: Long tupela sait bilong wara.

Namba: 2f

Grup: Wanpela wara i save ron oltaim na op bilong em long kain kain mak na ol komuniti i save yusim.

Liklik Op Bilong En: 50 mitas.

Oi Toktok Klia: Long tupela sait bilong wara. Oi namel hap i gat as bilong wara wantaim bikpela tumbuna stori long en i mas kisim gutpela tingting tru pastaim. Sampela wei bilong lukaut gut long dispela em long noken katim diwai klostu long hap as bilong wara i stap long en. Sapos tingting i no klia long dispela, orait wok glasim i mas kamap long dispela hap stret.

Wei Namba 3:

Oi Namel Bus Na Hap Bilong Oi Rot Na Ples

Bilong Bungim Oi Diwai.

Long taim bilong wokim rot na ples bilong bungim ol diwai, graun i no mas go insait long wara, sapos ol rot i ron longwe long arere bilong namel bus. Olgeta taim graun i go insait long wara em bai i kisim longpela taim long wara bai i klia gut gen.

Tasol long dispela taim ol komuniti husat i stap dambolo long wara bai i nogat gutpela wara bilong dring, kuk na waswas. Oi pis na abus insait long wara tu bai dai sapos i gat planti graun insait long wara.

Oi loging kampani i mas wokim plen bilong ol rot na ples bilong bungim ol diwai pastaim long ol wokim ol dispela samting. Dispela em wanpela lo em hap bilong ol steps bilong plening na kisim tok orait long kirapim loging erea. Taim ol i mekim olsem ol bai i save long wanem hap bai i no inap long ol i bihainim lo long stap longwe long ol namel graun.

Oi dispela hap i mas stap klia long plen, long mep na kisim tok orait long en. Sapos long taim bilong wokim ol rot na ples bilong bungim ol diwai, tasol i klia olsem rot i mas bihainim narapela wei em i no stap long plen, orait dispela i mas kisim wanpela tok orait i kam long Nasenol Fores Atoriti Projek Supavaisa.

Wei Namba 4:

Long Wanwan Hap Bilong Katim Bus, I Noken Moa

Long 3-pela Ples Bilong Bungim, Skelim Na

Lodim Oi Diwai, Na Sais Bilong Em I Noken Moa

2,500 Skwea Mitas.

Kontrolim sais bilong ol ples bilong bungim, skelim, na lodim ol diwai inap olsem 2,500 skwea mitas (0.25 nekteas). I noken moa long 3-pela ples bilong bungim ol diwai long wanwan hap bilong katim diwai.

Toktok Klia

Long kontrolim namba na sais bilong ol ples bilong bungim, skelim na lodim ol diwai insait long wanwan hap bilong katim diwai, bai yu i no inap mekim bikpela spes tumas antap long het bilong ol diwai.

Oi loging kampani i mas soim klia gut tru plen bilong ples bilong ol long katim diwai em bikpela bilong ol inap olsem 150 hekteas na long plen long yusim ol samting insait long hap ol i wok long en, olsem ol maunten na ol autsait arere bilong ol namel graun klostu long ol wara, long makim ol baunderi.

I nogat tambu long ol longwe mak namel long ol ples bilong bungim ol diwai.

Dispela em bikos sampela taim ol i stap long tupela sait bilong rot. Oi ples bilong bungim ol diwai i stap long arere bilong rot i nidim liklik hap bilong rausim bus long en. Tasol wanpela fida o han rot i go long ples bilong bungim ol diwai namel tru long ples bilong katim ol diwai i rausim bikpela hap bus.

Wei Namba 5:

Katim Oi Rop Long Taim Bilong Makim Hap Bilong

Wok.

Katim ol rop long taim bilong makim hap bilong wok na glasim ol diwai sapos ol i gutpela long katim.

Toktok Klia

I gutpela long katim ol rop pastaim long katim ol diwai, bikos dispela bai helpim long noken bagarapim tumas ol het bilong ol diwai na rop bai i no pulim na bagarapim ol yangpela diwai.

Sapos ol i katim rop long taim bilong makim ples bilong wok, dispela bai givim gutpela taim long ol rop long drai na nogat moa strong long taim bilong katim ol diwai.

Long dispela taim tu, husat i wok long katim ol rop wantaim bus naip i mas lukluk gut tru raunim as bilong diwai na makim sapos em i gutpela long katim.

Oi rop i dai na i nogat strong i givim moa sefti long husat i wok long katim diwai.

Em bai i stap longpela taim klostu long diwai long pinisim skaf na bak kat, na bai i klia gut long wanem wei bai i ronewe na wanem wei diwai bai pundaun long en.

Wei Namba 6:

Rausim Oi Graun Yu No Nidim.

Noken rausim ol graun yu no nidim i go insait long ronwara o ol hap i stap autsait long ples bilong katim diwai.

Toktok Klia

Long taim bilong wokim rot em i bikpela samting long noken yusim ol ronwara, ol tambu ples o ol ples i stap autsait long ples bilong katim diwai long putim graun long en.

As bilong noken tromoi graun i go insait long wara, em bikos sapos i wok long ron o i drai, bai wara i karim graun i go ol ples i stap dambolo long wara.

Dispela bai i bagarapim ol pipel i stap dambolo long wara. Oi tambu ples o ol ples i stap autsait long ples bilong katim diwai i gat ol-wok bilong ol yet, na i no olsem ples bilong tromoi graun long en.

Wei Namba 7:

Yusim Oi Masin (Oi Rola) Bilong Strongim Graun

Long Taim Bilong Wokim Rot.

Yusim masin (ol rola masin) bilong strongim na stretim graun bilong wokim rot.

Toktok Klia

Oi rola masin i strongim graun long taim bilong wokim rot. Oi buldosa i no inap strongim graun. Oi masin i gat wil olsem, ol greda na ol trak, i save strongim graun tasol long ol taia mak bilong.

Oi rola masin i mekim gutpela wok long strongim graun long dambolo na antap long rot.

Dispela wok bilong strongim graun i mekim rot i strong tru na helpim antap long rot i noken larim wara i go insait na bagarapim rot long taim bilong ren.

Wok long strongim graun bilong rot i helpim long mekim rot i stap longpela taim tru.

Em tu i helpim long noken larim graun i go insait long ol wara long taim bilong bikpela ren.

Wei Namba 8:

Bihainim Rot Bilong Masta Mak.

Bihainim sevei mak bilong rot long taim wokim rot. Noken abris long dispela lain. Sapos i gat ol senis bikos i gat gutpela as long en, orait PNG Fores Atoriti Projek Supavaisa i mas tok orait long en pastaim.

Toktok Klia

Wok bilong katim rot i ken kilaim bikpela hap insait long ol het bilong diwai na rausim graun em inap go insait long ol wara. Wanem rot em i kamap i mas stap long gutpela ples bihainim sevei mak bilong rot. Sapos i gat ol senis, olsem buldosa i traime tupela taim long painim gutpela sevei mak

bilong rot, bai i kilaim bikpela bikpela hap bilong bus na rausim planti moa graun.

Sapos i gat senis long bikrot nambatu o han rot Projek Supavaisa i mas lukim na givim tok orait long en bihain long nupela sevei mak bilong rot i redi.

Wei Namba 9:

Mak Bilong Bus Em Oi I Katim Bilong Wokim Rot I

Mas I go Inap Long 40 Mita.

Mak bilong arere bilong bus em ol i katim pinis i go inap long arere bilong bus long bikrot i mas inap long 40 mita. Oi diwai em ol i katim i mas pundaun bihainim spes i op bilong wokim rot long en.

Toktok Klia

Wok bilong katim rot em i wanpela bikpela as bilong kilaim bikpela hap insait long bus. Oi ples bilong bungim ol diwai na ol nogut wei bilong katim ol diwai tu i save mekim kilaim bikpela hap insait long bus tu.

Oi bikrot insait long bus em ol dispela i ken kisim moa long 20-pela bikpela na hevi kar (ol loging traks na ol masin bilong wokim rot) long wanwan dei.

Ples klia long bus stat long wanpela arere i go long arapela i mas inap olsem 40 mitas long bikrot i gat tupela wei bilong ol kar long ron.

Em i gutpela moa sapos mak bilong ples klia i daunbilo long dispela 40 mitas mak, olsem 30 mitas, bikos dispela bai i no inap larim bikpela hap ples klia insait long bus, na i helpim ol abus long bus long brukim dispela ples klia insait long ol het bilong ol diwai.

Dispela antap skel i gutpela long ol ples olsem long Galf Provins, we i nogat koronos na ol i yusim tasol ol graun long wokim ol rot i op moa.

Oi rot i gat wanpela wei tasol bilong ol kar long en i mekim liklik ples klia long bus, tasol i ken larim buldosa long "wokabaot" antap long arere bilong rot na i no inap bagarapim antap bilong rot.

Mak bilong rot i go long en i ken stap long wanem hap bilong ples i klia.

Em i no bikpela samting tumas long kilaim longpela hap bilong bus, bikos long Papua Niugini san i save stap antap stret na ol rot i ken drai kwiktair tru.

Taim ol katim ol diwai pinis, long senso o long wanpela buldosa, em i bikpela samting olsem ol diwai i mas pundaun bihainim mak bilong rot i go long en na i no go insait long ol diwai i sanap yet klostu long arere bilong ples klia, nogut i bagarapim ol na het bilong ol.

Wei Namba 10:

Graun I Noken Go Insait Long Wara Taim Bilong

Wokim Rot.

Nogat graun i kam long wok bilong katim rot o long wil bilong ol masin i go insait long wara, na i nogat pipia o arapela samting i stap long hap em bai wara i karim i go insait long en.

Toktok Klia

Bikpela lukaut tru i mas kamap long noken larim graun o pipia i go insait long wara. Dispela i no inap kamap sapos gutpela lukaut i kamap. Taim wok bilong katim rot i bihainim maunten i go daun long wara, bikpela lukaut tru i mas kamap long noken larim graun i go insait long wara. Long noken larim dispela i kamap, sapos masin i subim ol graun i go pas long ol banis o gras samting sapos i nogat bus dambolo long pasim graun: Sapos inap, traime long noken kilaim bikpela ples tumas long sait bilong maunten i go daun.

Taim wok bilong katim rot long brukim wara, buldosa i mas wok-aboat i go long arere bilong wara na subim graun i go longwe long wara na noken subim i go long en bai graun i noken go insait long wara.

Long taim bilong bikpela ren, wara bai i pulap long baksait bilong graun na ol pipia samting i hip i stap long wara bihain long ol wok long rot o loging. Dispela wara inap rausim ol diwai kalvets o hap bilong rot. Dispela rul i toktok tu long ol hip graun na pipia i sindaun antap o klostu long wara em sapos bikpela ren i kamap i ken go insait long wara tu. Long planti taim bikpela ren i save kamap na dispela i mas stap insait long plen tu.

Wei Namba 11:

Baret Bilong Rot.

Oi kalvets na ol baret i mas stap long olgeta rot.

Toktok Klia

Oi baret long rot i gat wok long lukaut antap long rot i stap drai gut na long lukaut olsem wara i wok long ron i noken bagarapim rot.

Yu ken wokim ol baret bilong rot sapos yu yusim ol kalvets o digim baret insait long graun long arere bilong rot.

Oi kalvets em ol i yusim long kisim wara long as bilong en na mekim i ron brukim rot. Oi tenauns o baret long graun i rausim wara bihainim tupela sait bilong rot.

Wei Namba 12:

Graun Antap Long Oi Diwai Bris.

Sampela taim ol i yusim graun o gravel long wokim bed bilong bris. Sapos dispela i kamap orait pasim o nilim wanpela diwai olsem banis long arere bilong bris bilong holim graun o koronas i stap gut.

Yu mas pasim ol spes namel long ol diwai bilong bris wantaim ol liklik hap diwai na karamapim wantaim kain samting olsem kanvas pastaim long yu putim graun i go antap.

Toktok Klia

Wanpela isi wei long graun long go insait long wara em long ol diwai bris.

Oi i save wokim diwai bris wantaim graun long karamapim ol diwai.

Sapos ol i yusim graun o gravel long wokim bed bilong bris, em i bikpela samting tru long yusim ol diwai na kanvas samting long pasim graun long noken pundaun i go insait long wara. Dispela wei tu i helpim long strongim graun gut, na mekim bris i strong moa na i no inap sting kwik na i ken stap longpela taim tru.

Wei Namba 13:

I Tambu Long Bungim Diwai.

I tambu long ol diwai i pas wantaim na graun antap long ol bilong yusim olsem kalvet.

Toktok Klia


Bilong wokim diwai kalvet noken yusim ol diwai i pas wantaim tasol. Dispela kain diwai kalvet i stap long piksa dambolo em i gutpela. Oi diwai kalvet wantaim graun antap inap larim wara i ron gut i go aut. Planti taim ol i olsem banis i holim pas wara i stap tasol. Graun i stap raun long ol diwai i go insait long wara na oltaim graun i save kam long dispela wei.

Wei Namba 14:

Baret Bilong Rot Klostu Long Bris.

Wasgut olsem graun long 50 mitas long tupela sait bilong rot klostu bris i strong gut tru o ol i tromoi gravel o koronas long en, na baret bilong wara long dispela hap bilong rot i noken ron i go long

Oi Lo bilong Wok Login Long PNG



bilong rausim wara, o stat long namel (olsem piksa dambolo i soim), wara bai i no inap kamapim planti baret antap long ples bilong bungim ol diwai.

Wei Namba 23:
Rausim Oi Pipia Long Ples Bilong Bungim Diwai

Na Oi Rot.

Rausim ol pipia long ples bilong bungim diwai na ol rot (ol dram, oil filtas, rop etc.). Digim hul long graun long wanpela gutpela hap longwe long mak bilong hai wara na ol ron bilong ol wara.

Toktok Kliia

Bilong pasim ples bilong loging, em i gutpela long klinim ol rot na ol ples bilong bungim diwai; rausim ol dram, ol oil filtas, ol rop, ol waia rop, ol taia, na ol olupela o nogut masin etc. Tromoi na karamapim ol dispela insait long hul long graun long gutpela hap longwe long mak bilong hai wara na ol ron bilong ol wara, nogut ol posin marasin na oil bai i go insait long wara na poisinim ol komuniti o wara saplai bilong kem.

Oisem hap bilong Envaironmental Plen ol loging kampani i mas soim wanpela menejemen plen bilong ol pipia o weist, na ples em i orait long tromoi na karamapim ol weist na pipia long en.

Wei Namba 24:
Lukautim Oi Pipia Long Oi Ples Wara Bilong

Bungim, Skelim Na Lodim Diwai.

Noken larim ol diwai, ol of kats o ol pipia diwai long go insait long solwara o wara. Rausim ol pipia long ol ples wara bilong bungim diwai (ol dram, ol oil filtas, ol rop etc) na planim ol long ples. I orait long tromoi na karamapim ol weist na pipia long en longwe long mak bilong hai wara na ol wara.

Toktok Kliia

Oltaim ol wokman i save subim nating ol diwai, ol of kats o ol pipia diwai i go long arere bilong ples wara bilong bungim diwai i go long solwara.

Oi dispela pipia diwai i ken kamapim ol hevi long ol papa graun bikos ol i drip o pundaun i go insait long liklik solwara o wara na pasim rot bilong ol dinghi o kanu. Tromoi ol long drai graun antap longwe long mak bilong haitait.

Gutpela ples bilong putim gut ol fiul wantaim ol tenk bilong fiul i mas stap olsem 50 mitas longwe long mak bilong high wara.

Oi rabis oil, gris, ol dram, ol oil filtas, ol rop, ol waia rop, ol taia, ol tin bilong posin spre na ol olupela o nogut masin etc i mas go long ples i orait long tromoi na karamapim ol weist na pipia long en longwe long mak bilong hai wara na ol wara.

Oi strongpela na posin pipia mas noken go insait long wara o ol baret sistem long nambis.

Oisem hap bilong Envaironmental Plen ol loging kampani i mas soim wanpela menejemen plen bilong ol pipia o weist, na ples em i orait long tromoi na karampani ol weist na pipia long en.

wara.

Toktok Kliia

Planti long ol bus rot i gat wanpela wei tasol bilong ol kar long ron long en, olsem na i bikipela samting long mekim antap long rot i strong tru long helpim ol kar i brek gut taim ol i kam klostu long bris. Long hap ol kar i ron i go insait long wara, graun i save strong gut na wara i no save bagarapim na graun i no bruk tumas.

Wara i kam long baret klostu long bris i mas ron narapela wei na i noken ron i go stret long wara klostu long as bilong bris. Sapos dispela wara i kam long baret bilong rot i ron i go long as bilong bris em bai i mekim bris na bikipela wara i brukim i go.

Wei Namba 15:
Katim Diwai Bai I Pundaun Gut Namel Long Spes

Long Oi Het Bilong Diwai.

Katim diwai bai i pundaun gut namel long spes long ol het bilong diwai, olsem ol rot bilong masin bilong katim diwai o spes ol diwai i pundaun bipo i mekim.

Toktok Kliia

Pasin bilong stirim diwai bai i pundaun i go stret long hap i mas go long en i gat wel bilong husat i katim diwai i mas bihainim. Husat i katim diwai mas mekim bek hat o kat long baksait bilong diwai, antap long skaf kat o kat long porhet bilong diwai na ol weds o liklik hap diwai long subim insait long kat.

Oi i mas katim ol rop pastaim tru long ol i katim daun ol diwai na ol i mas putim long diwai ol mak bilong wel diwai bai pundaun long en.

Katim diwai bai i pundaun long wanem hap i mas go long en bai i no inap bagarapim ol liklik diwai em ol i putim mak long ol.

Oi wok painim aut nau i kamap i soim olsem stat long 20 i go olsem 30 bilong ol dispela liklik diwai bai ol i mas makim ol insait long ol wanwan hektea.

Long winim dispela kain namba bilong diwai long noken bagarap, yusim wei bilong katim diwai long pundaun long hap i mas go long en.

Wei bilong katim diwai long pundaun long hap i mas go long en i gutpela tu long helpim o ol loging masin i no mekim bikipela bagarap tumas.

Long mekim dispela i kamap ol diwai i mas pundaun long wei olsem ol bun bilong pis na rot

bilong masin i stap long namel na noken mekim loging masin o buldosa i tanim nambaut diwai pastaim long em i pulim ol i go.

Wei Namba 16:
Noken Mekim Planti Pipia Na Katim Oi As Bilong

Diwai Dambolo Tru.

Katim as bilong diwai i go daunbilo tru nogut yu westim nating diwai. Mekim ol kat i stret tasol na pinisim gut ol bekkat bai i nogat hap diwai i pul strong i kamap bek. Sapos diwai i nogat bikipela na longpela as bilong en (ol i kolim dispela "fluting"), na dispela kain diwai i save gutpela long as bilong en, katim diwai bai, as bilong en i noken bikipela moa long 30 sentimita.

Toktok Kliia

Planti long ol gutpela diwai (em ol i save salim na baim ol) i save weist nating bikos husat i save katim diwai i no save pinisim gut bek kat na hap bilong diwai i save put bek long diwai.

Dispela i min olsem hap bilong dispela diwai (aiting inap olsem wanpela kubk mita) bai ol i katim aut na weist nating. Ol kats i mas stret gut tru. "Bataflai" o kain kat i saitim long tupela sait i go insait i save weistim nating diwai. Bek kat i mas stap antap tasol long stat bilong bikipela longpela as bilong diwai.

Sapos diwai i nogat bikipela longpela as bilong en, na i gat gutpela diwai long as bilong en, katim bai as bilong diwai i noken antap tumas moa long 30 sentimita.

Wei Namba 17:
Noken Katim Diwai O Masin I Pulim Diwai Insait

Long Oi Namel Bus O Oi Hap I Tambu Long En.

Noken katim diwai o masin i pulim diwai insait long ol namel bus o ol hap i tambu long en.

Toktok Kliia

Oi namel bus na ol hap i gat tambu long en i mas stap gut. Katim diwai i go insait long ol dispela hap i no inap lukuatim gut ol bikos buldosa bai i go insait long ol long pulim diwai i kam autsait. Katim diwai bai pundaun long wei i mas pundaun long en em wei bilong mekim diwai i pundaun narapela wei o long ol arere bilong ol namel bus o ol tambu ples.

Wei Namba 18:
Yusim Diwai Bris Long Kalap Kong Ronwara

Insait Long Loging Ples: Noken Karamapim

Wantaim Graun Na Rausim Kwiktaim Bihaun Long

Yusim.

Sapos i gat nid long ol loging masin long brukim wara, yusim diwai bris long kalap long ronwara insait long loging ples. Noken karamapim wantaim graun na rausim diwai bris kwiktait bihaun long pinisim ol loging wok long ples.

Toktok Kliia

Sapos i gat nid long brukim wara i wok long ron insait long loging ples, yusim diwai bris bilong liklik taim tasol. Yusim hap klostu long het bilong diwai long wokim bris long en.

Noken karamapim diwai bris wantaim graun, dispela bai i mekim na graun i pundaun i go insait long wara. Na rausim diwai bris kwiktait bihaun long pinisim ol loging wok long ples.

Wei Namba 19:
Pasim Oi Bus Rot.

Long taim ol i pasim toktok long pasim ol bus rot, rausim ol diwai kalvets, kalvets na ol sotpela taim diwai bris long larim wara i ron gut.

Toktok Kliia

Long taim ol i pasim toktok long pasim ol bus rot, rausim olgeta diwai kalvets, kalvets na ol sotpela taim diwai bris.

Gutpela rul em olgeta bus ban rot (i no ol bus rot bilong ol pipel long ples) i mas pas. Pastaim long pasim bikipela bus rot, ol papa graun i mas givim tingting, bilong ol long husat bai i lukautim na mentenim rot long bihaintaim.

Astingting bilong dispela em long noken mekim na wara i wasim na brukim graun antap long rot na graun i go insait long wara.

Long larim rot long stap bai i ken gat yus long bihaintaim, senisim ol kalvets na ol bris. Dispela bai i no larim ol kalvets na bris i bruk na banisim wara i stap.

Wei Namba 20:
Rausim Oi Pipia Insait Long Oi Wara.

Taim loging wok i pinis, rausim ol pipia bilong diwai long ol wara.

Toktok Kliia

Sapos ol pipia diwai i go insait long wara long taim bilong katim bus, orait yu mas rausim ol dispela

pastaim long wok loging i pinis olgeta. Oi pipia i kam long loging inap banisim wara long taim bilong bikipela ren na dispela i ken kamapim graun bruk na bagarapim graun long arere bilong wara.

Wei Namba 21:
Wokim Oi Hip Bilong Graun O Wara Ba Antap

Long Oi Olpela Bus Rot.

Noken larim ol rot bilong pulim ol diwai na ol olupela rot i stap nogut ol i pasim wara na kapsaitim i go long ples bilong bungim ol diwai o ol wara. Wokim ol hip bilong graun o wara ba long sutim wara i go insait long gras o bus na bai i noken go long ol liklik o bikipela rot.

Toktok Kliia

Bikso masin i no strongim graun long ol rot bilong pulim ol diwai, wara bihain long bikipela ren bai i karim graun i go.

Sapos ol rot bilong rolin ol diwai i ron i go long ples bilong bungim ol diwai o i klostu long wara, em i gutpela long wokim ol hip bilong graun o wara bfa bai i silip brukim rot bai i stirim wara i go insait long gras o bus.

Oi hip graun o wara ba em yu ken wokim sapos yu digim graun antap long rot bilong rolin diwai o rot bilong kar olsem piksa dambolo i soim.

Wanpela hip bilong graun antap long bus rot bilong loging pas pinis bai i no inap wok olsem wara bikos ba bikos wara bai i wasim na rausim i go.

Wei Namba 22:
Brukim Ples Bilong Bungim Oi Diwai.

Brukim graun long ples bilong bungim ol diwai stat long ol rait engels o kona i go long ples baret bilong rausim wara, o long rausim wara long ples bilong bungim ol diwai, wokim ol rediel baret o wokim wanpela hip bilong graun.

Toktok Kliia

Oi ples bilong bungim ol diwai mas kamap stret bihain long ol i kamap long en na wok bilong brukim graun em masin i strongim pinis na larim ol gras o bus i gro gen long en long karamapim graun i stap nating.

Long brukim graun long ples bilong bungim ol diwai long ol rait engles o kona i go long ples baret

*Papua Niugini Fores Atoriti
i wok i go long kamapim*

Gutpela na

long-taim Forestri

inap yia 2000 na bihain











CITY PHARMACY




Father's Day

Sunday
1st September.



Assorted
GIFT PACKS
from
K5.95



Great Prices... Good Health
CITY PHARMACY
NATIONWIDE

Boi Manam Ailan go bek long asples bihain long 11-pela yia

WANPELA man bilong Hagen long Westen Hailans provins Stanley Tendi wantaim meri bilong em Shirley Tendi bin bringim wanpela yangpela boi bilong Manam Ailan i kam bek long Madang long las mun, bihain long tupela i bin lukautim em long 11-pela krismas olgeta.

Nem bilong dispela boi em Francis Steven. Na em i bilong ples Boerea klostu long Being misin stesin long Manam ailan. Francis i gat 19 krismas nau.

Francis i bin lus taim em liklik boi yet wantaim 8-pela krismas long Ramu Suga. Dispela em long taim em wantaim ol sampela wanpela bilong em go limlimbur long hap.

Long taim ol go limlimbur long hap na raun long ol stue long hap. Francis lusim ol wanpela bilong em. Bikos em lukim ol kainkain samting long stua na mangalim. Na paul wantaim sampela mangi bilong Goroka na go antap long Goroka. Dispela em long yia 1985 namel long mun Februeri na Mas. Francis i no inap tingim gut.

Em i no inap tingim gut long wanem as na em paul wantaim ol. Tasol em tingting go na em tok, "ating mi lukim ol kaikai ol sampela bisket na twistis na dring ioriwara na mi bihainim ol tasol ol. Ol gvim mi sampela bisket samting na

BEN TAUMAI i raitim

bihain mi go kalap wantaim ol na go long Goroka".

"Ol mangi ya i gat wankain krismas olsem mi. Olsem na taim mi lukim ol, mi amamas long kamap pren bilong ol," Francis i tok. Taim Francis i go kamap long Goroka, em lukim papamama i kam kisim wanwan pikinini bilong ol. Em paul olgeta na bihainim tasol wanpela famili.

Na famili ya tanim na lukim em. Na ol askim husat em i kam wantaim. Na Francis tokim ol olsem em kam wantaim ol pikinini. Wanpela man na meri i lukim olsem na sore tru. Orait tupela kisim Francis i go stap wantaim tupela. Man na meri ya i gat wanpela pikinini man, wankain krismas olsem Francis. Na tupela i amamas tru olsem Francis bai stap na pilai wantaim pikinini bilong tupela. Em go stap liklik wantaim ol tasol ol na save lukautim em gut tumas olsem ol save mekim long pikinini boi bilong ol. Olsem na em bihainim narapela pikinini na go stap wantaim famili bilong dispela pikinini.

Francis tok em mekim olsem i go inap samting olsem tupela krismas olgeta na em bun nating olgeta. Long dispela taim em ranawe i go long Hagen.



• Yangpela Francis long namel i sanap wantaim was papamama bilong em long Madang provinsal gavman opis. Dispela em bihain long em i bungim wanpela famili memba bilong em, husat i wok long Madang.

Long Hagen em bihainim sampela mangi i go na kamap long haus bilong Stanley Tendi wantaim meri bilong em long wanpela apinun. Taim Stanley pinis wok na kam kamap long haus em lukim dispela boi na askim na ol tok, "em wanpela lus mangi i kam long Madang na raun

long Goroka i go na kam kamap long hia".

Stanley harim olsem na tokim meri bilong em Shirley na putim wanpela plet kaikai long Francis. Na stat lukautim Francis i go inap nau taim em kamap bikman na bringim em kam long las mun. Stanley tok, "mi lukim em bun nating

bikos ating em i no kaikai gut. Olsem na mi wari na tokim meri bilong mi long putim wanpela plet kaikai long em. Na bihain long nait, bel bilong mi wari tru na mi tokim meri bilong mi olsem, ating em i moa gutpela mitupela lukautim dispela boi. Na taim em bikpela orait mitupela ken traim painim wanpela rot long go bringim em ken long papamama tru bilong em.

"Olsem na nau mitupela lukim em olsem em bikpela boi nau. Na mitupela kisim em kam long hia long traim painim papamama bilong em. Na givim em go bek long ol. Bikos nogut sampela samting nogut i kamap long em bai i no gutpela", Stanley tok. Stanley i wok olsem wanpela kiap bilong Westen Hailans provins.

Em tok em bin go lukim provinsal plis komanda bilong Hagen na toksave long em long dispela. Na ol tokim plis long Madang long traim helpim na painim papamama tru bilong Francis. Taim ol bin kamap long Madang provinsal gavman opis wantaim lukaut bilong ol plis, ol bungim wanpela man bilong Manam ailan. Nem bilog dispela men em Herman Gabuzi, husat save wok long hap. Francis sindaun isi na bel bilong em i amamas tru long krungutim asples tru bilong em. Bihain em bungim papamama tru bilong em, na ol go long Manam ailan. Tasol em wari tru long lusim tupela gutpela was papamama bilong em, Stanley Tendi na meri bilong em, Shirley Tendi.

"Mi amamas long kam bek long hia long Madang (Manam ailan) tasol bel bilong mi sut na wari liklik long lusim papamama bilong mi (Stanley na Shirley) long wanem tupela bin lukautim mi gut long taim mi liklik yet i kam inap nau", Francis i tok. Bai yu go bek na lukim tupela long sampela taim o nogat?

"Ho... yesa, mi bai go antap ya tasol mi mas go long ples na bungim papamama tru bilong mi pas-taim. Na sindaun wantaim ol liklik orait, bihain liklik orait mi go bek na lukim ol

Nem: Garry
Yominao
Adres: P O Box
5255, Boroko,
NCD
Save Laikim:
Kristen pasin,
bung wantaim ol
arapela pipel,
pilai spot,
lukim piksa,
tokpilai na bekim
pas bilong bilong ol pren.



Nem: Georgina Gumaim
Krismas: 15
Adres: Angoram High School, Private Mail Bag,
Wewak, ESP
Save Laikim: Go lotu, lukim televisen, tokpilai,
harim reggae musik, pilai spo na lukim ol nupela
ples.

Nem: Emmanuel Tame
Krismas: 15
Adres: Mt Hagen CRC, P O Box 13, Mt Hagen,
WHP
Save Laikim: Raitim pas long ol pren na harim
PNG Top 20 musik program.

Nem: Wilfred Komede
Krismas: 16
Adres: Nipa High School, P O Box 222, Mendi,
SHP
Save Laikim: Harim ol pop musik, ritim buk,
tokpilai, pilai ragbi tas na stori.

Nem: Rebecca Yawau
Krismas: 18
Adres: P O Box 03, Wewak, ESP
Save Laikim: Pilai volibal na basketbal, go lotu,
raun wantaim ol pren, harim gospel musik na
raitim pas.

Nem: Samson Phargino
Krismas: 18
Adres: Tuempinka Community School, P O Box
240, Kainantu, EHP
Save Laikim: Harim kainkain musik, lukim tele-
visen na pilai ragbi lig.

Nem: Katherine Simbum
Krismas: 14
Adres: Angoram High School, Private Mail Bag,
Wewak, ESP
Save Laikim: Pilai spot, go lotu, lukim televisen,
harim musik na raitim pas long ol pren.

Nem: Christie Jackson
Krismas: 25
Adres: Silver Travel & Tours, P O Box 284, Cape
Coast, Ghana
Save Laikim: Reggae na gospel musik, muvi,
raun, spot, pos kat na megesin.

Nem: Regina Mingle
Krismas: 22
Adres: C10 Kayode, P O Box 284, Oguaa,
Ghana
Save Laikim: Luv musik, piksa, danis na pos kat.

Nem: Selestina Araba Ampiah
Krismas: 22
Adres: P O Box 1100, Oguaa District, CIR
Ghana
Save Laikim: Tebol tenis, danis, spot, poto na
senisim presen.


Nem: Anita Betty Lee
Adres: P O Box 1051, Oguaa CIR, Ghana
Save Laikim: Tebol tenis, danis, spot, poto na
senisim presen.

Nem: Vida Rockson
Krismas: 24
Adres: P O Box 390, Cape Coast, Ghana
Save Laikim: Raun, musik, waswas long
wara/solwara na prenim ol man.

Nem: Felicia Arthur
Krismas: 25
Adres: C/- P O Box 390, Oguaa, Ghana
Save Laikim: Raun, kukim kaikai, na painim
wanpela gutpela man.

Nem: Faustina Arhiful
Krismas: 28
Adres: P O Box 366, Prospect Hill, Cape Coast,
Ghana
Save Laikim: Raun, ron, musik na spot.

Nem: Ernestina Segoe
Adres: C/- Paaku, P O Box 459, Cape Coast,
Ghana.
Save Laikim: Raun, musik na spot.



ILIMO POULTRY PRODUCTS PTY LIMITED

PABLIK NOTIS

Ilimo Poultry Products Pty Limited laik tok save long olgeta man na meri wantaim. Mipela nau bai salim laip kakaruk (Broiler) long 14 1/2 Miles.

Yu laik baim live kakaruk long painim aut, yu mas ring long dispela namba 328 1101 or salim toksave tasol long Fax: 328 1245.

Yu laik baim live kakaruk long wokim mumu, yu mas kam na lukim mipela. Bai mipela i ken halvim yu long gutpela prais.

Tenk yu.

Wok sekyuriti i no pilai wok

BERNARD MALLE i raitim

TAIM yumi slip long nait, yumi i olsem hap indai pinis. Yumi no moa tingim wanpela samting. Olgeta hap bilong ples na haus i tudak. Ol nois bilong pikinini i go daun. Lait i aut long haus na yumi slip.

Em i orait long slip gut long wanem, yumi laik malolo na stretim beksait bihain long yumi wokhat long de taim.


Tasol olsem wanem long ol propeti gut samting bilong yumi, ol kain samting olsem, haus, ka, bisnis olsem stua, PMV o ol emti botol yumi bungim na larim i stap ausait long haus?

Na olsem wanem long ol bikpela bisnis haus na ol gavman husat i gat planti moa ol propeti bilong ol we i kos bikpela mani tru?

Sampela man i gat gutpela tingting i lukim dispela nid bilong ol biklain bisnis haus, gavman na ol man nating husat i wok long tingting long banisim ol gut samting bilong ol na traim saplain ol wantaim man bilong mekim wok lukautim banisim na was long propeti. Bai ol gavman na bisnis haus i ken i gat olgeta taim bilong sevim ol kastoma na pipel bilong ol. Dispela ol man bilong mekim wok lukautim na was na binisman em ol yet i kolim ol sekyuriti man.

Mi bin bungim tupela bilong ol dispela sekyuriti man long wok ples bilong ol long wiken na tupela i laik serim wantaim *Wantok* sampela expiriens, bilong tupela. Tupela man i bilong asples Omdara insait long Gumine Distrik long Simbu provins. Na tupela i wok olsem sekyuriti man long Barlow Industries, Mosbi. Tupela save wok 6-pela aua long olgeta nait. Tupela amamas long tokaut long nem bilong tupela olsem Kua Mol na Karil Banga.

"Mi bin wok olsem praivet sekyuriti man long Barlow Industries stat long yia 1992. Inap nau i olsem 5-pela krismas olgeta." Kua i tok. "Mi amamas



• **Tupela sekyuriti wokman bilong Barlow Industries. Long lephan i go long rait em Kua Mol na Karil Banga. Mol i gat nem pinis long helpim wanpela yangpela marit husat i laikim helpim long go kwik long haus sik.**

mi wok bikos mi gat moni inap long sevim mi gut taim mi stap long Mosbi," em i tok.

Tasol bikpela samting em long sait bilong wok. Yu mas bihainim gut lo bilong sekyuriti. Dispela em ol kain lo olsem; yu no ken pasim ai na slip long taim bilong wok.

Karil em husat i yangpela man long Kua i tok. "Wok sekyuriti em i wanpela salens long mi. Taim mi stap skul yet mi ting long bai mi mekim wanpela gutpela wok we bai mi ken amamas long en. Dispela driman bilong mi i kamap tru tumas long hia. Dispela wok mi kisim nau olsem sekyuriti i wanpela strongpela kain wok. Em i bilong ol fit man tasol. Bikpela samting em mipela wok bikos mipela laikim pe. Mi wok long lukim nau sekyuriti wok i no bilong ol grasrut man tasol. Nogat. Em yu rong sapos yu i gat dispela tingting.

"Planti saveman meri husat i pinisim gred 10 na 12 i wok long

mekim dispela wok. Em i wanpela bisnis we i save mekim kamap wok na peim fotnait pe."

Kua i tok, i gat ol taim we mipela nidim helpim bilong ol plisman o ol arapela sekyuriti man. Em taim pawa i blakaut long nait o bikpela ren i pundaun na ples i pulap long tais. Stenbai pawa em i smat tru. Sampela sekyuriti i gat tu wei redio, we ol i save salim tok i go i kam namel long ol yet na ol plisman. Em i gutpela long kain taim nogut olsem bai ol i ken kisim helpim hariap.

Moa expiriens man Kua Mol i tok, "taim mipela i stap duti, mipela i no sanap i stap long pretim ol kastoma bilong mipela. Em nogat. Mipela i stap bilong helpim ol bisnis na kastoma bilong ol long mekim stretpela bisnis. Sapos tupela i no wanbel long wanpela samting orait tupela i kam long mipela na stretim na i pinis long hia. Sapos hevi i stap yet orait ol i go long plis. Em nau, bai bisnis i ken go

het na sevim ol pipel wantaim amamas.

Long taim bilong imejensi, planti manmeri i save painim ol arapela long helpim ol. Sapos kain imejensi i kamap long nait, orait kwiktaim ol inap go long husait sekyuriti man i sanap wok klostu.

Wanpela taim long nait klostu long 10 klok, Kua i tok wanpela yangpela marit i ron i kam long em na luk wari tru. Kua i askim ol olsem wariem? Na wantu ol i soim em pikinini bilong tupela husat i sik nogut tru. Na askim em long helpim ol long go long haus sik.

"Mi no save bai mi mekim wanem nau. Tasol maski, mi hariap go na paitim dua bilong menesa husat slip na kirapim em. Bihain mi stori long menesa wanem samting i kamap. Orait menesa i bilip long mi. Na ringim abulens long haus sik long praivet telepon bilong em. I no long taim haus sik ka i kam na ol i go."

Emti botol sevim planti laip long Mosbi

BERNARD MALLE i raitim

SAPOS yu go long hailans bai yu save long wanem as na ol kopi graun baya i save resis long baim kopi. Em i taim bilong kopi sisen na resis i stap namel long ol graun baya long baim planti kopi. Na kisim moa winmani.

Tasol long Mosbi, em i no taim bilong resis long baim kopi. Nogat. Em i taim bilong resis long baim emti botol.

Dispela em hap liklik toktok bilong Kamilus Puri bilong asples Mui, insait long Gumine distrik long Simbu provins, husat i stap nau long 5 majl setlemen long Mosbi siti.

Klostu long 10 yia i go pinis long 1987, Kamilus i bin lusim asples bilong em long Simbu na kam long Mosbi. Dispela yangpela man i gat driman long testim laip bilong siti. Em i laik painimaut long laip na sindaun bilong siti i wanem kain tru. Bihain long 10-pela yia, em i kolim Mosbi siti olsem asples bilong em nau.

Tupela taim em i bin wok wantaim tupela kampani long sotpela taim tasol. Na save stap long strong bilong em yet.

"Taim mi lusim wok, mi no gat moni tru." em i tok. "Mi sot long moni long baim kaikai, baim PMV na klos laplap samting. Mi les long bungim emti botol long dispela taim tu. Long wanem planti manmeri i tok baksait long ol manmeri husat i save baim na salim emti botol."


Kamilus em wanpela bilong ol man husat em bipo i save tok beksait long ol arapela husat i save bungim na salim emti botol. Tasol nau em Kamilus i senisim pinis tingting bilong em. Maski, em yet i save tok baksait, Kamilus i go het na save bungim emti botol long salim na kisim liklik mani long stap laip.

Long ol biksiti na taun klostu long olgeta hap bilong Papua Niugini, planti manmeri i no save surik long mekim dispela wok. Ol bikpela as ol i bungim emti botol em long salim na kisim moni na baim kaikai, klos laplap, skul fi na sut marasin bilong haus sik.

Long dispela taim, prais bilong ol kaikai long stua i dia tumas. "Mipela i no laik komplem. Em i no pasin bilong mipela. I gat wanpela rot tasol na em long painim rot bilong pait long stap laip na stap strong. Na botol em i dispela rot." Kamilus i tok.

Long dispela taim Kamilus i bungim tru planti botol na salim pinis long kisim moni. Botol em i wanpela fri moni i kam insait. 'Fri hia' i min olsem yu no inap long spenim wanpela moni bilong yu yet taim yu bungim botol raun long siti.

**WINIM SAPELA LONG
K10,000 KWIKMONI
KES PRAIS!**



**LUKLUK LONG
OL LAKITOKENS
INSAIT LONG KLINA
BARS.**

Hariap, baim Klina cut, o bar, na yu inap kamap wanpela winman, o meri insait long "Great Klina Kina Surprise."

Participating Stores:

Jabanadi, Bulolo.
Jabanadi, Mumeng.
Renbo, Lae.
Best Buy, Lae.
Steamships, Madang.
Steamships, Vanimo.

Andersons, Eriku.
Mini S/Market, Voko Point.
KKB Retail, Kainantu.
Renbo, West Goroka.
Best Buy, Goroka.
C & L S/Market, Kundiawa

Bintangor Trading, W/Goroka.
Bromley & Manton, Banz.
Best Buy, Mt Hagen.
Best Buy, Mendi.
Bromley & Manton, Wabag.
Kabuka Trading, Chinatown.

Kabuka Trading, Dobel.
Price Rite S/Market, Popondetta.
Garamut E/Prises, Wewak.
Tang Mow, Wewak.
M&S Tsang S/Market, Madang.
Andersons S/Market, Kokopo.

Andersons S/Market, Malaguna.
PMM S/Market, Kavieng.
TSJ S/Market, Erima.
Tabubil S/Market, Tabubil.
Progressive Store, Tabubil.
Stop n Shop, Waigani.

Family Store, Town.
Steamships, Boroko.
Alotau E/Prise, Alotau.
K Mart, Kimbe.
Papindo S/Market, Gerchu.

Liklik Tonga ailan holim yet tumbuna pasin

PLANTI bilong mipela laik limlimbur long ol ovasis kantri olsem Ostrelia, Nu Silan, Yunaited Stet ov Amerika, Hong Kong, Manila, Singapo na ol kantri long Yurop olsem Inglen na Jemani long holidi. Tasol traim na limlimbur long ol Pasifik ailan kantri olsem Fiji, Solomon Ailans, Vanuatū, Westen Samoa, na Kingdom ov Tonga, we yu ken kisim mua amamas tru.

Mi bin stap tupela wik long Kingdom ov Tonga, wanpela liklik ailan long wansolwara. Na lukim olsem i gat planti samting bilong lainim na laikim, winim ol arapela biknem kantri long wol olsem long Yurop, Amerika, Ostrelia na Nu Silan.

Long tupela wik bilong mi long kibung bilong ol niusman meri long wansolwara, mipela i kaikai planti kaikai tru. Maski ailan i gat 699 skwe kilomita na 98,000 pipel we i liklik long Papua Niugini, ol Tonga pipel em ol manmeri bilong wokhat stret.

LEO WAFIWA i raitim

Mekim na maket bilong ol i save pulap stret long kaikai. Na tu sapos wanpela famili i welkamim yu long haus bilong ol, bai yu kaikai planti kaikai tru.

Bipo mi save ting olsem bikos Tonga em i wanpela ailan kantri, ol pipel i save strong long ol kaikai bilong solwara olsem pis long stap laip. Tasol samting tru em pig em namba wan mit o abus bilong ol.

Wanwan famili i gat pig bilong ol yet we i save raun arere long haus. Sampela famili haus long Nuku'alofa, biktaun bilong Tonga, yu ken lukautim pig tu. Yu ron long ka o wokabout, bai yu lukim pig i painim kaikai raun long haus i stap.

Tonga em i wanpela flatpela ples we i nogat maunten. Olsem na kokonas i pulap long ol ailan bilong Kingdom ov Tonga. Na aninit long ol kokonas plantesin, ol manmeri i painim kainkain kaikai bilong gaden banana, kumu gras, potato,

tapiok na taro we i bikpela kaikai bilong ol.

Tru olsem long sait bilong risoses o samting bilong graun long salim na kisim mani olsem kopra, kakao, kopi, kopra, gol na wel em PNG i winim ol Pasifik ailan kantri. Tasol lukluk long sait bilong save o rit na rait, namba bilong ol pipel long Tonga husat i save long rit na rait i winim PNG.

Bikpela as bilong dispela em ailan i flat. Olsem na em i isi o i no kos moa mani long gavman long givim namba wan sevis long ol pipel olsem skul, helt, wara saplai, pawa saplai na sampela moa.

Nau yet em olgeta pikinini husat i namel long 6 na 14 krismas, gavman i strong olsem ol i mas skul we gavman yet bai baim skul fi bilong ol.

Bikos long moa pipel i skul, pasin bilong ol long lainim narapela na welkamim narapela i win tru. Mi lukim olsem ol pipel i gat gutpela pasin bilong welkamim

ol pipel bilong narapela ples.

Yu tok moning o apinun, ol manmeri na pikinini bai bekim wantaim gutpela smail. Na dispela bai mekim yu i amamas tru long stap long ples bilong mipela. Mekim na wanpela ripota bilong Vanuatu i tok, "Leo bai mi brukim paspot bilong mi na stap olgeta long hia ya."

Ating long kain pasin na planti turis i amamas long go limlimbur, holidi o malolo long ol ailan bilong Kingdom bilong Tonga. Olsem na turisim bisnis em wanpela bikpela rot bilong kantri long kisim mani.

Ol liklik ailan na nambis wantaim sampela hap long bikailan Tonga em gavman i redim gut tru bilong ol turis long lukim na kisim potu.

Narapela samting em tumbuna pasin i stap strong yet long Kingdom ov Tonga. Dispela em ol pasin olsem pasin hap mat raun long klos laplap bilong ol stat long ol pikinini i go antap long ol studen, wokman


meri na bikman meri.

Sapos yu toktok long danis, em hapwok bilong ol ya stat long yangpela i go inap long lapun. "Ol bai danis na yu ken lukim long pes bilong ol olsem ol i amamas long danis o tumbuna pasin bilong ol. Bai yu no inap long lukim wanpela bilong ol i sem taim ol i danis o singsing," dispela em toktok bilong wanpela sinia ripota bilong Solomon Ailan Brodcasting Komisen, Dykes Angiki.

Dykes i tok moa olsem long ol Melanesian kantri, ol pipel i danis tasol long soim narapela. Na yu ken lukim olsem o i danis long soim tasol ol arapela, na i no amamas na stap insait long danis wantaim olgeta tingting na bilip bilong amamas. Dispela tok tok bilong em i tru.

Narapela samting em i gat wanpela tokples tasol em olgeta i save toktok. Na olgeta i save

The Kingdom of Tonga



• (antap) Map bilong Kingdom ov Tonga. (Long lephan) Ol lain Tonga i save laikim tru long danis na yu ken lukim long pes bilong ol olsem ol i amamas long danis o tumbuna pasin bilong ol.



yusim tokples long opis, limlimbur na haus. Sapos yu slip long hotel long Nuku'alofa na kirap long moning, noken kalap nogut long harim olsem tokples olsem malo lelei (mi amamas long bungim yu) na malo aubito (tenkyu tru).

Na tu ol i save rispektim tru wanpela famili memba husat i dai. Na matmat em ol i save lukautim gut tru. Planti matmat em ol putim wes anap na save bilasim gut tru we bai yu ting man o meri i dai nau tasol. Pasin bilong putim wes anap long mamat em long stapim gras long gro antap long matmat.

Tonga i gat king

Ol pipel bilong Tonga i gat bikpela amamas olsem ol tasol em wanpela ailan long wansolwara, husat em king bilong ol i stap yet na ronim kantri. King bilong Tonga, wanpela ples tasol long Pasifik

go insait long Palamen. Narapela 9-pela memba bilong Palamen em pipel yet i votim. Tasol pro demokresi muvmen i strong nau olsem pawa mas stap long han bilong ol pipel. Na laikim olgeta memba long Palamen em pipel i mas votim. Pro muvmen i no laik rausim King, tasol i laikim olsem pawa mas stap long han bilong ol pipel.

Long sait bilong lotu, Tonga em i wanpela strongpela Kristen kantri. Long wanwan ples mas i gat wanpela o tupela haus lotu. Ol strongpela lotu long Tonga em Fri Wesleyan, Katolik, Fri Sios bilong Tonga, Engliken, SDA na Latter De Saints.

Long olgeta Sande, ol pipel mas lotu sande na malolo long haus o eria bilong ol. Ol i no inap mekim wanpela wok. Olsem na ol stua bai pas na balus tu i no inap ron long Sande i go long intanesenel ples balus bilong Tonga.

Bikos lotu i strongim laip na sindaun bilong pipel long hap, i nogat planti hevi bilong lo na oda. Ating dispela em wanpela gutpela samting bilong PNG long lainim.

RAD - TEL (PNG) PTY LTD
 COMMUNICATIONS SALES & SERVICES
MOTOROLA
NOKIA
ERICSSON
NEC

Enquire for more details at:
RAD - TEL
 BRANCHES:
PORT MORESBY **LAE**
 Ph: 325 2555 Fax: 325 0872 Ph: 472 6203 Fax: 472 7577



□ Kanage em i wanpela soldia boi long Moem Bareks long Wewak. Wanpela taim em i wok i stap long opis wantaim bosman bilong em na poroman bilong em i ring long toktok long em. Nem bilong poroman ya em Alah.

Long hap bilong Afrika nem Alah em ol pipel i save kolim God.

Em nau, taim telipon i krai, bosman i ansaim telipon. Na poroman bilong Kanage Alah i tok olsem em i laik toktok long Kanage. Na bosman bilong Kanage i askim husat i laik toktok long Kanage na poroman bilong Kanage i kolim nem bilong em (Alah).

Taim bosman bilong Kanage i harim olsem, em i tokim Kanage: Hei opisa, God i laik toktok wantaim yu.

Kanage harim bos bilong em i tokim em olsem na em i paul na wok long tingting planti. Na em i lukluk strong tru long bos bilong em.

Bosman bilong Kanage lukluk strong ken long Kanage na tok: Opisa, inap yu kam plis, God i laik toktok long yu ya.

Bosman bilong Kanage i lukim olsem Kanage i wok long tingting planti na pes bilong em i luk wari na em i tokim Kanage: Kain olsem na ol i tok noken bikhet planti. Traim na stap isi long graun.

Kanage luk wari olgeta tru na bos bilong em i lap na tokim em: Don't worry, be happy, i no God em Alah ya.

Heights Guest, WEWAK

■ Kanage i go wiken spin long Wewak na em wantaim wanpela gutpren bilong em i go tromoi ai long Redio Wewak. Tupela i go na go insait long Redio Wewak na gutpren bilong Kanage i lukim wanpela yangpela na naiswan kaparesa bilong em.

Em nau gutpren bilong Kanage i tok: Tambu, gutfala na naisfala moning turu i pundaun antap long ologeta hap folong bodi folong yu.

Tambu meri i bekim: Na long yu na feren folong yu tu.

Bihain na gutpren bilong Kanage wantaim tambu bilong em i holim han na sekan.

Kanage wantaim gutpren bilong em i lusim Redio Wewak na wokabaut i go na gutpren i tokim Kanage: Olosem ol wanwok bilong em i stap na mi giaman na tok tambu long em. Samting tru em i wanpela sait kaikai mi save pilai pilai long em long taim bilong em.

Kanage harim gutpren bilong em i tok olsem na em i tok: Kain pasin tasol na ol bisnis wok bilong satan i wok long strong na go het yet long dispela graun.

Gaunist Soul, WEWAK

□ Tokpilai em hapwok bilong Kanage. Wanpela taim em i tokpilai na tokim tambu meri bilong em olsem: Ating mi mas go long haus sik na ol nesmeri i mas sekim mi.

Tambu meri harim olsem na askim: Olsem wanem, yu gat sampela sik?

Kanage sindaun isi tasol olsem wanpela sikman na tokim tambu meri bilong em: Tambu, mi pilim olsem mi mas i gat bel ya. Nogut mi haitim i stap i go na samting bai kikbek long mi.

Tambu meri bilong Kanage i harim Kanage i mekim dispela haptok na em i tokim Kanage: Gutpela long yu mas i go na ol i sekim tu tupela wil bilong wilwil.

Kanage lap na tokim tambu meri bilong em: Tru tumas, tupela tu ya i no pulim gut win na win i mas surik i go antap long bel na mekim bel i solap moa moa yet.

Kramal Caltex, WEWAK

■ Kanage em i draiva bilong wanpela PMV bas long Madang. Wanpela taim em i kisim ol pasindia long Madang taun na wok long ron i go long Nu Taun na wanpela yangpela meri Manus i singaut na tok: Draiva, holim long hia.

Kanage harim wanples ya i tok olsem na em i askim: Bai mi holim yu long we?

Meri Manus ya i bekim: Em nau, long hia.

Kanage i askim gen na meri wanples ya i mekim wankain toktok. Ol arapela pasindia i luksave long mining bilong Tok Pisin bilong Kanage na ol i lap indai stret.

Kanage i go na stopim bas. Na meri Manus ya i go ausait na Kanage i tokim em: Kain Tok Pisin bilong yupela ol pasindia tasol i save mekim ol draiva i so op na mekim wok bilong ol wantaim amamas.

The Driver, MADANG

Masalai kapul kilim tupela man na kukim long paia



BIPO, bipo tru long taim bilong ol tumbuna long hap bilong Teptep long Madang provins, i bin i gat wanpela ples ol i kolim Megan i stap.

Wanpela de tupela man bilong dispela ples i kisim dok na i go painim abus long bus long bikmoning tru. Tupela i wokabaut long bus na putim banis (trep) long pasim na kilim ol pik o kapul. Tupela i wokim planti trep pinis na bihain tupela i go bek long ples.

Long apinum nau tupela i go bek long bus long sekim ol banis. Na tupela i lukim ol banis i pulap tru ol kapul. Taim tupela man ya i kam kamap long wanpela banis, tupela i lukim wanpela het bilong kapul tasol i stap.

Wanpela samting i kaikaim lek na tel bilong en pinis. Tasol tupela man ya i no save wanem samting tru i kaikaim dispela kapul. Na tupela man ya na dok tu i karim planti kapul na klostu tudak. Olsem na tupela man ya wantaim dok bilong tupela i go stap long wanpela hol bilong ston. Planti pipel i save i go i stap long en long taim bilong ren-o sapos tudak i kamap hariap na ol i no inap long painim rot i go long ples.

Tupela man ya i wokim paia na kukim wanpela kapul. Kapul tu i no tan gut. Blut i stap yet long en na tupela i kaikai i stap. Tupela i givim wanpela long dok tu. Ol i sindaun kaikai pinis na ol i tingting long slip. Na ol i harim ol liklik nois i kamap ausait long bikpela ston ol i stap long en.

Tupela slip i stap nau masalai ya i bin kaikaim het na tel bilong kapul i kam na kisim



tupela. Na ol i wok long pait. Na dok aste yet i ranawe na i go i stap longwe liklik na lukluk i stap. Masalai i strong nau na kilim tupela man na tromoi tupela i go long paia na paia i kukim tupela. Dok bilong tupela i ron i go kamap long ples. Na em i wok long sindaun na singaut na krai wantaim i stap.

Long moning taim tru, taim ol man long ples i kirap, dok i soim rot i go long hap tupela man i bin paia pinis long en. Ol man bilong ples i kisim ol liklik hap bilong bodi bilong tupela man ya na karim i go bek long ples. Na ol i wokim wanpela liklik haus na bilasim gut tru na putim ol hap hap bilong bodi bilong tupela man i stap insait long dispela haus.

Bihain ol man long ples i taitim wanpela rop long haus ya na narapela hap long maunten ol i kolim Finstret. Em nau olgeta man long ples i karim bunara, stik, spia, akis na ston na hait nabaut na insait long dispela hol bilong ston tupela man i indai na stap

long en. Ol i salim wanpela strongpela man tru long ples i go sanap antap long maunten Finstret na singautim ol masalai i kam.

Na i no isi, olgeta masalai manmeri na pikinini i stap long dispela bus i kam bung nau. Ol dispela tewel i taimim olsem ol kapul na i wokabaut antap long dispela rop i kam long ples we bodi bilong tupela man i stap long en. Taim ol tewel kapul i kamap long ples, man ya i bosim rop i katim rop na olgeta i tanim i go kamap olsem ol manmeri tru.

Tasol ol i luk narakain stret. Ol i luk olsem bikbus. Taim man tru i katim rop, olgeta wel manmeri i ranawe na i go insait long liklik haus na i stap. Ol i wok long amamasim bodi bilong tupela man ya em masalai i bin kukim long paia. Em nau ol man long ples i brumim olgeta pipia nabaut na hipim klostu long liklik haus ya. Na ol i putim paia antap na laitim haus wantaim. Na bodi bilong tupela man na ol wel manmeri i paia olgeta.

Tasol laki tru na wanpela meri masalai wantaim pikinini bilong em i no go insait long dispela haus. Tupela i bin stap longwe tru na taim haus wantaim olgeta wel manmeri i paia, tupela tasol i ranawe i go long bus.

Olsem na nau long dispela taim, ol pipel bilong ples Megan insait long hap bilong Saidor distrik i go long bus long painim abus na ol narapela kain kaikai, ol i save traut nogut tru. Em sapos ol i go long hap we masalai meri wantaim pikinini bilong em i bin ranawe long en.

Na sampela taim, sapos ol manmeri i holim paia i go wantaim long bus na holim kranki, paia i save kukim hap bodi bilong ol. Olsem na ol pipel i save tok bipo taim ol tumbuna i kilim ol wel manmeri long dispela hap, olsem na dispela kain samting i save kamap long ol pipel.

Sayaba Willinut
MADANG



Dia Laiplain,

I no longtaim i go pinis mi bungim wanpela man we mi ting mi laikim na luvim em. Tasol mi no kila tumas sapos laik na luv bilong em long mi i trupela i em i laik yusim mi tasol. Em i save askim mi long mitupela i mekim pasin nogut na tu i save toktok long statim famill.

Em i save olsem mi gat wanpela pikinini long wanpela man husat i lusim mi sampela yia i go pinis. Mi tokim em olsem mi les long

Mi painim hat long bilipim em

... tasol mi laikim man long lukautim mi

kisim arapela pikinini gen hariap.

Em i tokim mi olsem em bai sapatim mi na tu pikinini we mitupela i kamapim. Mi painim hat long bilipim em tasol mi no yangpela moa na mi laikim wanpela man long lukautim mi.

INSECURE

Dia Pren,

Bihainim krismas bilong yu, mipela i luksave olsem yu pilim olsem yu laikim wanpela man long lukautim yu. Olsem na yu laikim dispela man husat i gat laik long yu. Tasol bihainim ol luksave na ekspirians bilong yu long bipo, yu wok long ting-

ing planti long givim yu yet olgeta i go long dispela man.

Yu tok olsem dispela man i toktok long kamapim pikinini. Yu toktok long em long marit tu o nogat? Ating yu gat save olsem planti Papua Niugini man i save laikim pikinini man na ol bai no inap maritim wanpela meri inap meri ol i prenim i karim wanpela pikinini man. Bikos dispela man i wok long toktok long kamapim pikinini na i no toktok long marit, ating em i wanpela bilong ol dispela kain man.

Mipela i laikim olsem yu mas toktok long marit long dispela man-tasol noken toktok long plen bilong maritim em-dispela em long painim aut long tingting bilong em. Em nau yu bai luksave long tingting bilong em

na wokim disisen long stopim o go hetim dispela rilesensip yu gat wantaim em.

Luksave na tingting bilong yu i tokim em olsem yu mas i noken givim yu yet long i gat bel inap long taim yu marit tru tru. Dispela i kam aninit tu long Kristen tising. Mipela i askim yu long sanap strong long tingting bilong yu na i no long larim lewa na bodi bilong yu long kontrolim het na spirit bilong yu. Sapos yu sanap strong, yu ken save olsem God, husat i luksave long olgeta nid bilong yu, bai helpim yu long painim wanpela stretpela man sapos yu askim em (God) long helpim bilong em.

Laiplain

Rispektim gavman na lida

Dia Edita,

Mi laik autim komplem bilongmi i go long pasin mi save lukim planti man insait long Papua Niugini i save mekim.

Mi raun long planti opis bilong gavman long ol provins na mi save lukim ol man nating, nogat wok bilong ol bai raun i go insait long gavman opis na sindaun nabaut long laik. Ol bai holim telefon na ring nabaut na sindaun nabaut long opis ya olsem i no gat man i bos long en.

Mi lukim dispela kain pasin i no gutpela bikos dispela opis bilong gavman i stap bilong sevim yumi ol pipel long ol hevi na helpim. Olsem na yumi i mas gat rispek long ol dispela opis bilong gavman insait long ol provins bilong yumi.

Yumi mas rispektim tu ol lida bilong yumi taim ol i kam long provins long raun long ilektoret o i laik kisim malolo samting. Yumi noken go het na pusim ol lida bilong yumi long ol laik na interes bilong yumi. Yu gat samting long askim long memba, orait yu raitim long pepa na givim em. No ken tingting long go lukim em na toktok long em bikos olgeta manmeri tu bai i laik go toktok long em na planti toktok bai paullim het bilong lida. Long dispela tu, bai yu i no inap kisim ansa bilong yu bikos lida i lus tingting pinis.

Yumi olgeta i mas yusim het bilong yumi na mekim samting na i no ken mekim olsem ol manmeri i nogat het.

Em tasol komplem bilong mi na husat i laik bekim em laik tasol.

Samuel Lukndia
Para. Morobe provins

Ples i gat planti kaikai

Dia Edita,

Mi laik autim tingting bilong mi i go long olgeta manmeri bilong Papua Niugini. Tingting bilong mi em long ol manmeri i mas tingim bek ol kaikai na abus ol i gat long bus, graun na solwara bilong mipela long PNG.

Kantri bilong mipela i gat ol bikpela graun, wara, solwara na bus. Insait long ol dispela hap, olgeta kain kain kaikai bilong man i stap. Yumi no sot long wanpela kaikai samting. Olgeta samting bilong yumi kisim i go long bodi long stap laip i stap pinis.

Ol tumbuna bilong yumi i bin go pas long yusim ol dispela kaikai na soim yumi olsem dispela em bilong kaikai. Olsem na yumi nau i bihainim dispela save ol tumbuna i gat long kisim ol samting ol i save kisim bipo.

Mi mekim dispela tok bikos mi no

save klia long wanem as na ol manmeri i save laik go raun na pulap nating long taun-we ol bai painim hat long kisim kaikai bikos olgeta samting em mani i tok.

Mi ting ol pipel i mas yusim het bilong ol gut bikos sapos yu skelim olsem laip bilong taun i hat long painim kaikai, watpo na yu no laik go bek long ples?..Kaikai i pulap na i stap tasol yu laik painim wanem tru?

Dispela em liklik tingting bilong mi long pasin mi lukim we i kamap planti na bikpela tru long PNG tude. Olsem na mi laik tromoi bai arapela i ken lukim na skelim sapos mi tok stret o nogat.

Em tasol na husat i laik tromoi arapela tingting antap em laik tasol.

Mama Tani
Kavieng

Gavman ka kamap olsem pmv

Dia Edita,

Mi laik komplem long pasin mi lukim long tokel gavman bilong Astrolobei insait long Madangprovins.

Dispela lokal gavman i gat wanpela gavman ka we ol i save yusim long wok bilong ol kaunsil. Tasol nau ol i tanim na yusim ka ya olsem pmv ka nau.

Mi save lukim olsem dispela ka i save pulapim ol manmeri nating nating na ronim ol i go i kam long taun.

Mi laik tokim yupela olsem sapos ka ya i baim o kapsait, bai husat i baim kompensesen bilong yupela?. Yupela bai krai krai nating tru long ol bagarap yupelai kisim tasol bai i nogat pemen bilong yupela. Sikirap na bisnis bilong yupela yet long kalap long gavman ka na ron long en.

Mi askim ol kaunsil bilong Astrolobei long lukim gut dispela pasin ol i mekim na noken mekim gen. Noken yusim dispela kaunsil ka olsem pmv bilong yupela long karim ol manmeri nating nating long en.

Em tasol komplem bilong mi na husat i laik bekim em laik tasol long autim na mi ken lukim tu long niuspepa.

Naigo Kisom
Madang

Ol sapota save bagarapim gutpela pilai

Dia Edita,

Mi wanpela gutpela sapota bilong ragbi lig gem. Na olgeta taim mi save amamas long lukim bikpela pilai olsem inta siti lig resis.

Mi no save go insait long pilai graun tumas bikos mi save les long lukim ol sapota i

save mekim nabaut na bagarapim pilai. Olsem na mi save stap tasol long ausait na harim long redio o lukim long niuspepa.

Bikpela tingting mi laik autim em inap ol ogenaisa o man i go pas long dispela inta siti resis i senisim ol ples bilong pilai?.

Mi sut olsem, sapos Lae Bombers na Goroka Lahanis i laik pilai, tupela i mas go pilai olsem long Mosbi o Rabaul.

Sapos Hagen na Kundiawa i laik pilai, tupela i mas go pilai olsem long Madang o Rabaul. Ol tim i noken pilai long ples bilong ol yet. Ol i mas go pilai long narapela hap ples.

Mi tok olsem bikos taim ol tim i pilai long ples bilong ol yet, bai ol sapota bilong ol i save kirap na wokim trabel taim tim bilong ol i lus. Ol i save mekim nois na tromoi ol

botol, diwai, ston na ol samting nabaut long arapela manmeri na ol pilaia na tu bagarapim bikpela geit na banis bilong pilai graun.

Dispela tingting mi kamapim mi bilip inap kamapim sampela gutpela senis na gutpela pilai inap kamap.

Em tasol tingting bilong mi na husat i gat arapela tingting long tromoi antap em laik tasol.

Ragbi Pren
Lae

Salim pas i kam long:
WANTOK NIUSPEPA,
PO BOX 1982, BOROKO.

STIHL

SEINSO NA ALASKAN MILL

Wantaim STIHL SEINSO na ALASKAN MILL, you ken katim timba bilong yu long raunpela diwai na wokim haus insait long peles. Ino hevi na isi long karim raun.

Long liklik taim tasol, mipela givim spesol offa:
Ol STIHL 070 SEINSO wantaim olgeta samting:

36" Bar, Alaskan Mill
Safety Helmet wantaim Visor na Ear Muffs
Gloves, File na File Holder
Wedges, Ripping Chains
20 litres long Bar na Cutter Oil
1litre long 2 Stroke Oil
Timber Clamps.

Olgeta long K 2, 480-00* nogat sales tax.

*Istap tasol long Port Moresby, Lae na Rabaul.

Dispela na sampela kain model insait long STIHL range istap long UMW Niugini Pty Ltd na wanwan dilas long Madang, Kimbe, Manus na Kavieng.

Olsem tasol yu ken kisim spea pats sevis UMW save wokim long olgeta taim.



The **STIHL** Product Range
available from Exclusive Distributors

UMW Niugini Pty. Ltd.

LAE Aircorps Road
PORT MORESBY Morea Tobo Road
RABAUL Malaguna Road
VANIMO
LIHIR ISLAND

Phone: 472 2444
Phone: 325 5766
Phone: 982 1489
Phone: 857 1437
Phone: 986 4073

PAINIM WANTOK

Dia Edita,

Mi wanpela meri we papa bilong mi em bilong Daru, Westen provins na mama bilong mi em long Goroka Isten Hailans provins. Mi gat tupela brata na tupela susa.

Olgeta brata susa bilong nau ol i stap long Goroka tasol mi yet mi marit na i stap wantaim man bilong mi long Kimbe Wes Nu Briten provins.

Mi raitim dispela pas bikos papa bilong mipela i bin dai longpela taim pinis long bipo taim mipela i bin stap long Bulolo, Morobe provins. Em i save wok olsem wanpela mekenik tasol ol i kilim em. Ol wantok bilong em long Daru i bin kam kisim bodi bilong em na karim i go long Daru na planim.

Tasol nau yet mipela olgeta pikinini i laik traim long go na lukim matmat bilong papa bilong mipela. Tasol mipela i no save long wanem ples tru long Daru em bilong papa bilong mipela.

Mipela i laik askim tu ol lain Daru sapos ol i save long mipela o nogat. Mipela i no save gut long nem bilong papa bilong mipela bikos mipela i bin liklik long dispela taim em i dai. Mama bilong mipela i save long nem bilong em tasol em i no laik tokaut long mipela bikos em i pret nogut mipela lusim em.

Plis sapos yupela save long ples bilong papa bilong mipela, orai raitim pas long mi long dispela adres; Anna Molly, LDC, PO Box 33 Kimbe West New Britian province.

Em tasol na mi bai amamas long bekim na helpim bilong yupela.

**Anna Molly
Kimbe**

Memba bilong Nawae mas sekim Boana rot

Dia Edita,

Mi laik komplem long rot i go olsem long Boana, Gunbun na Nabak insait long Morobe provins. Mi laik save wanem ples em memba bilong Nawae, Amos Yamani i kam long em.

Sapos yu bilong Nabak orait, plis lukluk long rot na stretim pipel bilong yu. Mipela i wokabaut karim yet ol kago samting olsem ol tumbuna bipo long ples i wokim. Maski long sindaun gut long ka na raun raun nabaut amamas tasol. Traim opim ai bilong yu na stretim rot na ol pipel bilong yu i ken yusim gut rot long kisim ol sevis samting.

Yu no inap kamap memba sapos mipela yet ol asples pipel ino givim namba long yu. Lukluk long ol pipel na stretim rot i go long ples bilong yu.

Klostu nau bai nesenel ileksen i kamap gen long neks yia na bai mipela i hari gen ol mauswara tok-tok na tok gris i kam long planti ol politiks man. Olsem na mi askim memba nau long tingim dispela na kamapim sampela gutpela samting nau hariap long ol pipel bilong Boana na Nawae ilektoret i senisim tingting bilong ol olgeta long yu.

Yatip Esik

Boana, Morobe provins

Vunapope haus sik woka i slek.

Dia Edita,

Mi stap long Kokopo, Is Nu Briten provins na mi laik autim komplem bilong mi i go long ol bosman bilong Vunapope haus sik. Komplem bilong mi em long yupela i mas sekim gut ol dokta na nes bilong yupela long haus sik bikos mi no amamas long wok bilong ol.

Mi save go long haus sik taim mi i sik na mi lukim olsem ol nes na dokta long hap i save slek tumas long wok bilong ol. Ol i save pulim stori na i no save sevim ol sikman hariap. Planti sikman isave kam long haus sik long bikmoning tru tasol taim bilong kisim marasin, ol i save sindaun longpela taim tru i go inap long mak bilong apinun. Mi lukim dispela na mi save sori nogut tru bikos ol manmeri i painim bikpela sik tasol na i laik kisim helpim hariap. Tasol ol nes na dokta i no save go long ol hariap. Sapos yu tok long stori, ol bai moa yet tru long pulim stori long arapela lain bilong ol o pulim longpela stori long telefon.

Dispela i mekim na mipela planti manmeri i no amamas moa long dispela kain pasin. Mi askim ol bos bilong haus sik long sekim ol wokman bilong em na sapos dispela i tru, ol i mas kamapim sampela gutpela senis long dispela kain pasin.

**Kaip Siuk
Kokopo**

Makim ol meri long palamen

Dia Edita,

Mi wanpela manki Sepik. Mi pinisim gret 10 bilong mi na nogat wok. Olsem na mi raun raun nating na mekim ol kain kain pasin nabaut i stap. Mi bin go long kalabus na kam bek stap ausait. Tasol mi skelim laip long ausait i no gat wanpela gutpela senis long en.

Mi gat bikpela tingting olsem nau em planti meri i mas tingting

ing nau long sanap long ileksen long neks yia na senisim ol man.

Mi bilip olsem sapos ol meri i sanap long ileksen na win, bai ol i ken i gat gutpela tingting bilong stretim hevi insait long komyuniti we i sut long gutpela sindaun namel long ol yangpela na mama pikinini tu wantaim. Ol man tasol i memba na mekim disisen long

laik bilong ol yet we i hat long ol yangpela na pikinini na ol meri tu.

Ol mama ol i gat bikpela laik long mipela i yangpela bikos ol i karim mipela na ol i no laik bai mipela i raun olsem paul man. Tasol ol bai wokim wanem bikos i no gat rot bai ol i helpim mipela. Olsem na mi askim ol yut na ol mama long lukluk gut na votim sam-

pela meri tu bai ol i ken sanap long sait bilong yumi ol yut na ol mama insait long palamen.

Long 1997 em taim nau long tingim dispela samting na i no ken westim taim. Sapos yu husat i laik egensim o sapatim em laik tasol long rait na bai mi tu i ken lukim.

**Augustine Knava
Lae**

Polismeri raun nating long ka

Dia Edita,

Mi laik autim komplem bilong mi i go long ol yangpela polismeri bilong Wewak, Is Sepik provins.

Mipela i save olsem ol i polismeri bilong Wewak tasol wanpela samting i no stret long tingting bilong mipela em ol isave raun nating nating long ka taim ol i no gat wok. Ol i save werim ol sotpela trausis na siot na raun spin long ka nating nating long de we ol i no save wok long en.


Mipela sampela i lukim dispela ino gutpela bikos mipela save olsem yupela em ol polismeri. Na i no gutpela long yupela raun werim ol kolos nating long opisel polis ka. Em ka bilong wok stret na i no bilong raun nating nating long em olsem praivet ka bilong yu.

Mi lukim tu olsem ol i save so op moa yet long polis bareks na ol kain kain pes bilong ol man i save go holim pati o amamas wantaim ol. Dispela i soim olsem ol polismeri i no holim rispek bilong ol pipel. Long dispela kain pasin ol pipel tu i no inap rispektim yupela olsem yupela i lo meri.

Mi askim bos bilong ol polis long Wewak long lukluk long dispela kain pasin na skelim sapos em i stret o nogat. Sapos em i no stret long ai bilong komyuniti, ating bos bilong Wewak polis i ken kamapim sampela senis.

Em tasol komplem bilong mi na husat i laik bekim em laik tasol.

**George Makis
Wewak**



Salim vot bilong yupela long 1997

Dia Edita,

Mi laik autim bikpela bel hevi na tingting bilong mi i go long ol pipel bilong Papua Niugini. Nau em taim bilong nesenel ileksen i kamap klostu nau na bai yumi tingting long makim husat man yumi laik.

Nau em taim bilong planti man husat i laik sanap long ileksen tu long go aut na stat grisim ol manmeri long pulim vot bilong ol. Ol bai grisim ol manmeri long pasin bilong givim mani, kago, kaikai, givim sevis na arapela samting moa.

Olsem na mi askim ol manmeri long lukluk na was gut long dispela kain pasin we bai i kamap long ol dispela kain gris lida. No ken makim ol man bilong hangre tasol long wokim nem na kisim pawa.

Mi ting nau em taim bilong mipela ol pipel long salim vot bilong mipela. Ating i gutpela long mipela salim ol vot bilong mipela long K1,000. Husat memba i gat K1,000 i kam givim mi na mi bai givim yu vot bilong mi. Mi askim olgeta arapela manmeri tu long salim vot bilong ol olsem. Em tasol liklik hap toktok bilong mi na husat i laik bekim em laik tasol.

Gusa Yaiap, Lae

Kisim Jisas na nogat moa wari

Dia Edita,

Mi wanpela man i save laikim long ritim *Wantok* niuspepa long lukim ol wari na tingting bilong ol arapela manmeri. Ol dispela kain toktok o tingting long niuspepa i save helpim arapela long luksave long ol yet na sindaun bilong ol kamapim gutpela senis long helpim ol.

Mi gat liklik tok long helpim long yu husat manmeri we yu gat wari o wanem kain hevi long laip bilong yu.

Mi laik tok olsem kam tasol na painim gutpela laip long Jisas. Matyu 11: 28-29. Jisas i tok, kam na kisim malolo long em. Namba 1 Pita 5: 7 i tok, putim wari bilong yu antap long Jisas tasol. Em tasol liklik tingting bilong mi long helpim husat igat dispela kain hevi long laip bilong em.

Enoch Oronga, Rabaul

MembaBalakau i stap we nau?

Dia Edita,

Mi wanpela manki Surigi long Enga provins na mi laik bekim pas bilong brata Akus Tapai. Em i tok olsem memba bilong Enga, Jeffery Balakau em gutpela lida bikos em i helpim long baim skul fi bilong ol pikinini Enga.

Tasol brata, mi no save harim wanpela nius bilong Jeffery Balakau liklik. Mi bin

vot long em i go long palamen tasol inap nau mi no moa harim nem o wanpela gutpela nius bilong em.

Wanpela nius bilong Jeffery Balakau tasol mi harim em olsem Jeffery i stap nau long nesenel kot long Mosbi. Sapos dispela nius mi harim i no tru, orait yu ken rait gen na toksave gut long dispela.

Joe Pamburi, Mosbi

Asbisop Karl Hesse m.s.c.

long makim ol pipel bilong

Katolik Asdaiosis bilong Rabaul

salim

tok amamas

i go long

DIVAIN WOD MISINARI SOSAITI

na ol Kristen Komyuniti bilong Momase na Hailans

rijon

long ol amamas bilong

namba 100 yia bilong

Katolik Misinari hatwok



OPIS BILONG SEKETERI

DEPARTMENT OF AGRICULTURE AND LIVESTOCK



RIPOT BILONG NESENEL AGRIKALSA RISETS INSTITUT i kam long Honorobel David Mai, Memba na Minista bilong Agrikalsa na Laipstok

I. TOKTOK I GO PAS

- Mi amamas tru long tokim yupela olsem Nesenel Riset Institut Bil (bihainim tingting bilong Ministri na Dipatmen bilong mi) em Palamen i oraitim pinis, long kibung bilong en em i bin kamap long Julai 31, 1996. Olgeta memba bilong Palamen i sapotim dispela bil na mi amamas. Dispela Bil bai oraitim Ministri bilong Agrikalsa na Laipstok long kamapim na developim Nesenel Agrikalsa Riset Institut (NARI).

- NARI bai kamap olsem wanpela nesenel gavman bodi, aninit long lukaut bilong Ministri bilong Agrikalsa na Laipstok, we bai gat pawa bilong em yet, na bai wanpela bodi bilong karimaut ol wok painimaut long wok agrikalsa insait long kantri.

- Kamap bilong NARI i bihainim rifom bilong Ogenik Lo long Provinsal na Lokol Level Gavman (OLP & LLG), long brukim pawa na givim gutpela sevis i go long planti pipel bilong Papua Niugini, husat i stap long ol rurel eria.

- NARI bai karimaut ol wok painimaut long ol kaikai bilong gaden, na painimaut rot bilong kamapim ol nupela na gutpela kain kaikai bilong salim long ovasis na kisim mani, na tu bilong ol pipel long hia long kaikai.

- Wok painimaut bai lukluk moa long ol rijon bilong kantri we wok agrikalsa i ken kamap. Na tu bai lukluk moa long wok bilong planim ol gaden kaikai o kes krop long smolholda pasin.

- Dispela rifom o senis i kamap bikos i gat bikpela nid long gutpela wok painimaut long wok agrikalsa na teknikel sevis long developmen bilong wok agrikalsa insait long kantri, bikpela tru em long ol smolholda semi-sabsisten agrikalsa.

- Bihainim tokorait bilong Palamen long NARI Bil, mi ken tok olsem Dipatmen bilong Agrikalsa na Laipstok i mekim bikpela wok long givim gutpela sevis long ol pipel.

- Long dispela taim, mi laik tenkim Dipatmen bilong Agrikalsa na Laipstok long dispela bikpela hatwok em mipela bai redi nau long en, na tu salim bikpela tok amamas long Seketeri na Plening Tim bilong NARI long Dipatmen long gutpela hatwok bilong ol na helpim long wan na hap ya i go pinis, na disainim dispela nupela Institut.

- Mi laik askim tu Dipatmen bilong Agrikalsa na Laipstok long kisim dispela rifom olsem wanpela salens, na tanim olgeta plen na driman i kamap tru long developim NARI olsem wanpela "Centre of Excellence" long wok bilong risets, trenim ol wokman meri; givim skul, na givim ripot; na wok bung wantaim ol fama na ekstensen woka o groa, bai helpim i go gut long ol rurel pipel long kantri.

II. OL BIKPELA WOK BILONG NARI

1. BIHAINIM OL GAVMAN RIFOM

Kamap bilong NARI i bihainim ol rifom bilong

Ogenik Lo long Provinsal na Lokol Level Gavmans long givim moa pawa na sevis i go long planti pipel bilong kantri, husat i stap long ol rurel eria. Olsem na kamap bilong NARI i bihainim ol bikpela plen bilong Gavman long givim moa nambawan sevis i go long ol rurel pipel bilong Papua Niugini.

2. GUTPELA NA NAMBAWAN SEVIS

Dispela senis o rifom i kamap wantaim astingting long givim gutpela nambawan na stretpela wok painimaut long wok agrikalsa, bai wok agrikalsa i ken kamap moa gutpela long kantri.

3. LUKLUK LONG SMOLHOLDA SEMI AGRIKALSA SEKTA

Wok painimaut bai lukluk moa long pipel husat i wok olsem ol smolholda semi agrikalsa fama, bikos gavman i no bin lukluk long ol long longpela taim i kam inap nau. Ol dispela pipel i ken givim bikpela helpim long ikonmik developmen bilong kantri long wok agrikalsa. Wantaim dispela helpim, ol i ken kamapim moa gaden kaikai na ol kes krop, ol i ken painim wok bilong ol yet long kisim liklik mani, planti bilong ol bai gat wok nau long agrikalsa long kisim mani, na olgeta bai stap amamas.

4. LUKLUK LONG RIJON

Ol riset progrem bilong NARI bai kamap long wanwan rijon. Dispela em lomng brukim wok we bai isi long lukim wanem eria i gutpela long karimaut riset, na tu long traim strongim riset wok long wanwan rijon.

- Bai gat tupela bikpela risets progrem; wanpela bilong hailans na narapela bilong nambis. Hailans progrem em mipela brukim i go long tupela sab rijonal progrem. Wanpela progrem bai kamap long ol flatpela hap bilong hailans, na narapela bai kamap long eria we i winim flatpela eria bilong hailans.

Nambis progrem em mipela brukim i go long tripela sab rijonal progrem. Dispela i min olsem namba wan nambis progrem bai kamap long bikples, namba tu progrem bai kamap long ol ailan, na namba tri bai kamap long hap we i drai (liklik ren tasol save pundaun).

5. KAMAPIM GUTPELA SINDAUN

Wok painimaut o riset bilong NARI bai lukluk moa long developim wok agrikalsa insait long Papua Niugini. Dispela i min olsem planti rurel pipel husat i save wok agrikalsa bai kisim moa gutpela save long wok agrikalsa, wantaim moa gutpela helpim na masin samting long wok agrikalsa. Bihainim dispela, i gat bilip olsem ol bai kisim sampela mani nau long wok bilong ol. Na sindaun bilong ol i ken kamap gut.

6. DEVELOPIM FACING STAIL EM I STAP PINIS

I gat kainkain smolholda faming. Na long lukluk long dispela ol kain faming na kamapim gutpela, wok bilong Institut em long glasim ol dispela kain faming na lukim wanem i gutpela long pipel i bihainim. Planti wok em long lukim pasin na stail bilong faming i stap pinis, na Institut bai helpim long developim.

7. STRONGIM Riset O WOK PAINIMAUT

NARI bai helpim long trenim ol wokman meri bilong em wantaim ol pipel long karimaut ol gutpela nambawan riset o wok painimaut i go insait long developim wok agrikalsa long kantri. Trening em long yusim ol gutpela na isi save wantaim masin we ol pipel i ken yusim isi long developim kain faming bilong ol.

8. WOK LONG KAMAPIM DEVELOPMEN

NARI bai lukluk long kamapim wok bung long ol riset wok long kamapim developmen. Olsem na NARI bai lukluk strong long saplaim o kisim ol gutpela save o Infomesen, Komyunikesen, na Riset Ekstensen Linkage, we bai lukluk long ronim wok painimaut long faming, givim na kisim ripot o infomesen, givim moa trening long ol fama, lukluk long gutpela masin na samting wantaim save bilong strongim wok painimaut, na putim aut ol liklik niusleta long wok bilong en.

- Provinsal gavman sistem long kantri i bin bungim bikpela senis long wok bilong en, wantaim moa pawa na mani i go long ol lokol level gavman na distrik. Ol developmen projek em ol i plenim pinis na kamap nau long ol distrik na lokol level gavman eria.

- Olgeta riset o wok painimaut i bilong Papua Niugini na i no bilong wanwan provins o rijon tasol long yusim. Olsem na NARI bai yusim ol wok painimaut o riset long developim wok agrikalsa long olgeta distrik, lokol eria na hap em ol wok painimaut i kamap long en insait long Papua Niugini.

9. WOK BUNG

NARI bai wok bung wantaim ol arapela grup husat i karimaut wok riset bilong ol yet. Na tu bai wok bung wantaim ol developmen ejensi olsem ekstensen, ol Gavman Dipatmen, ol Non Gavman Ogenaisesen (NGO) grup, na ol arapela maket ogenaisesen. Ol riset progrem bai bihainim polisi bilong Nesenel Gavman long wok developmen insait long kantri. Sampela bilong ol dispela polisi em long kantri i mas kamapim inap kaikai bilong em yet na noken baim tumas long ol ovasis kantri, kamapim ol kaikai we kantri i ken yusim na i no inap long baim long ovasis, givim moa wok na mani long ol rurel pipel bai ol i gat gutpela sindaun na stap amamas, na tu strongim ikonmi bilong Papua Niugini.

10. SENISIM PLANTI OVASIS KAIKAI EM PNG SAVE BAIM

Wanpela bikpela eria o hevi em NARI bai lukluk long stretim em long kamapim inap saveman o samting bilong kamapim ol narapela krop, we i ken resis wantaim ol ovasis prodak. Na dispela i ken senisim ol prodak bilong ovasis, na tu kantri i ken salim ol dispela prodak long ovasis. Sampela eksampel bilong ol krop ya em rais, grein, ol prut, vegetebels, spais, mit bilong sip na goat, kainkain krop i gat wel long en, na sampela moa.

- Nau yet Papua Niugini save baim planti kaikai i kam long ol ovasis kantri. Mani em i save tromoi long baim ol dispela ovasis kaikai em K400 milien

long olgeta yia. Mak bilong dispela mani i go antap pinis long 10-pela yia i go pinis. Long 10-pela yia i go pinis, PNG i no lusim bikpela mani tumas long ol kaikai bilong ovasis. Tude mak bilong mani PNG tromoi long ovasis kantri i go antap tru. Na dispela em bikpela samting Gavman i no laikim.

- Bikpela samting mipela i wari long en em mipela i kisim mani bilong ol arapela sekta long baim plan-ti kaikai yet long ol ovasis kantri. Mipela i no tromoi moa mani long kamapim ol dispela kain kaikai em PNG piepl yet i ken i ken kamapim. Na kantri bai i no inap wari long baim ol dispela kaikai long ova-sis. Na tu lukluk long mekim ol dispela kaikai i kamap nambawan, we i ken resis egensim ol dis-pela ovasis kaikai. Dispela bai helpim kantri long sevim mani. Na mani i ken go long kamapim ol ara-pela wok developmen.

- NARI bai lukluk long ol dispela samting long wok bilong ol kaikai em pipel i ken kaikai (fud krop), na tu bilogn salim na kisim mani (kes krop). Ol dispela wok i no inap long mekim tasol kantri i kamapim moa kaikai, tasol bai senisim tu planti kaikai em PNG save impotim o baim i kam long ol ovasis kantri olsem Japan na Ostrelia. Dispela bai helpim kantri long kisim moa mani i kam insait long kantri.

11. DEVELOPIM FUD KROP NA KES KROP

Narapela bikpela eria em NARI bai wokhat long lukluk tu em long riset long ol agrikalsa prodak, we mipela i ken developim moa long hia. Dispela i ken kamapim moa wok long ol pipel, na bringim moa mani i kam insait long kantri.

12. LUKAUTIM OL RISOSES

NARI bai no inap lukluk long developim ol krop na laipstok o enimel tasol, em bai gat pawa tu long lukluk tu long ol risoses bilong Papua Niugini em i yusim long wok agrikalsa olsem bus, graun na sol-wara, ol pipel, wara, lait bilong san, na sampela moa. NARI bai wok long painim gutpela rot long yusim ol dispela risoses long developmen bilong Papua Niugini long wok agrikalsa na ikonmik.

13. STRONGIM WOK LONG FAM

Narapela bikpela eria em PNG Gavman i no bin lukluk long developim long bipo i kam inap nau em liklik wok agrikalsa em wanwan manmeri, famili o grup i save wokim o karimaut. NARI bai wokhat long painimaut sampela rot bilong developim ol dis-pela kain wok agrikalsa, na mekim kamap bikpela.

14. WELFEA BILONG OL MERI NA PIKININI

Wantaim ol gutpela saveman, savemeri, ripot, riset na samting bilong wok, bai gat gutpela lukluk nau long sindaun na laip bilong ol meri na pikinini, em longpela taim PNG Gavman i no bin luksave long longpela taim bihain. Na ol meri pikinini bai stap insait long wok developmen bilong Papua Niugini.

15. WOK LONG OL TRANGU ERIA

NARI bai wok long ol gutpela eria we developmen i ken kamap, na tu long ol eria we wok developmen i mas kamap long helpim ol trangu pipel long dispela eria.

16. TEKNIKEL SEVIS

NARI bai wok o givim sevis na painimaut long sik bilong ol plen na abus, ol binatang em i save kaikai na bagarapim ol plen, sekim ol graun na kainkain plen, na ol arapela agrikalsa wok long developim agrikalsa wok insait long kantri Papua Niugini.

17. BASET BILONG NARI

NARI bai nidim K10 milien long karimaut wok bilong em logn wanwan yia. Dispela em long namba wan 5-pela yia, we bai nidim K50 milien olgeta. Long namba wan 5-pela yia, NARI bai sanapim gut opis na wok bilong em wantaim ol masin na wokman meri bilong karimaut riset wok, kisim oi wokman meri, na sampela moa.

Gros Domestik Prodak (GDP) bilong Papua Niugini em K1.3 bilien. Planti bilong dispela mani i kam long ol wok agrikalsa na laipstok. Na dispela kos bilong NARI em 0.7 pesen tasol bilong GDP. Olsem na 1 o 2 pesen bilong GDP i go long NARI, mi lukim olsem i nogat rong long dispela.

18. NESENEL AGRIKALSA RISETS POLISI

NARI bai glasim wok riset bilong wanwan sekta na bai givim ripot i go long Nesenel Gavman, husat bai glasim na givim mani na wokman meri wantaim ol masin samting bilong mekim wok.

III. GUTPELA RISETS EM BIKPELA SAMTING

Mi gat strongpela bilip olsem sapos i gat gutpela riset o wok painimaut long wok agrikalsa, dispela bai helpim developmen na gro bilong ikonomi long ol yangpela kantri olsem Papy Niugini. Bikos:

1. Long Papua Niugini, agrikalsa developmen o sapos wok agrikalsa i kamap gut, dispela i ken helpim long nesenel developmen bilong kantri. Na tu i ken givim gutpela nambawan sevis long planti pipel husat i savewok long ol fam long planim kes krop bilong salim na isim mani, gaden kaikai bilong salim na kisim mani na kaikai, na ol abus olsem pig na kau long fam.

Putim mani long wok painimaut o risets em i bikpela samting long longpela plen bilong ikonomik developmen long wanpela kantri. Risets i no inap long helpim wok agrikalsa tasol. Nogat. Risets i ken helpim tu ikonomi o bisnis wok bilong wanpela kantri. Na dispela em wanpela bikpela samting we i ken helpim kantri long kamapim moa prodak bilong kaikai long kantri yet, na tu long salim long ol ovasis kantri long kisim mani i kam insait long kantri.

2. Wok riset long agrikalsa em i gutpela rot bilong invesmentim mani long helpim kantri na ol pipel bilong em long bihain taim. Helpim ol risets wok i ken givim em long mak bilong 35 pesen o moa.

3. Ol gutpela na stretpela agrikalsa riset progrem we i bihainim gut plen, bai helpim ol fam long kamapim ol gutpela abus, kes krop o krop bilong kaikai. Na dispela em i bikpela samting long wok agrikalsa na developmen.

4. Gutpela strongpela agrikalsa risets progrem long Papua Niugini bai helpim long nesenel devel-opmen gol o plen long:

(a) kamapim moa kaikai, abus na ol arapela agrikalsa prodak, bai gat sain bilong kantri i kamapim moa kaikai, na i no namba bilong pipel tasol i gro;

(b) moa pipel long ruel eria bai gat sans long wok agrikalsa, planti pipel long ol ruel eria bai stap insait long wok agrikalsa long kisim liklik mani;

(c) em bai helpim long daunim ol hevi we i kamap bikos long agrikalsa developmen olsem long laip na sindaun bilong ol pipel, na bus graun wantaim sol-wara na wail laip;

(d) bai strongim as bilong kantri long gro long bihain taim.

IV. OL BIKPELA WOK BILONG NARI

(a) Kamapim na strongim ol stretpela rot bilong wok agrikalsa, na kisim na givim stretpela ripot o infomesen long strongim kantri long kamapim inap kaikai, kes krop na abus bilong em yet, bringim moa mani i kam insait long kantri, helpim kamapim gut laip na sindaun bilong ol pipel long ruel eria na wanwan komyuniti;

(b) Developim na promotim we bilong wok agrikalsa, stretim na salim kaikai, kes krop bilong

kisim mani, na abus bilong kaikai na salim;

(c) Lukautim ol kainkain risoses em mipela i gat long sait bilong kaikai na wok agrikalsa, na strongim o kamapim bikpela pasin bilong yusim ol dispela kaikai na wok agrikalsa;

(d) Long kamapim gutpela na stretpela ripot long ol samting i stap long graun bilong mipela, na givim tingting long gutpela na stretpela we bilong yusim ol dispela samting i stap long graun bilong mipela;

(e) Painim ol gutpela we long daunim hevi em ol smolholda fam i bungim, na kamap wantaim ol gut-pela aidia long developim smolholda faming;

(f) Givim moa ripot long agrikalsa sevis, ekstensen sevis sapot na arapela teknikel helpim i go long agrikalsa sekta o wok;

(g) Givim moa luksave long ol eria long wok agrikalsa em riset wok i no kamap bipo, na develop-im smolholda agrikalsa insait long Papua Niugini; na


(h) Kamapim nesenel agrikalsa riset polisi, painimaut long ol namba wan eria bilong mekim wok risets, na tu ol hap we moa mani i mas go long wok risets, na givim aidia long Minista na Nesenel Eksekutiv Kaunsil long ol dispela samting.

V. PLEN BILONG NARI

Institut bai kamap long Janueri 1997, na bai kisim 5-pela yia olgeta inap Desemba 2001. Ol namba wan risets na developmen progrem i go kamap long senis long wok agrikalsa bai stat bihain long namba wan yia bilong NARI developmen o opis i kamap. Sampela bikpela wok em long makim Interim NARI Implementesen Tim, kamapim Institut Kaunsil, makim Teknikel Edvaisori Komiti, makim wanwan baset o mani plen, na sampela moa, bai kamap bipo long developmen wok i stat long Janueri 1997.

VI. LAS TOKTOK

Kamap bilong NARI, long dispela taim we developmen bilong Papua Niugini i no go stret, em i bikpela senis we bai helpim long kamapim bikpela senis long laip na sindaun bilong ol pipel long ruel eria - em mipela i no luksave long longpela taim i kam inap nau, na tu long kamapim gutpela ikonomi na laip na sindaun insait long Papua Niugini.



DAVID G. MAI, MP
MINISTA BILONG AGRIKALSA
NA LAIPSTOK

Ol klap lusim poin

MOSBI SOKA

SAMPELA soka klap long Mosbi bai pilaim tupela gem o pilaim dabol gem long pinisim gem bilong ol hariap. Presiden bilong Mosbi Soka Asosiesen (PMSA) Mark Kelep i tok.

I gat luksave olsem ol tim insait long primia, divisen 1 na divisen 2 i gat planti gem i stap yet long pinisim. Dispela tripela divisen tu i gat 14 tim olgeta olsem na ol i gat planti gem long pilai. Na tu sampela tim i bin bungim hevi o arapela hevi i kamap na stopim gem bilong ol. Olsem na PMSA i traim nau long bungim ol dispela pilai long ol klap ya i mas pinisim gem bilong ol.

Kelep i tok PMSA i laik pinisim olgeta pilai long mun Oktoba olsem na ol i laik kamapim dispela kain rot. Long dispela as nau, bai sampela tim i pilaim tupela gem long wanpela wiken o namel long wik.

Narapela hevi tu i stap yet long han blong PMSA long dispela taim em long ol sampela klap i no baim yet ol pilaia rejistresen fi bilong ol.


Long dispela as, PMSA i wok iong rausim ol poin long skoa bilong ol maski ol i winim gem bilong ol long wiken.

Sampela bilong ol dispela klap em; Blue Kumuls, GFC, Rapatona, PS Rutz, Suniam, Momase na Hoods long primia long divisen.

Kelep i tok sampela bikpela klap i baim pinis ol pilaia rejistresen fi bilong ol primia pilaia bilong ol. Tasol ol i no baim fi bilong ol risev gret o ol meri bilong ol. Olsem na dispela hevi bai i go antap long klap olgeta bikos ol i mas baim fi olsem klap na i no wanwan divisen insait long klap, Kelep i tok.

Long divisen 1 em Kumunimdo, Normads, Murat na Keweh. Keweh i tok em bai baim hap fi bilong em long dispela wik tasol nem bilong em i stap long lista wantaim ol arapela klap ya.

Long divisen 2 em; Kutu, Half Way Haus na Maiam. Dispela em ol klap we o i gat wanpela tim



• Soka tim bilong ol manki Pitulu i kisim trening wantaim Scot Vavine, kodineta bilong Trukai Yut Spot program long Manus.

tasol long baim ol fi bilong ol pilaia bilong ol.

Kelep i tok dispela i no gutpela long ol bosman bilong klap i larim dispela kain hevi i kamap na stap longpela taim na givim hevi long ol pilaia bilong ol.

Olgeta klap i mas kamapim sampela kain rot bilong painim o pulim mani bilong baim ol dispela fi bilong ol pilaia bilong ol, em i tok. Dispela i soim olsem ol klap i no stretim ol yet gut olsem na dispela kain hevi i save kamap.

Kelep i tok long neks ya bai olgeta klap i mas baim olgeta klap afiliesen fi, tim nominesen fi na pilaia rejistresen fi i go pas long ol i ken pilai. Dispela em lo bilong FIFA tasol mipela i save slek bikos mipela i laik larim pilai i go het.

Long bikpela bung bilong PMSA long mun Novemba, (AGM) bai eksekutiv bilong PMSA i tokaut long dispela senis

na ol samting we PMSA bai putim kamap long neks ya. Em i ting olgeta lain i ken kisim gut toksave long dispela miting na mekim gut samting long neks ya.

Kelep i tok olgeta klap bosman na pilaia i mas wok hat long ronim gut klap bilong ol.

Em i tok noken tingting tasol long holim wokaton bilong pulim mani. I gat arapela rot olsem klimim arere long haus, stua, haus sik na planti arapela moa. Dispela em gutpela rot bilong pulim mani na i no bilong wokabout o wokaton tasol.

PMSA i stap nau long namba tu raun bilong soka resis bilong em long las wiken. Dispela wiken em bai namba tu gem bilong namba tu raun.

Ol klap husat i no inap baim yet ol dispela pilaia rejistresen bilong ol, bai i go het yet long lusim poin bilong ol.

Asosiesen mas sanapim developmen program

OLGETA soka asosiesen insait long kantri i mas i gat developmen skwat bilong ol yet. Sapos olgeta asosiesen i gat developmen skwat bilong ol long man na meri, bai ol i ken i gat gutpela plen bilong developim soka insait long lokel asosiesen bilong ol wantaim.

Long i gat developmen skwat em bikpela samting insait long olgeta spot bikos dispela skwat bai olgeta taim i wok long groa na senis. Dispela skwat bai kamap strong bihain na kisim ples bilong ol opela lain husat i no moa strong o fit long pilai.

Developmen skwat em i as bilong asosiesen i groa long stended bilong pilai na tu long edministresen wok bilong em. Wanem kain senis i wok long kamap long dispela developmen skwat bai soim tu senis we asosiesen i wok long go long en tu.

Mama bodi bilong PNG soka (PNGFA) i no kamapim gut wanpela developmen skwat bilong em yet.

Olgeta ya em save makim ol skwat memba long ol bikpela nesene tonamen bilong ol meri, junia na sinai man. Na olgeta ya ol dispela pilaia i save senis. Wanpela ya, ol pilaia i gat sans long makim PNG na i go pilai long ovasis. Taim ol i kam bek, PNGFA bai makim ol nupela pilaia gen long narapela ya.

Dispela i soim tru olsem i no gat wanpela gutpela klia piksa o rot bilong soka i develop insait long en. Olgeta ya em ol faul skwat tasol wantaim ol kain kain nupela gem plen na trening. Long dispela as, ol pilaia i save pilai bihainim stail, strong na save bilong wanwan (skills).

Trening tu i no save bihainim step i go antap. Ol trening em kain kain na nupela nabaut we i save kamapim kain kain soka stail insait long mipela. Olsem na skwat bilong mipela i save gat kain kain stail bilong pilai na i no save bihainim wanpela gem plen stret. Dispela hevi i kamap bikos long hevi bilong i nogat gutpela developmen skwat.

Arapela samting tu bai develop

Sapos i gat developmen skwat, bai i gat developmen bilong trening, developmen bilong ol kosa, developmen bilong ol referi na pilai tu bai senis na kamap gutpela moa.

Sapos mipela i ken lukim nau long soka tim bilong Nigeria, Afrika insait long Olimpik Gem dispela mun, yumi olgeta i kirap nogut long harim o lukim olsem Nigeria i autim tiket bilong Brazil na Argentina. Brazil na Argentina em tupela biknem kantri long wol long pilai soka. Tupela i gat



nem long pilai insait long Wol Kap soka resis na winim ol Wol Kap gem. Tasol nau yumi harim olsem Nigeria i autim Brazil long semi final na Argentina long gren final. Dispela skwat bilong Nigeria em ol yangpela man tasol. Na dispela em i soim piksa bilong developmen ol i gat long soka. Dispela ol yangpela manki i bin pilai wantaim long junia level na bihainim developmen program bilong ol i kam antap. Ol i autim tupela bikpela kantri ya bihainim soka stail bilong ol yet. Planti manmeri i kirap nogut long lukim stail bilong ol manki Afrika tu long dispela taim.

Narapela kantri tu long Afrika olsem Ghana i gat dispela kain sistem bilong ol yangpela i stap wantaim long tim i go inap ol i kamap long mak bilong sinia level na kisim ples bilong ol sinia lain.

Statim long asosiesen level

Long Papua Niugini, mipela tu i ken mekim olsem. Tasol sapos PNGFA i ting olsem dispela i gat planti hevi long rot bilong bungim olgeta pilaia wantaim long trening samting, orait mipela i mas stat long wan wan asosiesen bilong mipela yet. Makim developmen skwat bilong wanwan asosiesen we ol bai i ken stap wantaim long 4-pela o 5-pela krismas samting. Ol bai inap long kamap wanpela strongpela tim bihainim taim ol i kamap long sinia level na makim asosiesen bilong ol long kik insait long nesene tonamen insait long kantri bilong mipela yet.

Sapos wanwan asosiesen i mekim olsem, bai dispela inap helpim PNGFA long kamapim sampela gutpela plen bilong bungim ol yangpela insait long wanpela program olsem ol asosiesen i statim.

Narapela salens nau i stap long han bilong PNGFA em long painim wanpela spona bilong lukautim dispela kain developmen program bilong em. Sapos mipela i gat developmen program i stap, bai spona i amamas long givim sapot bikos dispela program bai karim nem bilong spona i go antap bihainim groa bilong dispela program.

Rot i stap tasol yumi yet i no lukluk gut na traim mekim. Bungim tingting, wok bung wantaim anit long wanpela interes bai samting i kamap gut.

Asiawe na Guria bai pait long posisen

LAHI SOKA

LAHI soka resis long Lae dispela wiken bai paia stret taim Guria na Asiawe i bung long Sir Ignatius Kilage stedum. Asiawe bai pait strong long winim dispela gem na traim abrusim Sobou, husat i stap namba wan long lata. Asiawe i sanap namba tu wantaim 38 poin na Sobou long 40 poin.

Dispela bai wanpela bikpela na strongpela gem bikos Asiawe bai tingting long apim skoa bilong em i go antap na tu Guria bai tingting long apim skoa bilong em i go klostu long lek bilong Asiawe. Guria i gat 33 poin nau.

Guria na Asiawe i gat ol gutpela pilaia we ol i save makim Lahi long ol nesene sempionsip. Ol dispela pilaia i gat planti eksperiens long kain bikpela salens olsem. Olsem na bai dispela pilai bai i strong na tu bai planti gutpela stail na kik bai kamap long ol dispela yangpela.

Long banis bilong Asiawe, Eli Memelong na Nasa Semi bai sanap long beksait long rausim ol strongpela ron bilong Chris Kataka na Joe Joseph bilong Guria.

Tasol Nasa na Bobby i mas wok strong long difens na tu kalap strong long rausim ol antap bal bikos Chris Kataka em longpela man na em inap winim bal na salim

i go pas long umben bilong Asiawe. Chris na Joe i gat gutpela wok bung wantaim olsem na tupela inap kamapim bikpela birua long banis bilong Asiawe. Tasol tupela fulbek bilong Asiawe i no rupela man long dispela kain salens Guria bai givim tupela.

Midfil pilaia bilong tupela tim wantaim bai wok hat tru long pait na winim bal na traim long skelim long wanwan seksen bilong pilai graun we ol pilaia bilong ol i ron long en.

Asiawe i gat midfil pilaia olsem Elwin Nema na Songe husat bai givim bikpela salens long David Panap na Chris Nagai bilong Guria. Elwin, Chris na David em ol tripela skwat pilaia bilong Lahi long las ya. Olsem na tripela i gat strongpela eksperiens long givim salens long ol yet namel long winim bal. Win bilong Guria na Asiawe bai inap kamap sapos ol dispela midfil pilaia i lukluk gut na pilai wantaim gutpela tingting bilong winim bal na skelim long ol fowet long rait taim we ol sans inap kamap long en.

Beklain bilong Guria em Kelly

Jim na Philemon Nagai na tupela bai kisim bikpela mekimsave na hat taim bilong Pama Anio na Ephraem Tribian bilong Asiawe. Pama em wanpela strongpela fowet na em bai givim planti salens tru long tupela fulbek bilong Guria. Sapos tupela Guria fulbek i no was gut o sanap strong long difens bilong tupela, bai Asiawe inap mekim nois long umben bilong Guria long dispela wiken.

Asiawe long dispela taim i gat olsem foapele gem i stap yet long pinisim. Olsem na sapos em i pilai strong na winim olgeta dispela foapele gem, bai em i ken kamap lida bilong Lahi soka resis na kamap olsem maina primia bilong Lahi long dispela ya.

Guria i stap namba tri long poin lata wantaim 33 poin. Na sapos em i winim dispela gem egens Asiawe bai skoa bilong em i go antap long 36 we em bai stap yet namba tri ples wantaim tupela poin tasol anit long Asiawe. Tasol Guria i gat olsem tripela gem i stap yet long pinisim na em i mas pait strong long winim dispela gem. Sapos em i ken winim dispela inap apim em i go antap long namba wan o namba tu ples. Dispela em sapos Sobou na Asiawe i lusim ol tripela gem bilong em.



• Kas bilong Difens (No 5) i laik stopim bal tasol birua bilong Momase i kamap pinis. Dispela em primia resis long Mosbi. Tupela dro 1-1.

PNGSF tok PNGSC holim K200,000 bilong em

SEKETERI Jenerel bilong PNG Spot Federesen John Dawanincura i askim gavman long rausim bos bilong PNG Spöt Komisin John Kambuou long skelim mani long arapela wok we i no gat nem long kisim helpim mani.

Dawanincura insait long wanpela ripot pepa bilong em i tok Mista Kambuou i mas kisim mekimsave olsem ol memba bilong palamen o pablik sevan aninit long tidasp lo sapos ol i painim em i asua long skelim mani nabaut.

Dawanincura i mekim dispela toktok long bekim ripot bilong John Kambuou long niuspepa olsem PNG Spot Federesen i no bin skelim ol mani na soim ripot bilong mani i go long we stat long 1993 i kam. Em i tok long ol mani we PNG Spot Federesen i save kisim olsem fans i kam long gav-

...Dawanincura bekim Kambuou ripot

man o ol spona i kam long ol bisnis kampani.

Long dispela wik John Dawanincura i bekim ol dispela toktok bilong John Kambuou olsem dispela olgeta toktok i no tru. Bikos olgeta yia, Odita grup Peak Marwick i save wokim odita ripot bilong ol long wanem eria ol i save tromoi mani long en na ol i yusim mani olsem wanem long wanwan yia. Dispela ripot ol i save givim i go bek long ol ministra na palamen na tu ripot ya ol i save givim i go long ol kampani husat i save givim spona long PNGSF, em i tok.

Dawanincura i tok i nogat wanpela samting i hait long wok bilong

PNGSF na ol i gat olgeta ripot na rekot bilong soim.

Tasol Dawanincura i salensim John Kambuou long givim K200,000 we PNG Spot Komisin i holim yet na i no givim ol yet.

Em i tok dispela em mani we Praim Minista Sir Julius Chan i promis long givim K300,000 long PNGSF. Tasol long nau yet, PNGSF i bin kisim tasol K50,000. Olsem na em i askim John Kambuou long givim PNGSF dispela mani bai ol i ken stretim K50,000 dinau ol i gat long Olimpik Gem long Atlanta las mun.

Em i tok tu olsem PNGSC i mas givim ol narapela K200,000 bilong ol tu bikos ol i gat arapela develop-

men program wantaim ol skwat bilong bihain long redim tim bilong Mini Gems long 1998 long Kuala Lumpur.

Bihain long dispela, bai ol i mas redim skwat bilong go pilai long Olimpik Gems long Sidni, Australia long yia 2,000.

Dawanincura i tok long lukluk na save bilong em nau, ol kain spot olsem boksen, wetlifting, etletik, swim, suting, soka, judo na sofbal bilong ol meri em ol kain pilai we ol pilaia i mas redim ol yet foapela krismas nau. Bikos dispela em ol spot bilong Olimpik long yia 2,000.

Bikos long hevi bilong mani, bai mi askim Praim Minista yet long sampela moa helpim long redim ol

dispela spot long Olimpik Gems, Dawanincura i tok. Long sevim mani long opis bilong em tu, em i tokaut olsem em i lukluk long rausim sampela wokman bilong em long sevim mani bikos opis bilong PNGSF i wok long bungim hevi long mani nau.

Seketeri Jenerel bilong PNGSF i tok em i no amamas long pasin ol niuspepa i mekim long i no kisim stori bilong em long bekim dispela ripot bilong John Kambuou olsem PNGSF i no bin soim ripot bilong ol mani long 1993 i kam. Bikos em i gat bekim bilong dispela kain ripot tasol ol niuspepa lain i no bin askim em long mekim ripot bilong em. Em i tok dispela kain wansait ripot inap bagarapim tingting bilong gavman na ol pablik manmeri we ol bai tingting nogut olgeta long PNGSF.

Watut basketbal resis pulim bikpela laik

ARI GUH DANDEE i raitim

WANPELA bikpela basketbal tonamen i bin kamap long ples Hikiawa insait long Watut lokol gavman kaunsil eria long Bulolo Distrik, Morobe provins. Dispela tonamen bin bringim kamap 20 basketbal tim bilong ol man na 12-pela tim bilong ol meri.

Dispela tonamen i bin stap inap olsem wanpela wik olgeta na i bin stap aninit long lukaut bilong distrik spots kodineta bilong Wau, Gutu Kawa wantaim ol referi bilong en, stat long Tunde namba 30 de i go inap long Sarere namba 3 de bilong las mun na stat bilong dispela mun.

Long lukluk bilong Mista Kawa, em i tok ol pipel bilong Watut i gat bikpela laik tru long pilaim ol kain spot olsem we i save bungim olgeta yet long kamap na stap wantaim na pilai na amamasim olgeta we i gutpela tru.

Em i tok Watut pipel i bin holim kamap planti ol kain spot tonamen olsem we i em i lukim olsem ol i save pilai gut tru na i no save i gat sampela kain ol trabel i stap namel long ol pilai bilong ol. Dispela i soim olsem ol i gat laik long spots na ol tu i save spot em i gutpela samting tru, bilong harim na bungim olgeta Watut pipel insait long dispela tonamen.

Ol tims i bin kam olsem long hap bilong Wau, Bulolo, na Aseki na ol asples inait long Watut yet.

Ol tim i bin kamap gut na kisim ol prais em long ol Mari Koka hits husat i bin kamap namba wan long resis bilong ol man na kisim K200. Kes prais mani, A.N bilong Watut i kamap namba 2 wantaim K150, Oka bilong Watut i kamap namba 3 na kisim K100 na namba 4 prais i go long QBC bilong Watut yet.

Long resis bilong ol meri, Kuta bilong ples Pararoa i kamap namba 1 na kisim K100, Waimex i kamap namba 2 wantaim K80, Inaiga i kamap namba 3 wantaim K60 na Wandapari i kam namab 4 wantaim K40 prais mani.



• Trukai Spot Program i kisim ol Manus manmeri namba wan taim long dispela yia. Dispela em wanpela trening program long Lorengau.

Trukai spot program bungim Manus yut

MOA long 30 yut lida i bin pinisim tupela wik kos long Yut Spot Lidasip long provinsal hetkwota bilong Manus provins las mun.

Manus i kamap namba wan provins long kisim dispela Trukai Yut Spot program long dispela yia. Arapela provins long kisim dispela program bai Oro, Enga na Nu Ailan provins long dispela yia yet.

Dispela program i ron inap tupela krismas nau na em i olsem wanpela bikpela program bilong PNG Spot Komisin. Dispela program i bin kisim bikpela helpim o spona long Trukai Industri long las yia na mekim program ya i karamapim pinis 7-pela provins. Ol provins ya em; NCD, Westen Hailans, Wes Nu Briten, Goroka, Lae na Sandaun provins.

Long Lorengau taun, ol manmeri i kam long olgeta hap bilong Manus provins long bung insait long dispela Trukai Yut Spot program. Provinsal Spot opis long Lorengau tu i bin helpim long kamapim rot bilong ol manmeri i kam long kos ya.

Nesenel kodineta bilong dispela program, Scot Vavine i tokaut olsem i amamas tru long dispela program long Manus provins bikos ol manmeri husat i kamap tu i soim bikpela laik na interes tru long stap insait long dispela spot program. Ol man-

meri husat i kamap long kos ya i save wok tu insait long ol wanwan komyuniti wok long hap bilong ol yet. Planti bilong ol manmeri ya i save wok insait moa long sait bilong spot. I bin i gat inap taim tu long ol manmeri ya i sindaung long bung na toktok long hevi bilong spot insait long provins na wanem as ol wok bilong spot i no save kamap gut long ol. Insait long dispela bung, ol i painim tingting na rot bilong stretim ol dispela hevi long bihain long larim wok bilong spot i mas kamap gut gen long provins.

Spot menesmen i bin givim bikpela taim moa long lukluk insait long ol dispela hevi we ol manmeri i bin autim long hevi ol i gat. Ol manmeri i tokaut stret olsem bikpela hevi ol i gat long provins long wok bilong spot em long sait bilong gutpela menesmen long wok bilong spot. Ol i tokaut olsem spot i save kamap gut tasol i no save pinis gut. Dispela em bikos pait i save kamap na bagarapim pilai o ol komiti bilong pilai i save paulim mani na wok bilong spot na ol pilai i no save gut tumas, ol i tok.

Vavine i tok dispela olgeta hevi i go daun gen long as tingting we i nogat gutpela save long spot menesmen.

Ol dispela 36 manmeri husat i bin kamap long kos ya i kisim

toksave long traim wok klostu wantaim sois na yusim program bilong sios insait long olgeta komyuniti bilong ol.

Vavine i tok ol sios i bin kamap na stap long bipo na i gat gutpela netwok o han wok bilong kain program olsem i bihainim.

Em i tok spot i mas sanap bilong em yet aninit long ol wok bilong em. Tasolem i mas joinim han wantaim wok bilong sios, ol mama na meri na yut grup long daunim ol hevi olsem bikhet pasin insait long komyuniti.

Vavine i tok spot em wanpela bikpela na strongpela samting, em i mas i gat gutpela menesmen o save bilong ronim spot long gras rut level. Olgeta manmeri insait long ol ples i mas kisim tu dispela amamas bilong pilai spot insait long komyuniti spot.

Trukai Industri, kampani bilong wokim rais i amamasim dispela program wantaim ol samting bilong yusim long pilai spot olsem 40 soka bal, 40 volibal, 40 netbal na 40 volibal.

Ol i skelim gut ol dispela bal na samting bilong yusim long pilai namel long olgeta konstituensi insait long Manus provins. Ol bai kisim ol dispela samting i go bek long komyuniti bilong ol na yusim long ol program o wok bilong spot we ol inap kamapim.

Soka skwat kisim bikpela sapot

BIKPELA sapot na helpim tru i bin pundaun antap long ol PNG soka trening skwat long namba wan trening kem las mun long Lae.

PNG trening skwat i bin holim trening bilong ol long graun bilong Yunivesiti ov Teknoloji long Lae.

Wanpela olpela pilaia i tok dispela kain helpim ol i kisim i bikpela samting tru. Long bipo insait long ol kain trening program olsem, ol i no save kisim kain helpim o sapot olsem. Em i tok dispela em i wanpela bikpela sapot tru long PNG tim long dispela yia na dispela i apim tru bel bilong ol pilaia husat i bin stap long PNG tim planti taim i kam. Bikos ol i no save kisim kain sapot olsem long bipo.


Vais Sansela bilong Yunitek, Misty Baloiloi i bin sanap wantaim dispela trening skwat long ol kain helpim we Yunitek i ken givim. Skul i helpim long givim ol haus bilong slip, ples bilong kaikai, pilai graun bilong trening na arapela sapot moa.

Mista Baloiloi yet i bin kisim tu olgeta pilaia ya i go long haus bilong em long wanpela bikpela kaikai. Long dispela kaikai, Mista Baloiloi i bin tokim ol dispela pilaia olsem ol i redim dispela kaikai long ausait we olgeta pilaia bai sanap long gras na kaikai. Ol i mas sanap long gras na kaikai na pilaim gras long lek bilong ol. Bikos ol bai pilai soka antap long gras na i no antap long kusin floa. PNG trening skwat bai bung gen long 17 Ogas long narapela trening kem bilong ol gen. Dispela trening kem bai kamap long 17 Ogas na pinis long 21 Ogas.

Ripot i tokaut i tokaut tu olsem sampela pilaia bilong ol arapela senta i no bin kamap long trening kem ya. Ol pilaia i kamap em long Mosbi, Lae, Lahi na Madang tasol. Long Madang em Victor Carson tasol husat i save pilaim golkipa bilong PNG tim long bipo. Nesenel kosa Richard Nagai bilong Lae i no tokaut yet long wanem taim em bai makim fainal 20 pilaia bilong skwat. Tasol i gat luksave olsem bai i gat namba tri trening kem istap yet long mun Septemba we kosa i ken mekim dispela.

Long nau yet i gat olsem 25 pilaia samting long dispela trening kem. Bihain taim Nesenel kosa i makim fainal 20 pilaia long dispela lain pilaia. Gavman bisnis han, Mineral Risos Developmen Kopresen (MRDC) i sanap olsem bikpela spona bilong PNG tim long dispela yia. MRDC i givim olsem K70,000 i go long nesenel bodi (PNGFA) long lukautim dispela soka tim bilong ol man husat bai pilai insait long Melanesian Kap tonamen long neks mun. Dispela tonamen tu bai PNG tim i pilai long winim sans bilong kik insait long Wol Kap soka resis.

Tim bilong ol man bai yusim olsem K50,000 long dispela sponsasip bilong MRDC. Bai wanwan pilaia i kisim spot trais na snot, su bilong trening na soka su tu wantaim. Dispela olgeta samting i stap aninit long dispela sponsasip. Narapela K20,000 bai i go long ol meri bilong PNG husat bai i go kik long Tonga long mun Oktoba insait long Polinesia Kap tonamen.



Ragbi Lig Nius



Mosbi lig go insait long ol fainels

. . . Paga bai kisim maina primiasip taitel . . .

RODNEY KAMUS i raitim

POT MOSBI ragbi lig resis i go insait long laspela raun bilong ol long pilai long dispela wik stat long tete long nait(Fonde) taim Royals na Post Puma bai painim husat tim tru bai kisim namba 5 ples long poin lata.

Nau yet, Pot Mosbi Ragbi Lig poin lata i sanap olsem, Paga Panthers i go pas na i

gat bikpela sans long kisim maina primiasip taitel, bihain long Paga em West, Defence na tupela tim ya Royals na Post Puma bai painim namba 4 na namba 5 ples bilong resis:

Bihain long Mosbi lig wantaim ol Vipers i pinis long resis bilogn Kwinslen ragbi lig, planti ol pilaia i kam bek long resis bilong ol yet.

Long sait bilogn Defence, Kera Ngaffin, Luke Waldiat, Julius Krewanty na ol nara-

pela pilaia i kam bek long kisim ol i go antap.

Long wankain taim tu, Tuksy Karu bilong West i kam bek. Karu em i olpela Kumul faiv-eit na tu em i stap olsem Vipers na kambek bilong em bai lukim ol West i ken kisim sans long grenfainel.

Long nau nait, Post Puma bai bungim Royals na dispela em bai painim husat, i kisim namba 5 ples.

Bihainim dispela pilai, long Sande bai tupela i traim bun gen. Lusa bilong dispela pilai bai tok gutbai long 1996 lig sisen na wina bai go het yet long pilai.

West bai bungim Defence long bikpela pilai bilong apinun. Wina bilong West na Defence bai surik i go antap long poin lata na bungim Paga Panthers long mesa semi fainel taim lusa bai surik i go daun na bungim wina bilogn West na Royals.



Nogat Sans nau! . . . Wanpela Magani pilaia i nogat sans long bungim difens bilong Royals. Magani i nogat sans long stap long ol fainels tasol Royals i gat. Nau long nait (Fonde) ol Royals bai bungim ol Post Puma na bai ol i painim husat bai kisim namba 5 ples long Mosbi ragbi lig resis.

- Pointas -

• pes 2 - Post Puma na Royals bai pait • pes 4 - Westley na Wiki nogat sas • pes 6 - Ol dro



Trai bilong Sitan helpim Eagles long win

ROBERT BOMA i raitim

OL MT HAGEN Eagles i mekim wanpela gutpela win tru na opim rot bilong ol long go long ol fainels bihain long ol i winim ol Lae Bombers 17-14 long fran bilong planti sapota tru long Rebiyamul pilai graun long las wik Sande. Eagles i lusim planti gutpela pilai bilong ollong ol wiken i go pinis tasol dispela win bilong ol egensim primia tim Lae Bombers i kisim sapot bilong ol bek.

Pilai ya i bin ron gut tru stret long wanem tupela senta ya wantaim i gat nem long pilai strongpela futbal. Long stat bilong pilai ya tupela tim wantaim i kamautim olgeta kain save na stail ol i gat long em. Tasol ol Eagles i givim tupela penelti long ol Bombers na olpela Lahanis na Kumul fulbek David Buko husat i pilai nau wantaim ol Bombers i apim flag i go antap na ol Bombers i go pas long 4-0.

Taim ol Eagles i lukim dispela ol i pilai gut tru na salim Peter Siune i go insait long namba wan trai bilong dispela pilai. Konvesen tu i go insait na ol Eagles i go pas long 6-0.

Wantaim 8-pela minit tasol i stap bipo long namba wan hap bilong pilai i pinis, David Gomia i putim wanpela bikpela kik i go antap na fulbek bilong ol Bombers Robert Sio i kisim na mekim wanpela strongpela 70 mita ron olgeta bihain logn em i pasim i go long Buko husat i silip aninit stret long pos. Buko i kikim trai bilong em yet i go insait na ol Bombers i go pas long 10-6 long fes hap.

Insait long seken hap bilong pilai, tupela sait wantaim i no lusim wanpela i skoa liklik. Tasol ol Eagles i mekim wanpela gutpela beklain mov na winga James Kops i go silip antap long trai lain. Konvesen i go insait na ol Eagles i go pas gen long 12-10. Ol Bombers i salim winga bilong ol i go insait long skoa long kona. Kik i no go insait tasol ol Bombers i go pas gen long pilai long 14-12. Antaon Mal bilong ol Eagles i kikim wanpela fil gol long 40 mita maki na skoa i go antap 14-13 wantaim 8-pela minit bilong pilai i stap yet long klok.

Na taim i laik pinis nau, ol Eagles i mekim sampela strongpela ron i go insait long difens lain bilong ol Bombers. Dispela i mekim na ol i salim Chris Sitan i go insait long skoa wantaim wanpela minit tasol stap long klok na ol Eagles i winim dispela pilai.

Post Puma na Royals painim namba 5 ples

RODNEY KAMUS i raitim

POT MOSBI ragbi futbal lig resis i kamap pinis long ol fainels pilai bilong ol na nau long apinun (Fonde), tupela tim bilong A gret Post Puma na Royals bai pait long kisim namba 5- ples bilong stap insait long ol fainels.

Nau yet Paga Panthers i gat bikpela sans long kisim maina primiasip taitel bilong Mosbi ragbi lig. Tasol tupela tim ya Royals na Post Puma em planti bilong ol pilaia em ol mangi long yunivesiti, bai traim bun bilong ol wantaim ol Royals long kisim namba 5 ples na bai gat sans long pilai long ol fainels.

Nau yet, Paga Panthers i sindaun long namba wan ples, bihain long ol Paga em West, Defence na tupela tim wantaim ya bai pilai na painim husat tru bai kisim namba 5 ples bipo long ol fainels i kamap.

Long sait bilong ol Royals, ol i gat planti ol strongpela pilaia bilong ol long go egensim ol Post Puma. Kainolsem risev bek bilong ol Mosbi Vipers long Kwinslen Channel 9 kap resis Paul Komboi bai go pas gut tru long olgeta atek bilong Royals.

Long nau nait(Fonde) ol Post Puma tu bai pilaim wanpela strongpela pilai tru na lukim olsem husat tru bai kisim namba 5 ples na namba 4 ples.

Bihain long dispela pilai, em Mosbi lig bai go insait stret long ol fainels pilai.

Sapos tupela tim ya Post Puma na Royals i win o lus, tupela i gat sans yet

long wanem tupela bai pilai gen lon Sande.

Wina bilong dispela geim bai go insait yet long ol fainels na lusa bai aut olgeta. West na Defence bai pilaim wanpela

bikpela pilai tu long dispela wiken na husat tim i strong bai go long bungim Paga Panthers long narapela wik. Lusa bilong dispela geim bai bungim wina bilong Royals na Post Puma pilai.



Pilai namel long Royals na Paga las wiken long Mosbi lig resis.

JUST ONE HOUR A DAY IS ALL IT TAKES!

...And you can be ready for a new career, more money and a better life! ICS career training can prepare you for a new life in a career field you really enjoy. Just choose the program you're most interested in, fill out the coupon below, and mail it today. We'll send you, via AIRMAIL, FREE information about how you can train at home, in your spare time, IN JUST ONE HOUR A DAY!

It's easy! It's fun! And all of your lessons are written in plain, everyday English, to give you a fast start toward a better job, and a better life. You can even get your Associate Degree in Specialized Business or Technology! Send in the coupon for your FREE FACTS! There's no obligation, and you'll see how you can train for a new career in your spare time.

SEND FOR FREE FACTS TODAY—NO OBLIGATION



International Correspondence Schools, Dept. TTS96
PO BOX 1900, Scranton, PA 18501-1900 U.S.A.
World's Recognized Leader in Home-Study Training for More than 100 Years.

CAREER DIPLOMA PROGRAMS

ASSOCIATE IN SPECIALIZED BUSINESS DEGREE PROGRAMS

- 60 Business Management
- 61 Accounting
- 80 Business Management with option in Marketing
- 81 Business Management with option in Finance
- 64 Applied Computer Science
- 68 Hospitality Management

ASSOCIATE IN SPECIALIZED TECHNOLOGY DEGREE PROGRAMS

- 67 Electronics Technology
- 63 Civil Engineering Technology
- 62 Mechanical Engineering Technology
- 65 Electrical Engineering Technology
- 66 Industrial Engineering Technology

- 01 Computer Programming in BASIC
- 07 U.S. High School Diploma
- 02 Electronics
- 05 Hotel/Restaurant Management
- 13 Professional Secretary
- 35 Travel Agent
- 14 Air Conditioning & Refrigeration
- 32 Art
- 59 Catering/Gourmet Cooking
- 23 Medical Office Assistant
- 24 Dental Office Assistant
- 51 Fashion Merchandising
- 33 Motorcycle Repair
- 52 Surveying & Mapping
- 22 Wildlife/Forestry Conservation
- 47 Animal Care Specialist
- 89 Small Engine Repair
- 08 Legal Assistant
- 48 Computer-Assisted Bookkeeping
- 42 Dressmaking & Design
- 87 TV/VCR Repair
- 04 Auto Mechanics
- 12 Interior Decorating
- 18 Bookkeeping
- 06 Electrician
- 03 Child Day Care
- 38 PC Specialist
- 29 Police Sciences
- 10 Private Security Officer
- 55 Diesel Mechanics
- 94 Fitness & Nutrition
- 85 Drafting
- 41 Journalism/Short Story Writing
- 40 Photography
- 70 Computer-Assisted Small Business Mgmt.
- 79 Electronics Technician
- 25 Gun Pro
- 26 Teacher Aide
- 30 Floral Design
- 27 PC Repair
- 15 Home Inspector
- 31 Locksmithing
- 39 Medical Transcriptionist
- 72 Appliance Repair

Get FREE Information - MAIL ENTIRE AD TODAY

Write the number of the Career that interests you most

MR/MRS/MISS
(Please Print Clearly)

Age

Address

PHONE

City/Country

POSTAL CODE

ICS ACCREDITATIONS AND APPROVALS

ICS is an accredited member of the Distance Education and Training Council in Washington, D.C. and is licensed by the Pennsylvania State Board of Private Licensed Schools. ICS Learning Systems has been reviewed and approved as a Certified Provider of continuing education and training programs by the International Association for Continuing Education and Training.



Pait pasin i daunim kirap blong geim

LONG wik i go pinis yumi lukim olsem geim i no pinis namel long ol Goroka Lahanis na ol Kundiawa Warriors long resis blong Inta-Siti.

Olgeta taim insait long ples blog mipela, i nogat wanpela taim bai mipela i abrusim pait namel long ol tim pastaim long resis pilai i pinis.

Wanem taim tru bai yumi ken lukim sampela klin pela geim namel long ol pilaias na geim i ken pinis long gutpela wei, olgeta manmeri i laikim long en.

Ating i luk olsem long ol taim bihain bai dispela kain pasin i bai stap yet na bai mipela i mekim dispela pasin i stap yet, maski sapos levol blong kain resis i kamap klostu olsem wanpela fultaim wok blong ol pilaias. I no long pela taim nau bai mipela i stap klostu long dispela stendet blong geim ol i kolim 'profesenol' levol, na long mekim kain pasin olsem, ating bai ol pait pasin blong stapim geim i mas pinis na pinis olgeta.

Ating i gat plenti ol gutpela lain i stap husait i gat liak long lukim geim i ron gut long ol ol sponsa na na ol gutpela sapota wantaim ol pilaias i mas belpulap. Sapos pait pasin i kamap olgeta taim, ating em i moa beta yumi mas piliam sampela arapela geim long we bai i nogat ol pait, long wanem sapos yumi laikim ragbi long go het, kain pasin olsem pait i ma noken stap long geim blong mipela.

Bipo tru na long taim blong tum-buna taim ol man i go pait, i nogat tupela tim i save winim pait, wanpela i save win na narapela i save lus, long baibel tu dispela kain skul i stap.

Wankain long ol geim bai yumi i noken gat tupela wina long wanem, sapos olsem bai dispela geim i noken stap moa long wanem, blong wanem as na bai yumi piliam ol gem. Long wanem sapos yu pilai bai



yu gat aim long win, na i no blong tupela tim i win.

Ol sapota o pilaias na ofisel blong mipela i mas lukluk strong long dispela kain tingting.

I tru i gat plenti taim we ol refri i save asua na mipela i save laikim tim blong mipela long win, o i gat sampela liklik eria long sait blong mipela i no stap stret, tasol dispela taim tim blong yu i lus, i no min olsem bai olgeta geim i pinis.


Geim i bai stap yet, na i gat sens long yumi i kam bek gen na soim olsem mipela i ken win long wanem kain stail blong mipela na i no long ol asua blong ol refri o blong mipela yet. Tru ragbi lig em i nambawan geim tru long PNG, we plenti man i laikim, tasol plenti blong i save poret long go lukim geim long wanem ol isave poret long pait.

Wankain tu long ol sponsa, ol i gat laik long stap insait long geim, tasol sampela blong ol i save giv ap long wanem ol i no laik stap insait long wanpela geim wei pait i save kamap klostu klostu. Mipela mas klia oisem plenti blong ol sponsa i save sapatim kamap bikpela blong ragbi lig na sapos mipela i no soim hamamas long kain ol halivim ol i givim mipela ating bai ol i pul aut na go sapatim sampela narapela geim.


Maski long ol liklik lain i kam na bagarapi ol pilai blong mipela, mipela i mas lusim dispela kain pasin long wanem pait pasin i save daunim kamap bikpela blong geim.

Chemcare Pharmacies


K 16.50 *Gift suggestions for Dad on Father's Day*



Q&Q
Watches



K 19.50



~~7.50~~
K 5.15

Brut Deodorant A/Persp. 150g

K 24.95



Kodak 111 Camera
Save 9.50

NEW

Curls C/nut
Oil for men
- Spice
Island 150ml




K 1.59



~~2.35~~
K 1.99

Bic Disposable Razors 5's



K 4.75

Kodak film 24 exp
100 ASA



63^t


Palmolive soap 125g, 6 varieties.
(Pink, White, Green, Blue, Beige, Yellow)

K 6.25



Stayfree Spirit
wings/no wings

Impulse 75g
9 varieties



~~4.50~~
K 3.59

*Pre-wrapped
Gifts
from... K 4.95*



~~1.15~~
K 1.15

Disprin 24's

*While
Stocks
last*

LAE, 4TH Street
KIMBE
KOKOPO
ALOTAU

**QUALITY MEDICINE
PROFESSIONAL CARE
CHEMCARE**

LAE, Eriku
MADANG
GOROKA
MT. HAGEN
WEWAK

Ainscough na Treacy bai joinim St George

SENTA bilong Newcastle husat bai lusim ol long pinis bilong dispela yia Jamie Ainscough i luk olsem bai join-



• Jamie Ainscough

im St George long neks sisen bihain-long bikipela mani lain Parramatta i rausim em yet taim Australian Ragbi Lig i tok long putim maki long pei bilong ol pilai.

Dispela nupela K4 milien mak ol i makim, na bai kamap long 1998 em bai katim daun sans bilong ol tim olsem Eels, Sidni Siti na Canberra long baim ol pilai, husat tu i bin traim long kisim mak bilong Ainscough na ol narapela nupela pilai.

Ainscough wantaim seken rowa bilong ol Knights Darren Treacy, husat bai aut long klab long neks yia taim klab i laik holim bek ol narapela bikipela pilai, tupela pilai i lukim olpela kosa bilong ol David Waite husat i kosim St George nau na i luk olsem ol bai joinim St George long 1997.

Na i tru olsem Treacy i sain pinis wantaim ol Dragons na i gat toktok olsem Ainscough bai sain yet na menesa bilong tupela pilai ya Wayne Beavies i tok Ainscough bai redi yet long sain.

-AAP

Offiah i no stap long Great Britian Skwat

TOP man bilong skorim ol trai bilong British Lions Martin Offiah i no stap long skwat bilong Great Britian long kam pilai long Papua Niugini, Fiji na Nu Silan long mun Oktoba, na dispela i soim olsem em i pinis bilong em olgeta nau long pilai intansenel ragbi lig.

Tasol London tim meit bilong em Tulson Tollett, husat i stap longpela taim long Australia i winim em na kisim wanpela spes long dispela 32 man skwat.


Dispela olpela Wigan winga Martin Offiah em wanpela bikipela nem tru long i no stap long

lista taim kosa Phil Ladder i tokaut long skwat bilong em long kam pilai long PNG, Fiji na Nu Silan. Offiah bai gat 30 krismas long mun Disemba bilong dispela yia.

Tollett husat i gat 23 krismas na save pilai long faiv-eit bilong London Broncos, i bin bon long Hastings na papa mama bilong em ol English lain.

Em bin pilai bipc long Penrith na Parramatta na joinim Supa Lig logn London long stat bilong dispela sisen na i redi long go bek long Australia long jesi bilong Great Britian.

-AAP



• Martin Offiah

Miur tok asua bilong em na Newcastle i lus

SEKEN rowa bilong Newcastle Adam Miur log Mande nait i bin wari nogut tru na tok em yet i mekim ron na i no winga Keith Beachamp long lus bilong ol egensim ol Parramatta Eels long pilai long Mande nait we ol Eels i winim ol Knights 18-16 long Parramatta Stedium.

Bihain long ol i stap baksait long seken hap, ol Eels i go insait long kisim dispela pilai na winim long 74 minit taim penelti bilong Chris Lawler i go insait long

givim ol Parramatta sans long stap insait long top 8.

Penelti i kamap bihain long referi Paul McBlane i no tok yesa long wanpela nok on bilong Parramatta na Lawler i kikim dispela gol long karim ol Eels i go long winim dispela pilai long 2 points tasol. Penelti ya i kamap taim Beachamp i kamapim wanpela asua long taim ol Parramatta i laik pilaim bal.

Tasol Miur i kisim dispela hevi na tok olsem em yet i kamapim

ron long wanem ol i putim em long sin bin long 48 minit mak.

Long dispela taim Newcastle i bin go pas long skoa 14-10 na maski Lawler i kikim wanpela penelti gol insait long dispela 10 minit tasol, Miur i kisim hevi long em yet na tok asua bilong em tasol long go egensim referi i mekim na tim bilong em i lus.

"Em i rabis pasin tru mi mekim, na tim i sot long 10 minits na pilai bilong mipela tu i ken bagarap," Miur i tok.

-AAP



• Adam Muir

British Lions tim bilong bungim PNG, Fiji na Nu Silan

Dispela em tim bilong ol British Lions husat bai kam pilai long Papua Niugini long mun Oktoba, Fiji na Nu Silan. Kosa bilong ol Phil Economidis i tokaut long dispela skwat long Trinde.

Backs: J Bentley (Halifax), G Connolly (Wigan), S Edwards (Wigan), B Goulding (St Helens), I Harris (Warrington), J Hayes (St Helens), P Newlove (St Helens), S Prescott (St Helens), K Radlinski (Wigan), J Robinson (Wigan), K Senior (Sheffield), T Smith (Castleford), S Spruce (Bradford), A Sullivan (St Helens), T Tollett (London).

Forwards: D Betts (Auckland Warriors), D Bradbury (Oldham), P Broadbent (Sheffield), M Cassidy (Wigan), K Cunningham (St Helens), B Dwyer (Bradford), A Farrell (Wigan, capt), N Harmon (Leeds), L Jackson (Newcastle Knights), C Joynt (St Helens), B McDermott (Bradford), S McNamara (Bradford), A Morley (Leeds), S Molloy (Featherstone), T O'Connor (Wigan), R Phillips (Workington), P Sculthorpe (Warrington).

Clubs represented: Wigan and St Helens (seven players each), Bradford (four), Warrington, Leeds and Sheffield (two), Auckland Warriors, Castleford, Featherstone, Halifax, London, Oldham, Newcastle Knights and Workington (one).


Westley na Wiki nogat sas long judiseri

AUSTRALIAN Ragbi Lig i tokim South Sidni olsem ol i gat olgeta ait long sasim senta bilong Canberra Raiders Ruben Wiki long spia takel — na i no long rausim em long dispela sas.

Wiki em kot i painim olsem em i no mekim ron long spia takelim lok bilong Souths Damien Browne long Raiders 40-10 win egensim ol Souths na Wiki i tok olsem tim meit bilong em David Westley i mekim moa rong.

Siaman bilong Judiseri Alan Sullivan i tok olsem em i hat tru long tok olsem Wesley o Wiki i mekim dispela takel tasol Browne i laki tru long wanem em i no kisim wanpela bikipela bagarap long bodi bilong em.

Browne i tokim Sullivan olsem dispela bagarap em i kisim long sait bilong em i no kamap long takel



• Ruben Wiki

bilong Wiki tasol em i kisim dispela bagarap long strongpela ron Wiki i mekim i kam long em.

-AAP



•Sanap longwe! Tupela pilaia ya wampela bilong Lae Bombers na narapela bilong Mendi Muruks i redi long tromoi han. Lae Bombers i no bin pilai gut long las wiken na ol i lus long Mt Hagen Eagles 17-14.



• David Gomia. Wampela Kumul pilaia husat i helpim ol Hagen Eagles long winim ol Lae Bombers 17-14 long las wik Sande.




• Agi Tete, wampela pilaia bilong ol Goroka Lahanis husat i wok long strongim ol Lahanis long holim namba wan ples bilong inta siti kap resis.


INTA SITI RAGBI LIG EKSEN NA TIM POTO



• Mt Hagen Eagles tim husat i bin winim ol Lae Bombers 17-14 long las wik Sande. Pilai ya i bin kamap long Rebiatul pilai graun long Mt Hagen.




• Lapun fowat bilong ol Lahanis Tiuyo Evei i daunim wampela Kundiawa Warriors pilaia. Tupela senta ya i no pilai gut na pait i bruk long pilai bilong ol las wiken.




• Tarangau primia tim bilong Mosbi lig long las yia. Ol i nogat sans bilong stap insait long ol fainels bilogn dispela yia.

The

WANDERER



• Marty McKenzie wanpela gutpela pilaia bilong Parramatta.



McKenzie i dring long wara i gat laip

SAPOS em i no pilai futbol, Parramatta fowat Marty McKenzie bai stap long sait bilong rot long sampela hap, long traim painim nupela raun.

McKenzie em wanpela man bilong raun na ol stamp insait long paspot bilong em i stori long planti samting.

Dispela yangpela mangi husat i gat 24 krismas i krungutim Grand Canyon, Indonesia, raun long ol Pasifik Island, pilai Ragbi long Japan, ski logn Canada, Carlifornia na raun long olgeta hap bilong Australia.

Na i gat sampela taim tu we em i no nap lus tingting. Olsem taim em i amamasim ol Indian long Canada bihain long em i winim Cowboy danis bilong ol.

Maski em i pinisim dispela Cowboy danis na kisim planti sua lon baksait bilong em, m i amamas long wanem planti ol lain husat i lukim em i kalap nogut tru. Na taim nait i pinis, em i wanpela biknem man tru.

McKenzie i gat plen long raun i go long Afrika na Yurop wantaim gelpren bilong em Nicole tasol dispela olgeta plen i stap baksait yet long het bilong em.

Nau yet em i lukluk long strongpela pilai bilong em we i helpim ol Eels long winim ol Western Reds 18-6 na tu long holim ples bilong em long fes gret.

Givim sans long em long pilai long ensim rum taim bagarap i kisim ol Eels lain em ol i baim ol long planti milien kina olsem Adam Ritson, Aaron Raper na Peter Johnston, McKenzie i no putim wanpela i go daun.

Em i tok olsem pilai long fran i narakain tru long pilai long posisen em i save pilai oltaim em long bek row. Tasol em i no komplem long dispela samting.

"Em i hat tru," em i tok. "Mi pilai pro sampela taim tasol mi no nap lusim wanpela sans bilong pilai fes gret.

"Mi no longpela man long pilai prop. Mi 180 cm tasol na mi no nap long go egensim Paul Harragon tasol mi save traim givim olgeta kain save mi gat."

McKenzie i putim pilai bilong em i bihainim nupela rikrut Johnston, wanpela bilong ol strongpela man bilong ragbi lig na wanpela pilai McKenzie i tok i save gat strongpela bilip.

"Peter i save glasim gut pilai," McKenzie i tok. "Em i save putim planti taim bilong em tru i go insait long redi na dispela i mekim em i wanpela top pilai."

Wanem samting McKenzie i nogat em longpela tasol em i save gat bilip long em yet. Em i opim ai bilong planti long dispela pilai egensim ol taim em i mekim 30 takel na 25 hitaps.

Bihain long em i pilai 4-pela yia long risev gret bilong Parramatta, dispela Kwinslen mangi i save olsem bal pilai bilong em tasol i givim em dispela man-of-the match awot na dispela i bikpela samting tru.

"Em i bikpela samting tru long kisim dispela prais," em i tok. "Mi no bin save bai Parramatta i holim mi long pinis bilong las sisen taim ol i stat long rausim ol pilaia."

Taim ol Eels i pinis long las tru long 1995, ol bikman i tingting long mekim tim i strong. Ol i lonsim bikpela rikrut kempin long stori bilong pilai na i gat planti ol lewa i bruk.

Moa long 42 fes gret pilai i kisim hap pepa long mekim rum long Jarrod McCracken, Jason Smith, Dean Pay, Jim Dymock, Gary Freeman, Nathan Barnes na

tripela fran row pilaia em long Ritson, Raper na Johnston.

Na taim kompetisen i wok long go pinis nau, ol liklik ol Eels pilaia em nem bilong ol i wok long kamap bikpela.



McKenzie i tok olsem ol i gat bikpela tingting long rausim ol toktok bilong las yia we ol sapota i tok olsem dispela tim i makim klab i wanpela nogut tim olgeta na dispela i mekim ol pilaia olsem Troy Campbell na Justin Morgan i pilai hat moa.

"Mipela i gat planti samting long soim ... long wanem las yia Parramatta i kisim bikpela taim tru.

"Mipela tu i laik soim olsem mipela i ken pilai wankain olsem ol biknem pilaia."

Na bungim wantaim ol i ken. Sapos Campbell na McKenzie i ken kisim singaut i kam long ol klab olsem North Kwinslen, South Kwinslen na Canberra, na tupela poroman ya i laik stap wantaim Eels, tupela i gat planti samting long givim.

Na long wanem hap futbol bilong em i karim em i go, McKenzie i gat plen long go het yet wantaim ol raun bilong em long kainkain hap.



Nupela fains sistem - Moore i tok em bilong ol stil man

'EM BAI INO INAP WOK'

WANPELA bilong strongpela enimel bilong ragbi lig Peter Moore i givim ARL ful mak long traime na stopim dispela namel long sisen baim ol pilaia we i kamap bikpela tru nau.

Tasol emi kisim strongpela toktok olsem dispela i no nap wok. I gat planti sak i stap autsait husat i redi long jit long maket na kamapim moa rabis pasin.

Dispela bikpela samting i kamap moa bikpela long dispela wik taim ol ripot i kamaut olsem Penrith i wok long toktok long baim Tim Brasher bilong Balmain Tigers wantaim K800,000 long wanpela sisen.

Las wik ARL i kamapim wanpela lo bilong pasim ol klab na sasim ol K500,000 sapos ol i mekim dispela pasin long stilim ol pilaia husat i stap long kontrak yet.

Dispela lo i kamap long wanem ol klab bilong ARL olsem Balmain Tigers, Gold Coast na Souths i komplem long wanem ol gutpela pilaia bilong ol em ol biknem klab i baim ol aut.

Na dispela nupela lo em bilong helpim long stopim ol dispela kain pasin bilong stilim ol pilaia tasol Moore i gat kainkain tingting. Dispela man husat i bosim Canterbury inap 26 yia olgeta i tok ol menesa bilong ol wanwan pilaia i holim ki long mekim dispela lo i kamap tru o nogat.

Ol menesa i nogat lo wantaim Philip Street na i fri long toktok wantaim husat man long lukluk long bihain taim bilong ol pilaia bilong ol.

Na i tru planti bilong ol i kisim ol rot bilong painim ol gutpela ples long ol pilaia bilong ol long go.

"I tru mipela i no wok long ARL, mipela i wok long ol pilaia," wanpela menesa husat i no laikim nem bilong em i kamap i tok.

"Mipela bai mekim rong samting sapos mipela i no nap long setim ol long bihain taim bilong ol."


Moore i tok olsem namba wan rot long stopim ol menesa long mekim dispela ol kain toktok em long pinisim sampela ol nogut sistem na kamap wantaim sampela kain lo bilong ol menesa ya.

"ARL i mas givim laisens long ol na tok olsem sapos ol i no bihainim lo bai ARL i rausim laisens bilong ol," Moore i tokim RLW. "Dispela bai lukim olsem dispela nupela lo ol i kamapim bai wok gut."

Na taim em i harim olsem i gat kainkain toktok olsem sampela bai go egensim dispela lo, Moore i tok olsem i no longtaim bai sampela ol klab bai pinis olgeta.

"Taim mi stap long Canterbury, Ken(Arthurson) na mi i sainim wanpela agrimen olsem Manly bai i no nap sainim ol pilaia bilong mipela na mipela i no nap rikrutim ol Manly pilaia. Mipela i mas kisim yesa bilong ol pastaim," em i tokaut.

"Mipela i stap long dispela agrimen inap 20 yia olgeta...tasol inait long 20 tim resis, mi no lukim planti klab i bihainim dispela lo."



• Wanpela pilai namel long Parramatta na Sydney City Roosters



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.